


বাপ্পারাও ।



(ঐতিহাসিক নাটক)

মনোমোহন থিয়েটারে অভিনীত ।

প্রথম অভিনয় রজনী—শনিবার, ১৪ই ফাল্গুন, ১৩২২ সাল ।

শ্রীনিশিকান্ত বসু রায় বি, এল,
প্রণীত ।

দ্বিতীয় সংস্করণ ।

আশ্বিন, সন ১৩৩০ সাল ।

প্রকাশক—শ্রীহরিদাস চট্টোপাধ্যায়,
গুরুদাস চট্টোপাধ্যায় এণ্ড সন্স ;
২০৩-১-১ নং কর্ণওয়ালিস ষ্ট্রীট, কলিকাতা ।

[মূল্য এক টাকা মাত্র ।

বাগবাজার ১০৪
 ডাক অফিস ২০ এ.ই.ডি.
 পরিগ্রহের তারিখ ২০/১১/২০০৬

প্রবেদন ।

জাতীয় চরিত্র গঠনে নাট্যসাহিত্য বিশেষতঃ ঐতিহাসিক নাটকের উপ-
 যোগিতা সর্বসম্মত । সেই মহত্বদেশ লইয়াই “বাপ্পারাও” যের অবির্ভাব ।
 এ পক্ষে এই আমার প্রথম পাদক্ষেপ । সফলতা—সুধীবর্গের বিচার্য্য ।
 তাঁহারা “বাপ্পারাও” কে কিঙ্কিন্যামাত্রও প্রীতির চক্ষে নিরীক্ষণ করিলে
 নিজেকে কৃতার্থমন্ত্ৰ জ্ঞান করিব ।

“বাপ্পারাও” প্রণয়নে মহাত্মা টডের রাজস্থানই আমার প্রধান অবলম্বন ।
 ইহার ছই একটি দৃশ্য বিংশ শতাব্দীর নব্যশিক্ষাসম্মত নয় বলিয়া আপাতঃ
 প্রতীয়মান হইলেও সম্পূর্ণ আমার কল্পনাপ্রসূত নহে । রাজবারা-গৌরব
 বীরবর “বাপ্পারার” যের সম্বন্ধে অনেক জনশ্রুতি প্রচলিত আছে । মহামতি
 টড ও উহার উল্লেখের প্রলোভন ত্যাগ করিতে পারেন নাই ।

“মহাজনো যেন গতঃ স পস্থা”

বাগেরহাট, খুলনা ।
 ২৪শে চৈত্র,
 ১৩২২সাল ।


বিনীত—

শ্রীনিশিকান্ত বসু রায় ।

প্রিণ্টার—শ্রীশশিভূষণ পাল,—

মেট্রিকাল প্রেস,

৭৯নং বলরাম দে ষ্ট্রীট, কলিকাতা ।



পরম স্নেহময়,

আদর্শ চরিত্র, পূজ্যপাদ

পিতৃদেব

স্বর্গীয় রাইচরণ বসু রায় মহাশয়ের

শ্রীচরণোদ্দেশ্যে

ভক্তি-অঞ্জলি -

চরিত্রাবলী ।



পুরুষ ।

হারীত

গোরক্ষনাথ

মানসিংহ

বীরসিংহ

সেলিম

ইয়াজিদ

আসফ, ফরিদ ও হাদিম

বাপ্পারাও

বালীয়

খোমান, জালিম, অপরাজিত

দেব

করিম

হুর্জন

} মহাপুরুষ ।

...

...

...

...

...

...

...

...

...

...

...

...

...

...

...

...

...

...

...

...

...

...

চিতোর-রাজ ।

বীরনগরাধিপতি ।

গজনীর সুলতান ।

ঐ সেনাপতি ।

ঐ সৈন্যধ্যক্ষগণ ।

নাগাদিত্য পুত্র ।

বাপ্পার ভীল অনুচর

বাপ্পার পুত্রগণ ।

জৈনক রাজপুত্র ।

আসফের মোসাহেব ।

মানসিংহের অনুচর ।

শিষ্যগণ, ঘাতকগণ, পুরোহিত, সৈন্যগণ, নাগরিকগণ ইত্যাদি ।

স্ত্রী ।

ষায়া

নোগোরা

লছমিয়া

...

...

...

...

...

...

বীরসিংহের কন্যা ।

সেলিমের কন্যা ।

বালীয়ার পালিতা ।

নর্তকীগণ, সখীগণ, নাগরিকগণ, ইত্যাদি ।

বাস্তবায়ন ।

প্রথম অঙ্ক ।

—:0:—

প্রথম দৃশ্য ।

কুঞ্জকানন—ঝুলন-বাসর ।

মায়া ও সখীগণ ।

সখীগণের গীত ।

আয় লো আয় খেলবি যদি সাধের ঝুলনে,

প'রে সবে রঙিন সাড়ী নুপুর চরণে ।

চলে.চল তাড়াতাড়ি, নে ফুল তুলি আঁচল ভরি,

হেলে ছলে খেলবি যদি কুঞ্জ-বিতানে ।

১ম সখী—আমি ভাই কৃষ্ণ হব তুই হ' মোর প্রাণের রাই,

ছলাবো তোরে বামে নিয়ে তাই তাই তাই ;

২য় সখী—বটে ! বেশ হ'তে পারি তোর প্রাণের রাধা ধরিসু যদি পার—

১ম সখী—এই ধরলুমু তোর চরণ দু'টি এখন বামে আর ।

সকলে—মিললো আজি রাধা-কৃষ্ণ মধুর মিলনে ।

২য় সখী । তাহ'লে সখি, এখন ঝুলনের দোলা বাঁধি

মায়া । হাঁ, বাঁধ ।

১ম সখী । ওমা ! একি ! দোলা বাঁধবার দড়ি কোথায় ?

২য় সখী—তাইত ! দড়ি কি হ'ল ? ঐ যা—ভুলে এসেছি ।

৩য় সখী । রাজকন্যা, এখন কি হবে ?

মায়া । কি আর হবে ? যেখান থেকে হয় একগাছা দড়ি সংগ্রহ ক'রতেই হবে । এমন আমোদটা আজ একগাছা দড়ির জন্তে মাটা হবে—
তা হবে না ।

২য় সখী । কি ক'রব রাজকুমারি—এখানে দড়ি কোথা পাব ?

মায়া । তাওত বটে—যদি কোন উপায়ে—না, এমন দিনটে আজ
বুখা গেল ।

(বাগ্নার প্রবেশ)

১ম সখী । ওরে, ও রাখাল—আমাদের একগাছা দড়ি দিতে পারিস্ ?

বাগ্না । পারি, কিন্তু—

২য় সখী । পারিস্ ত দে—আবার 'কিন্তু' কি ?

১ম সখী । ভেঙ্গেই বলনা তুই কি চাস্ ।

বাগ্না । তোমাদের কাছে কিছু চাই না ।

২য় সখী । তবে কার কাছে চাস্ ?

বাগ্না । (মায়াকে দেখাইয়া) এই, এ'র কাছে—

১ম সখী । (২য় সখীকে) ছোঁড়া কি ধড়িবাজ দেখ'ছিস্ । আমাদের
মাঝ থেকে রাজকন্যাকে ত ঠিক চিনে ফেলেচে । ও নিশ্চয় বড় একটা দাঁও
মারবার ফন্দি করেছে ।

২য় সখী । বড় একটা দাঁও মারবে ! তুইও যেমন ! একগাছা দড়ির
ভারি দাম কিনা ! ওরে ছোঁড়া, বলনা কি চাস্ ?

বাগ্না । যার কাছে চাইব, তিনি কিছু বলচেন না,—আমি কি ক'রে
চাইব বল ।

মায়া । একগাছা দড়ির আমাদের বড় দরকার—বল, তুমি তার
বিনিময়ে কি চাও ?

বাপ্পা । রাজকন্যা, আমি তোমার দোলা বাঁধবার ব্যবস্থা ক'রে দিচ্ছি—তুমি আমার এই পাগল প্রাণটাকে বাঁধবার উপায় কর । এবং সমস্ত দিন উধাও হ'য়ে আমায় কি জ্বালাতন করে তা' আর তোমাকে কি বলব । দোহাই রাজকন্যা, এর উপায় কর ।

মায়া । তা আমি কি ক'রব ?

বাপ্পা । তুমি ইচ্ছে ক'রলে সবই ক'রতে পার ।

মায়া । কি ক'রে ?

বাপ্পা । কেন তুমি কি জান না যে প্রাণ বাঁধতে হ'লে প্রাণ চাই ।

৪র্থ সখী । বটে !

১ম সখী । (জনান্তিকে) চূপ, চূপ, বাধা দিওনে । মজা করা (প্রকাশে) ওঃ, এই কথা । তা এতক্ষণ বলনি কেন ? দেখত, পছন্দ হয়—একে—একে—একে—

বাপ্পা । সুন্দরি, চাঁদ ধ'রবার সাধ যার, সে কোন সুখে স্বীর্ণদীপ্তি তারার দিকে ফিরে চাইবে !

৪র্থ সখী । তোমরা এ সব কি ক'রছ ? একটা বদমায়েস রাখালের সঙ্গে যা তা আলাপ ক'রছ ? এই,—এখান থেকে চলে যা । কেন এসেছিস এখানে ? কার হুকুমে এসেছিস ?—

বাপ্পা । কা'রও হুকুমের অপেক্ষা রাখিনি—পথ দিয়ে যাচ্ছিলেম, গান শুনতে পেলেম । এখানে আসতে ইচ্ছা হ'ল—ফটক খোলা পেয়ে সোজা চলে এলেম ।

• মায়া । ফটক খোলা কেন ?

১ম সখী । রাজকুমারি, অপরাধ মাপ ক'রবেন—ব্যস্ততা বশতঃ আমরা ফটক বন্ধ ক'রে আসতে ভুলে গিয়েছি ।

মায়া । প্রহরী কোথায় ?

১ম সখী । উৎসব আরম্ভ হয়েছে এখন তাদের ছুটি ।

৪র্থ সখী । এই ছোঁড়া,—যা বেরিয়ে যা—

বাণ্মা । বেশ যাচ্ছি—

২য় সখী । দড়ি দিয়ে যা—

বাণ্মা । সেটা হচ্ছে না ।

৪র্থ সখী । তবে বেরিয়ে যা—

বাণ্মা । যাচ্ছি ।

১ম সখী । যাচ্ছ ত অনেকক্ষণ থেকে—যাও না, কে বারণ ক'রছে !

বাণ্মা । রাজকুমারি, তা হ'লে আমি যাই ।

[প্রশ্নান ও অন্তরালে অবস্থান ।

মায়া । এমন দিনটা আজ একটা তুচ্ছ জিনিষের অভাবে ঝুঁটা গেল ।

১ম সখী । তা হ'লে কি রাখাল ছোঁড়াকে ডাকব ?

মায়া । হুর্ ! আমি কি তাই বলছি নাকি ?

২য় সখী । ডাকলেই বা ক্ষতি কি ? ও একটা পাগল । নইলে রাখাল হ'য়ে রাজার মেয়েকে বিয়ে ক'রতে চায় ! ডাকনা—ওকে নিয়ে একটু আমোদ করা যাক ।

৩য় সখী । আর ও ত সত্যি সত্যি তোমাকে বিয়ে ক'রছে না ।

১ম সখী । তবে ডাকি—ও রাখাল—রাখাল—

(বাণ্মার প্রবেশ)

বাণ্মা । কি আমায় ডাকছিলে ?

৪র্থ সখী । আজে হা । তোমাকে না ত, রাখাল বলে কি মস্তি
কশায়কে ডাকছিলেম ?

বাণ্মা । কেন ডাকছিলে ?

১ম সখী । দড়ি দাও ।

বাণ্মা । তা হ'লে রাজকুমারি—

১ম সখী । হাঁ হাঁ তাই হবে ।

বাপ্পা । তোমার কথা শুন্ব না, রাজকত্তা না বলে আমার বিশ্বাস হবে না ।

৪র্থ সখী । হয়েছে ! সখির চাঁদপানা মুখ দেখে গরীব বেচারীর মাথা ঘুলিয়ে গেছে !

১ম সখী । (মায়ার প্রতি) বলনা লো । আহা ! ষত দেরী ক'রুছ তত সময় যাচ্ছে বুঝতে পারছ না ।

মায়া । (জনান্তিকে) আমার লজ্জা করে—

১ম সখী । তুই ত আর সত্যি সত্যি বিয়ে ক'রছিস না । এষে খেলার বিয়ে— বল না—

মায়া । (বাপ্পাকে) আমি সন্মত আছি ।

বাপ্পা । উত্তম । এই রজু নাও । তোমরা দোলা বাঁধ ।

১ম সখী । (দোলা বাঁধিতে বাঁধিতে) দেখ, আয় এক মজা করি ।

২য় সখী । কি মজা ?

১ম সখী । রাখাল ঘেন সত্যিই মায়ার বর—আমরা এই রকম ভাব দেখাই । তাহ'লে ও একেবারে আহ্লাদে আটখানা হ'য়ে উঠবে । কি বলিস ?

২য় সখী । বেশ ত, বেড়ে মজা হবে ।

১ম সখী । দোলা বাঁধা হয়েছে—তা হ'লে রাজজামাতা, রাজকত্তা আপনারা এই দোলার উপর বসুন ।

২য় সখী । রসো, আগে মায়ার কাপড়ের সঙ্গে জামাই বাবুর কাপড় বেঁধে দি । (তথাকরণ) ওমা ! ছোড়ার কাপড়ে কি গরু গরু গরু !

(বাপ্পা ও মায়ার দোলার উপর উপবেশন)

বাপ্পা । সুন্দরীগণ, তোমরা এখন মিলনের গান গাও ।

৪র্থ সখী । (সখীগণের প্রতি) দেখ, তোমাদের এসব কাণ্ড কারখানা

আমার কিন্তু ভাল লাগছেনা । কি উৎপাত !—শেষে কিনা একটা রাখাল আমাদের হুকুম করছে, আর তাই তামিল ক'রতে হ'বে ! আমি এখনই এসব কথা রাজামশাইকে বলে দেব ।

১ম সখী । তুই ভাই রাগছিস্—আমাদের ত হাসি আসছে । দেখছিন্ না রাখাল ছুঁর কি গভীর ভাবে আদেশ ক'রছেন ।

২য় সখী । আমরা ত ভাই আমোদ ক'রতেই এসেছি, এওত এক নূতন বুকমের আমোদ । মন্দ কি ?

বাগ্না । কই তোমরা গাচ্ছ না যে ?

১ম সখী । এই গাচ্ছি গাচ্ছি ।

গীত ।

মরি মিলন চমৎকার ।
রাখালের পাশে রাজার বিয়ারী,
যেন বানরের গলে মুক্তাচার ।
ঝোকিল কুহুতে রাসভ রাগিনী,
কাঁচের পাশে ফণির মণি,
যেন নবতী বয়সে বালিকা ঘরনী,
আহা হ'লো কি বাহার ॥

বাগ্না । রাজপুত বালিকা—আজ হ'তে তুমি আমার ধর্মপত্নী । আমি এখন বিদায় নিচ্ছি । রাজপুত বালক স্বেচ্ছায় যে ভার গ্রহণ করেছে সে তা অবশ্য বহন ক'রবে । রাজপুত বালিকার ধর্ম তার নিজের হাতে ; আমি যাচ্ছি—যখন সময় হবে আবার দেখা হবে । [প্রস্থান ।

২য় সখী । ছোঁড়া আচ্ছা পাগল ! ও নিশ্চয় মনে করেছে যে সখী তাকে বিয়ে করেছে । খুব মজা হ'ল যা হ'ক !

মায়া । (স্বগত) নিশ্চয় রাখাল নয়—ছদ্মবেশে কোন দেববালক ।

১ম সখী । কি সখি কি ভাবছ ?—মজ্লে নাকি ?

মায়া । হুঁ !

দ্বিতীয় দৃশ্য ।

আশ্রম সম্মুখস্থ প্রাঙ্গন ।

শিষ্যগণ ।

১ম শিষ্য । আমি তখনই বলেছিলাম তা গুরুদেবের কিছুতেই বিশ্বাস হ'বে না । এখন দেখলেত ? অমন পয়স্বিনী গাভী—বাঁটে একটু দুধ নেই ! এ দুধ যায় কোথা ? ঐ বাপ্পা ছোঁড়া নিশ্চয়ই অরণ্যে গোপনে দুগ্ধ দোহন ক'রে পান করে ।

২য় শিষ্য । নিশ্চয় তাই । নইলে আমরা দিন দিন সব শুকিয়ে যাচ্ছি, আর বেটাচ্ছেলে দিন দিন ফুলছে । আর সেকি যে সে ফোলা—সাতটা বাঘে গতির খানা খেয়ে ফুরতে পারে না ।

৩য় শিষ্য । তার উপর গুরুদেবের ব্যবহারটা দেখেছ ! আমরা বনে বনে কাষ্ঠাহরণ করব, পুষ্প চয়ন করব, আগুন জালব, সন্ধ্যা পূজার সমস্ত যোগাড় করব আর বাপ্পা বেটা গুরুদেবের প্রসাদ লাভ করবে । সে দিনত গুরুদেব স্পষ্টই বলেন, বাপ্পাই তাঁর প্রিয়তম শিষ্য !

৪র্থ শিষ্য । আমরা সমস্ত দিন খেটে মরব—একটু শোবার সময় নেই, আর বাপ্পা ব্যাটা গরু কয়টা বনে নিয়ে গিয়ে গোপনে দুধের সদ্ব্যবহার করে তার প্রিয় শিষ্য হবে !

১ম শিষ্য । হবে কি হে—হয়েচে । দেখ এখনও এর একটা প্রতিকার করা কর্তব্য । যদি গুরুদেব মঙ্গলতন্ত্র সব বাপ্পাকে দিয়ে যান ।

২য় শিষ্য । ব্যাটার শরীরের জোর দেখেছ—যেন একটা অসুর অবতার । সেদিন আমরা দশজনে যে গাছটাকে উচু কর্তে পারিনি—ব্যাটা তাই ২৩ ক্রোশ দূর থেকে আশ্রমে ব'য়ে নিয়ে এল !

৪র্থ শিষ্য । ঐ যে গজেন্দ্রগমনে আসছেন ।

বাগ্নারাও ।

(বাগ্নার প্রবেশ)

বাগ্না । আপনারা আমার প্রণাম গ্রহণ করুন—

সকলে । সুখী হও । (নিম্নস্বরে) নিপাত যাও—ত্রিরাত্রের মধ্যে
গুলাউঠায় ধরুক । ধ্বংস হও ।

বাগ্না । বলতে পারেন কি গুরুদেব কোথায় ?—

১ম শিষ্য । (জনান্তিকে) দেখলে ব্যাটার বিটকেলিটা দেখলে !
আমাদের আর হিসেবেই আনুচেন না, একেবারে গুরুদেব । (প্রকাশে)
প্রয়োজন ?—

বাগ্না । গাভী নিয়ে অরণ্যে যাত্রা ক'রবার সময় হ'য়েছে তাই তাঁর পাদ-
বন্দনা করে যাত্রা ক'রব—এই মাত্র ।

১ম শিষ্য । (জনান্তিকে) ভক্তির চোটটা দেখেছ ! বনে যাবেন তা
গুরুদেবকে প্রণাম ক'রে যাবেন । এমন ক'রে বশ ক'রতে লাগলে গুরুদেব
চিত্ত স্থির রাখবেন কি করে ?

৪র্থ শিষ্য । (জনান্তিকে) স্পষ্ট বলাই ভাল—

বাগ্না । আপনারা বোধ হয় অবগত নন । আমি তা হ'লে আশ্রমেই
যাই । (প্রস্থানোত্তত)

২য় শিষ্য । যায় যে । বল না—

৩য় শিষ্য । তুমি বল না—

২য় শিষ্য । আমার ভাই ভয় করে (১মকে) দাদা, তুমি বল—

১ম শিষ্য । দাঁড়াও—দেখ বাগ্না, তোমার কি ইচ্ছা যে আমরা সব
এখান থেকে চলে যাই—

বাগ্না । আপনি কি বলছেন আমি বুঝতে পারছি না ।

৪র্থ শিষ্য । পার্ছ বই কি বাবা মনে মনে খুবই পার্ছ—তবে প্রকাশে
স্বীকার কর্ছ না । না, আর চুপ করে থাকি যায় না । স্পষ্টই বলতে হ'ল ।
দেখ বাগ্না, আমাদের সন্দেহ হয় যে তুমি—তুমি—তুমি—

১ম শিষ্য । অরণ্যে গাভীর দুগ্ধ—

৩য় শিষ্য । দোহন ক'রে পান কর ।

৪র্থ শিষ্য । এবং গুরুদেবের নিকট আমাদের বিরুদ্ধে নানা দোষারোপ কর ।

১ম শিষ্য । এবং আমাদের অজ্ঞাতে গুরুদেবের নিকট গুপ্ত মন্ত্র শিক্ষা কর ।

বাপ্পা । আপনারা আমাকে অশ্রায় সন্দেহ ক'রছেন । আমি আপনাদের চরণে কোন অপরাধ করিনি ।

৪র্থ শিষ্য । আরে রেখে দাও তোমার ভেলুকী, ওসব চরণ টরণ এখানে চ'ল্চে না । আমরা গুরুদেবের মত অমন মূর্খ নই যে তোমার দুই একটা আধ-আধ কথা শুনে সব ভুলে যাব ।

২য় শিষ্য । নিশ্চয় । বলি বাপুহে, গোপনে দুধ না খেলে গরুর বাঁটে দুধ থাকে না কেন ? আমরা সব শুকিয়ে যাচ্ছি আর তুমি দিন দিন এমন ভূঁড়ী ভাসাচ্ছ কি ক'রে হে ?

বাপ্পা । আমি এর কিছুই জানি না ।

১ম শিষ্য । নিশ্চয় জান ।

২য় শিষ্য । এখনও বল গরুর দুধ কোথায় যায় ?

বাপ্পা । আমি ত পূর্বেই বলেছি—আমি কিছুই জানিনা ! আপনারা ভ্রান্ত—

১ম শিষ্য । কি আমরা ভ্রান্ত—আর অভ্রান্ত তুমি ! তবে রে চোর—

২য় শিষ্য । মিথ্যাবাদী—

৩য় শিষ্য । ভেলুকিবাজ—

৪র্থ শিষ্য । পাষণ্ড, উল্লুক ।

বাপ্পা । আপনাদের স্মরণ রাখা উচিত যে মানুষ মাত্রেরই ধৈর্যের একটা সীমা আছে ।

১ম শিষ্য । কি চোরের আবার বড় গলা ! চুরি ক'রে দুধ খাবি আবার চোখ রাগাবি !

বাগ্না । ব্রাহ্মণ ! না, তোমরা অবধ্য । অন্ত কেউ যদি আজ শিলাদিত্য বংশধর গিহেলাট বাগ্নাকে এরূপ জঘন্য ভাষায় গালি দিত, তা হ'লে তার জিহ্বা চিরদিনের জন্য নীরব হ'ত । তোমরা কি জান্বে ব্রাহ্মণ, যে কে আমি এবং কেন এরূপ দীনভাবে তোমাদের এই অবজ্ঞা, তোমাদের এই ঐক্য, তোমাদের এই অত্যাচার নীরবে সহ ক'রছি ! আজ আমায় তোমরা স্বর্ণ্য চোর্যাপরাধে অপরাধী ক'রতে সাহসী হচ্চ । এত স্পর্ধা, এত দম্ভ, এত ঐক্য তোমাদের ! কি বলব, তোমাদের দেহ ঐ তিনগাছি সূত্রের অক্ষয় কবচে রক্ষিত, নইলে—না, না এ আমি কি বলছি—ক্রোধে আত্মহারা হ'য়ে এ আমি কি ক'রছি ! (নতজান্নু হইয়া) মানব মাত্রই ক্রোধের দাস—আমার অপরাধ ক্ষমা করুন ।

২য় শিষ্য । (কাঁপিতে কাঁপিতে) হাঁ—হাঁ—আমরা ক্ষমা করেছি, তুমি এখন যাও ।

বাগ্না । ওঃ কথায় কথায় কত বেলা হ'য়ে গেল । আপনারা আমার প্রণাম গ্রহণ করুন । [প্রস্থান ।

২য় শিষ্য । নারায়ণ, নারায়ণ—অমুর অবতার । কি ভীষণ ক্রুদ্ধ দৃষ্টি ! বাপূরে বাপূ !

১ম শিষ্য । দেখলে ব্যাটার তেজটা—

৩য় শিষ্য । না, এর একটা প্রতিকার করা একান্ত প্রয়োজন । চল একটা উপায় ভেবে বের করা যাক ।

১ম, ২য়, ৪র্থ । চল—চল—

[সকলের প্রস্থান ।

তৃতীয় দৃশ্য ।

অরণ্যভ্যন্তর, পর্বত-কন্দর ।

শিবলিঙ্গের উপর গাভী ছুঁক সিঞ্চন করিতেছে । অদূরে ষোগমগ্ন হারীত ।

[বাপ্পার প্রবেশ]

বাপ্পা । এই দিকেই ত এসেছে—কোথায় গেল ? কি আশ্চর্য্য গাভী ! পাল ছেড়ে একাকী এই নিবিড় পর্বত কন্দরে প্রবেশ ক'রলে ! কোথায় গেল ? কিছুতেই বুঝতে পারছি না যে পয়স্বিনীর ক্ষীরধারা কি হয় ! ব্রাহ্মণগণ আমাকে সন্দেহ ক'রেছেন কিন্তু মা ভবানী জানেন আমি কোন দোষে দোষী নই । যে ভাবেই হ'ক আজ সত্য তথ্য অবগত হবই হব । দেখি গাভী কোথায় যায়—একি ! লতাগুল্মের শিরোভাগে মা ভগবতী তাঁর সুধাময় ক্ষীরধারা শতমুখে অভিসিঞ্চন ক'রছেন ! এর কারণ ? (অগ্রসর হইয়া) একি ! বিস্ময়ের উপর বিস্ময়—আমি জাগ্রত না তন্দ্রাতুর । শিবলিঙ্গ ! পর্বত কন্দরের মধ্যে নিবিড় লতাগুল্মাচ্ছাদিত শিবলিঙ্গের মস্তকে পয়স্বিনীর পয়োধারা অনর্গল ধারে সিঞ্চিত হচ্ছে ! আর সম্মুখে একি বিচিত্র দৃশ্য—বেতস বনের মধ্যে কেন ঐ আলো শিখা ! আমি কি কোন মায়া-পুরীতে প্রবেশ ক'রেছি—কিছুই ত বুঝতে পারছি না—একি বিস্ময়কর ঘটনা—ধ্যান নিরত যোগীবর ! ওঃ এতক্ষণে বুঝলেম, কেন গাভীর ছুঁক ক্ষরিত হয় । ধন্য আমি, আর প্রসন্ন আমার ভাগ্য—নতুবা—

হারীত । কে তুমি বালক ?

বাপ্পা । (প্রণাম করিয়া) দাস শ্রীচরণে প্রণাম ক'রছে । সূর্য্যবংশীর শীলাদিত্য বংশধর এ অধম দাসকে বাপ্পা ব'লেই জানবেন ।

হারীত । আমার তা' পূর্বেই অনুমান করা উচিত ছিল, তুমি ভিন্ন এ দেব-বাহিত নির্জন শান্তিময় স্থানে আর কার আগমন সম্ভব ! বালক,

তোমার পরম সৌভাগ্য যে তোমার গাভীর ক্ষীরধারা পান ক'রে ভগবান একলিঙ্গদেব পরম পরিতুষ্ট। আমি তোমাকে “একলিঙ্গকা দেওয়ান” উপাধি দিচ্ছি—আজ হ'তে তুমি এবং তোমার বংশধরগণ এই গৌরবের উপাধিতে পরিচিত হবে। তোমার প্রগাঢ় ভক্তি দর্শনে তুষ্ট হ'য়ে আমি তোমাকে শৈব মন্ত্রে দীক্ষিত ক'রে পবিত্র যজ্ঞোপবীতে ভূষিত ক'রব।

বাগ্না। গুরুদেব, এ অধম সন্তানের উপর আপনার এত করুণা। আমায় শিখিয়ে দিন কি ক'রে আমি আপনার পদসেবা ক'রব।

হারীত। বৎস, এতদিন আমি এ নশ্বর সংসার পরিত্যাগ ক'রে অমর-ধামে গমন ক'রতাম, কিন্তু দেবাদিষ্ট হ'য়ে আমি তোমার অপেক্ষায় এতদিন অবস্থান ক'রছি। তোমাকে শৈব মন্ত্রে দীক্ষিত করে আগামী পরশ্ব প্রত্যুষে আমি এ নশ্বর দেহ পরিত্যাগ ক'রব। এক্ষণে আমার সঙ্গে এস—

[প্রস্থান।

চতুর্থ দৃশ্য।

রাজপ্রাসাদ। কক্ষ।

(বীরসিংহ, সামুদ্রিক ব্রাহ্মণ, মায়া, ও সখিগণের প্রবেশ)

ব্রাহ্মণ। আমার গণনা অভ্রান্ত। আপনার কন্যার ইতি পূর্বেই বিবাহ হ'য়েছে। পুনরায় পাত্ৰস্থা ক'রলে তাকে দ্বিচারিণী করা হবে।

বীর। অসম্ভব—আমার কন্যার এখনও বিবাহ হয় নি—হয় আপনি মূর্থ, না হয় আপনার শাস্ত্র মিথ্যা।

ব্রাহ্মণ। বাতুলের মত কি বলছেন মহারাজ? জ্যোতিষ মিথ্যা!

বীর। ঠাকুর, ও সব শাস্ত্র আর পাণ্ডিত্যের ভেল্কি স্থানান্তরে দেখাবেন। আমি যোধসিংহের সঙ্গে কন্যার বিবাহ দিতে কৃত-সম্মত।

ব্রাহ্মণ । মহারাজ, মহাপাপে পাতকী হবেন । আমি আপনাকে বাবধান ক'রে দিচ্ছি—বিবাহিতা কন্যাকে পুনরায় পাত্রস্থা ক'রবেন না । কোন স্বর্গস্থ সপ্ত পুরুষকে পর্য্যন্ত সঙ্গী ক'রে নরকবাসের ব্যবস্থা ক'রবেন । এদিকে এসত' মা—মনে করে দেখ দেখি, কোন দিন কাকেও কোন ভাবে বিবাহ ক'রেছ কিনা । ভাল করে ভেবে দেখ—মনে রেখ তোমার কথার উপর তোমার পিতার পরকাল নির্ভর ক'রছে । কি মা নীরব রইলে যে—

বীর । (স্বগত)—নীরব—আশ্চর্য্য ! (প্রকাশে) মায়া, ব্রাহ্মণের থাক্যের উত্তর দাও—

সখি । মহারাজ, যদি অনুমতি করেন তবে এ দাসী শ্রীচরণে একটা কথা নিবেদন ক'রতে চায় ।

বীর । কি বল ?

সখী । সখী একদিন ক্রীড়াচ্ছিলে এক রাখালকে বিবাহ ক'রেছিল । সেদিন ঝুলন-বাসরে দোলনা বাঁধতে গিয়ে দেখি দড়ি নেই । দড়ি না পেয়ে ক্ষুণ্ণ মনে আমরা অবস্থান ক'রছি এমন সময় এক রাখাল, রাজকন্যা তাকে বিবাহ ক'রবে এই সন্তে আমাদের দড়ি দিয়েছিল—

ব্রাহ্মণ । তারপর ?

সখি । তারপর আমরা সখীর কাপড়ের সঙ্গে তার কাপড় বেঁধে দিয়ে দোলায় বসিয়ে দিলাম—

ব্রাহ্মণ । কি মহারাজ মুখ নীচু করে রইলেন যে ? জ্যোতিষ সত্য এখন বিশ্বাস হয়েছে !

বীর । কি বলছ ঠাকুর—সেত ক্রীড়া বিবাহ—

ব্রাহ্মণ । রাজপুত্র বালিকা কথা দিয়েছে, রাজপুত্রবালিকা প্রতিজ্ঞা করেছে—মহারাজ, অস্ত্রের পক্ষে সেটা নীলা হলেও রাজপুত্রের পক্ষে সেটা কঠোর সত্য ।

বীরসিংহ । তাহলে কি আপনি বলতে চান যে একটা রাখালের সঙ্গে

আমার কণ্ঠার—ছিঃ ছিঃ ছিঃ—না, এ অসম্ভব । আর সে অনেক দিনের কথা, তখন মায়া বালিকা ।

ব্রাহ্মণ । কি ক'রবেন মহারাজ—ভবিতব্যকে কে রোধ ক'রতে পারে ?

বীরসিংহ । ঠাকুর আমার কর্তব্য আমি বেশ জানি । তোমার উপদেশের কোন প্রয়োজন নেই । খুব হিতৈষী বন্ধু আমার তুমি ! একটা রাখালের সঙ্গে আমার কণ্ঠার বিবাহ !

ব্রাহ্মণ । মহারাজ, মনের সঙ্গে লুকোচুরি খেলবেন না—

বীরসিংহ । ঠাকুর তুমি চুপ কর—কে তোমার পরামর্শ চাচ্ছে । আমি তোমাকে পুনরায় স্তব্ধ হ'তে আদেশ করছি—

(বাগ্না, বালীয়, ও কয়েকজন ভীলের প্রবেশ)

বাগ্না । কিন্তু মহারাজ ! আমি স্তব্ধ হব কি প্রকারে, বিনা বাক্য ব্যয়ে কোন্ রাজপুত্র তার ধর্মপত্নীকে অপরের গলে মালা দিতে দেখতে পারে ? আমি ত চুপ করে থাকতে পারি না ।

বীরসিংহ । কে তুমি ?

সখী । মহারাজ এই সেই—

বাগ্না । সেই শুভ শারদীয় মধুর বুলন বাসরে আপনার কণ্ঠার সম্মতি নিয়ে আমি তাকে বিবাহ করেছি ।

বীরসিংহ । স্তব্ধ হ—কি স্পর্ধা—কে আছিস এ বর্ষরটাকে এখান থেকে বের করে দে—

বালীয় । কে বর্ষর আছে রে রাজা । তোর কি চোখ ছুট কানা হয়েছে না কিরে ? দেখ্‌চিস না, ছাইয়ে ঢাকা আগরে, ছাইয়ে ঢাকা আগ । রাখালের কি এমন চেহারা হোয় রে, না এমন বাতচিং হোয়, এষে নাগাদিত্য বেটা বাগ্না আছে ।

বীরসিংহ । অসম্ভব নাগাদিত্য পুত্র কতকগুলি ভীলের সঙ্গে মিলে গরু

সরিয়ে বেড়ায় না । তোরা এই মিথ্যাবাদী প্রবন্ধকের অলুচর, তোদের কথা আমি বিশ্বাস করিনা ।

বাগ্না । মহারাজ আজ অবিশ্বাস ক'রছেন করুন, কিন্তু পুনরায় সেদিন আমাদের দেখা হবে সেদিন আপনার বিশ্বাস করতে হবে, যে এই বর্ষরই নীলাদিত্য বংশধর । হাঁ, আর এক কথা । আপনাকে সাবধান ক'রে দিচ্ছি, আমার ধর্মপত্নীর উপর কোন অত্যাচার আমি সহ ক'রব না মনে রাখবেন । [প্রস্থান ।

ব্রাহ্মণ । কেমন মহারাজ, জ্যোতিষ সত্য এইবার বিশ্বাস হ'ল ।

বীর । ব্রাহ্মণ এখান থেকে চলে যাও ।

ব্রাহ্মণ । যাচ্ছি । তবে কি জানেন সত্য কথা বললে অনেকেই অসন্তুষ্ট হয় । (প্রস্থানোত্তত ও ফিরিয়া) মহারাজ আপনাকে স্পষ্টই বলে যাই । যোধসিংহের সঙ্গে আপনার কন্যার বিবাহ দেবার সকল পরিত্যাগ করুন । যোধসিংহ অপরের পরিণীতা পত্নীকে বিবাহ ক'রতে অক্ষম ।

বীর । সে কথা বলতে তুমি কে ঠাকুর ?

ব্রাহ্মণ । মহারাজ বোধ হয় বিস্মৃত হয়েছেন যে যোধসিংহই আমাকে আপনার কন্যার করকোষ্ঠি পরীক্ষা ক'রতে পাঠিয়েছেন ।

বীর । তোমার যোধসিংহকে বল যে বীরনগর অধিপতি বীরসিংহের কন্যাকে তিনি বিবাহ না ক'রলে বীরসিংহের কন্যা অনুচ্চ থাকবে না । তার অপেক্ষাও যোগ্যতর পাত্রের অভাব হবেনা ।

ব্রাহ্মণ । তা হ'বে কেন ? এদেশেত অসভ্য ভীল সাঁওতালের অভাব নেই ।

বীর । কে আছিস ! এ জানোয়ারটাকে বের করে দেত—

ব্রাহ্মণ । তা আপনি আর অত পরিশ্রম ক'রবেন কেন, আমি নিজেই যাচ্ছি । কিন্তু মহারাজ সাবধান । [প্রস্থান ।

বীর । এত অপমান—এত লাঞ্ছনা !—ছিঃ ছিঃ ছিঃ একটা রাখাল—দূর

হ' পাণ্ডীয়সী—তোমার জন্ম আজ আমার উচু মাথা হেট হ'ল, যে ব্রাহ্মণ আমার মনস্তপ্তির জন্ম সহস্র মুখে আমার গুণকীর্তন করেছে—আজ সেও আমায় ব্যঙ্গ ক'রে গেল । এও সহঁতে হ'ল—হা ভগবান ! তোদের আজীবন কারাগারে বন্দি ক'রে তিলে তিলে বধ ক'রব—যা দূর হ আমার সম্মুখ থেকে । [মায়া ও সখীগণের প্রস্থান ।

কিন্তু যুবক রূপবান, কথাবার্তাও নীচ বংশজাতের মত নয় । না, তা কিছুতেই হ'বে না । হ'ক নাগাদিত্য পুত্র—তবু না । একটা রাখাল ছিঃ ছিঃ । একথা ভাবতেও লজ্জায় মাথা মুইয়ে পড়ে । বর্ষের জীবিত থাকলে পদে পদে অপমানিত হবার সম্ভাবনা । এ কণ্টকের মূলোচ্ছেদ ক'রতেই হবে—যে ভাবেই হ'ক । [প্রস্থান ।

পঞ্চম দৃশ্য ।

অরণ্য ।

উর্ধ্বে দীপ্তিময় রথে হারীত—

(নেপথ্যে বাপ্পা) গুরুদেব, গুরুদেব, ক্ষণেক অপেক্ষা করুন—শিষ্যকে শেষবার পাদবন্দনা করবার অবকাশ দিন । রথের গতি বন্ধ করুন—ক্ষণেক অপেক্ষা করুন—

হারীত । তিষ্ঠ (রথ থামিল)

বেগে বাপ্পার প্রবেশ ।

বাপ্পা । গুরুদেব দাসকে আশীর্বাদ করুন ।

হারীত । বৎস মুখ ব্যাঙ্গান কর ।

বাপ্পার তথা করণ । হারীত নিষ্ঠীবন ত্যাগ করিলেন, ও বাপ্পা “একি ! নিষ্ঠীবন” বলিয়া স্বগাভরে মুখ সরাইলেন । নিষ্ঠীবন ভূমিতে পড়িয়া পদ

হইল । রথ উড়িয়া গেল ও দৈববাণী হইল “হতভাগ্য, অবিমূষ্যকারিতার জন্ম অমর বর থেকে বঞ্চিত হ'লি, তবে তোর দেহ সর্ব্ব অস্ত্রের অভেদ্য হ'ল” ।

বাপ্পা । এঁা—কি ক'রলাম—পেয়ে হারলাম—ওঃ (মূর্ছা)

বালীয় ও লছমিয়ার প্রবেশ ।

লছমিয়া । এখন উপায় দাদা, কোথাও ত বাপ্পার খোঁজ পাওয়া যাচ্ছে না—এদিকে তা'কে হত্যা করার জন্ম বীরসিংহের অনুচরেরা চতুর্দিকে যে তার সন্ধান করে বেড়াচ্ছে ।

বালীয় । হামাগোর ঝাঁকু বলছিল, যে সে ইধার পানে বাপ্পাকে ছুটতে দেখিছে—কুথারে বাপ্পা—কুথারে—

লছমিয়া । এখন কি ক'র্বে । ওখানে ও কে শুয়ে ? বাপ্পা না ? তাইত ! এখানে এ ভাবে শুয়ে ! বাপ্পা—বাপ্পা—

বালীয় । আরে কিছু বিমারী হইয়েছে ? বাপ্পা—বাপ্পা—

বাপ্পা । গুরুদেব, গুরুদেব, ক্ষমা করুন—আমি অজ্ঞান, তাই আপনাকে চিন্তে পারিনি ।

বালীয় । কি বক্তিছে রে লছমি, হামিত বুঝতে পারিনা ।

বাপ্পা । ওঃ বড় তৃষ্ণা—একটু জল—একটু জল । (মূর্ছা)

লছমি । একি ? একেবারে অজ্ঞান হয়ে পড়ল যে ! এখন এখানে জল কোথায় পাই !

বালীয়া । (কান পাতিয়া শুনিয়া) হুঁ ! লছমি, শুন্‌ছিস্—তৃষ্ণমনের পায়ের আওয়াজ ।

লছমি । আর কথা বলবার সময় নেই । যাও, যাও, যত সত্বর পার বাপ্পাকে নিয়ে চলে যাও । নিরাপদ স্থানে গিয়ে জলের ব্যবস্থা কর,—

[বাপ্পাকে লইয়া বালীয়ের প্রস্থান ।

এমন অবস্থায়ও এক ফোঁটা জল দিতে পারলেম না,—কি ক'র্ব
উপায় নেই ।

ঘাতকগণের প্রবেশ ।

১ম ঘাতক । এদিকেইত কাদের কথা শুনছিলাম, গেল কোথায় ?
আরে বাহাবা—বাহাবা—বাহাবা—

২য় ঘাতক । বেড়ে চেহারা—

৩য় ঘাতক । মুখখানা যেন ফোটা পদ্মফুল—

১ম ঘাতক । এই ছুঁড়ি—এদিকে কাকেও যেতে দেখেছিস্ ?

লছমিয়া । হুঁ—

২য় । কোথায় ?

লছমিয়া । তা জানি না ।

৩য় ঘাতক । কোন দিকে গিয়েছে ?

লছমিয়া । (বিপরীত দিক দেখাইয়া) ঐদিক্ ।

১ম ঘাতক । মিথ্যা কথা । তুই মিথ্যা বলছিস্ ।

লছমিয়া । আমার কথা বিশ্বাস না কর তোমার যে দিক্ ইচ্ছা যাও ।

গীত ।

সই কে বলে পিরীতি ভাল ।

হাসিতে হাসিতে পিরীতি করিনু কাঁদিয়ে জনম গেল ॥

পিরীতি সূপের সাগর দেখিয়া, নাইতে নামিলাম ভায় ;

নাইয়া উঠিয়া ফিরিয়া চাহিতে লাগিল দুঃখের বায়,

কেবা নিরমিল প্রেম সরোবর, নিরমল তার জল ।

দুঃখের মকর ফিরে নিরন্তর প্রাণ করে টল মল ॥

ঘাতকগণ । আরে বাহাবা, বাহাবা—

১ম ঘাতক । চিজ্ মন্দ নয় । ছাড়া হচ্ছেনা—

২য় ঘাতক । এই ছুঁড়ী, চল্ আমাদের দেখিয়ে দিবি তারা কোথায় গিয়েছে ।

লছমিয়া । আমি কেন তা' দেখাতে যাব—তোমাদের দরকার থাকে তোমরা খুঁজে নাওগে' ।

৩য় ঘাতক । আমাদের সঙ্গে তোকে যেতে হবে ।

লছমিয়া । কোথায় ?

১ম ঘাতক । আমরা যেখানে নিয়ে যাই !

লছমিয়া । আমি মেয়েমানুষ, তোমাদের সঙ্গে যাব কি করে ?

৪র্থ ঘাতক । কেন ?

লছমিয়া । লোকে কি বলবে ?

১ম ঘাতক । যা ইচ্ছে তাই বলুক গে'—আমরা কি তাদের কথার ধার ধারি ? আমরা কে জানিস্ ?

লছমিয়া । কে ?

১ম ঘাতক । আমরা মহারাজ বীরসিংহের ঘাতক ।

লছমিয়া । ওরে বাবা—তোমরা ঘাতক ! মানুষ মার—! না, আমি তোমাদের সঙ্গে যাব না । আমার ভয় করে ।

১ম ঘাতক । হাঃ হাঃ হাঃ ওয়ে আমাদের ব্যবসা । তোর কোন ভয় নেই । আমরা যাকে ভালবাসি তাকে কিছু বলি না ।

লছমিয়া । তা হ'লে আমাকে তোমরা ভালবাস ?

১ম ঘাতক । বাসি না ?—তোকে খুব ভালবাসি । তোকে আমরা বিয়ে ক'রব ।

লছমিয়া । তোমরা এত লোকে আমাকে বিয়ে ক'র্বে কি করে গা ?

১ম ঘাতক । তাওত বটে ! আচ্ছা তুই যাকে পছন্দ করিস সেই তোকে বিয়ে ক'র্বে । তবে, আমি হচ্ছি, এদের সর্দার, রাজার কাছে আমার খুব মান । আমায় বিয়ে ক'র্লে খুব সুখে থাকবি ।

২য় ঘাতক । আমি এদের সকলের চেয়ে সুপুরুষ । এই যে গৌফ ছোড়াটা দেখ্‌ছিস এর দাম লাখ টাকা । আমি কাকেও এতে হাত দিতে দি না । আমায় বিয়ে ক'রলে এই লাখ টাকার গৌফে হাত দিতে পারবি । ভেবে দেখ এ কম সৌভাগ্য নয় ।

৩য় ঘাতক । হাঁ ভারি তোমার গৌফ—আমার দাড়ীর জুড়ী এ জগতে নেই । এ দাড়ী তৈরি ক'রতে কত টাকার ঘি তেল খরচ হয়েছে তা জানিস ? আমায় বিয়ে ক'রলে এই দাড়ী দেখে চোক সার্থক ক'রতে পারবি ।

৪র্থ ঘাতক । দাড়ী দেখ্‌লেই বুঝি মেয়ে মানুষের সুখ হয়—ভারি জিনিষ কিনা ? ওত মুখের উপর কতকগুলো—আবর্জনা । আমায় দেখ্‌ছিস ত,—আমি এদের সবার চেয়ে ছোট । আমার এই নবীন যৌবন, নবীন পিপাসা, নবীন ভালবাসা । তোরও যৌবন কাণায় কাণায় ভরা । আমায় বিয়ে না ক'রলে কি তোর পিরীত জমজমাট হবে ?

লছমিয়া । তাইত তোমরা যে আমায় বড় গোলমালে ফেলে দেখ্‌ছি—না—আমি তোমাদের সঙ্গে যাব না । তোমাদের যে দিক্ ইচ্ছা যাও—আমি বাড়া যাই ।

১ম ঘাতক । এ কি রকম কথা হলো—বলি এ কি রকম কথা হ'লো ? একি ভদ্রতা ?

লছমিয়া । (স্বগতঃ) এতক্ষণ বোধ হয় তারা বন অতিক্রম করেছে, আর ভয় নেই । যাই, এইবার পাপিষ্ঠদের শাস্তির ব্যবস্থা করি গে' ।

[গান গাহিতে গাহিতে প্রস্থান ।

১ম ঘাতক । ছুঁড়ী গেল যে । এঁা !

২য় । দেখ্‌লে, কেমন বোকা বানিয়ে গেল ! ঐ ছুঁড়ী নিশ্চয়ই সেই ছোড়ার কেউ হবে । আমাদের এতক্ষণ কথাবার্তায় ভুলিয়ে রেখেছিল যেই বুঝেছে যে সে কোন নিরাপদ স্থানে পৌঁছেছে—সেই চলে গেল ।



১ম । বটে ! ধর ছুঁড়ীকে—ওকেই আজ রাজার কাছে নিয়ে যাব ।

(দূরে লছমিয়ার সঙ্গীত শুনা গেল)

সকলে । ঐ—ঐ—

[বেগে প্রস্থান ।

পট পরিবর্তন ।

(ঘাতকগণের প্রবেশ)

নিবিড় অরণ্য—অন্ধকার ।

১ম ঘাতক । তাইত—ছুঁড়ীর পিছনে ছুটে এ কোথায় এসে পড়লাম ।

২য় ঘাতক । তোমারইত দোষ—কেন ওকে ধরতে ছুকুম দিয়েছিলে—বলত এখন বন থেকে বেরই কি করে !

৩য় ঘাতক । কি নির্বোধের মত কাজই করেছি । হা অদৃষ্ট ! হাজার হাজার টাকা পুরস্কার—ওঃ—বরাত্—বরাত্ ।

৪র্থ ঘাতক । তাতে বড় বিশেষ কিছু যায় আসে না—বেঁচে থাকলে অনেক টাকা আয় করা যাবে, কিন্তু অমন সুন্দরীটা যে হাতছাড়া হ'য়ে গেল—ওঃ আঃ—

১ম ঘা । আরে রেখে দাও তোমার ওঃ—আঃ—এখন মাথা বাঁচাতে পারলে বাঁচি ।

৪র্থ ঘা । অমন সুন্দরীই যখন হাত ছাড়া হ'য়ে গেল—তখন এ মাথা থাকল আর গেল তাতে কিছু এসে যায় না ।

(লছমিয়ার প্রবেশ)


লছমিয়ার গীত ।

ধরতে এসে পড়লে ধরা এমনি গ্রহের কের ।

জোর জুলুম করবে যদি, পাবে তবে টের ।

ঘুঘু দেখেছ ফাদ দেখনি ? বুঝলে সোণার চাদ—

পালাবে কোথা ? আঁচকা কলে, এবে শস্ত বাধ ;



সহজে কি মিটবে এবার? বাকী আছে চের,

আজকে সবে থাক হেথায় কাল মিটাব জের ॥

ঘাতকগণ । দোহাই সুন্দরি—তোমার পায়ে পড়ি আমাদের ছেড়ে
নাও—এই নাকে কাণে খৎ দিচ্ছি আর এমন বেয়াদবি ক'র্ব না ।

লছমিয়া । (সুরে) আজকে সবে থাক হেথায় কাল মিটাব জের ।

[প্রশ্নান ।

ঘাতকগণ । দোহাই সুন্দরী, আমাদের প্রাণে মের না ।

(লছমিয়ার অনুগমন)

অষ্ট দৃশ্য ।

পর্বত ও তৎপাদদেশস্থ প্রান্তুর ভাগ ।

পর্বতের উপর দেব দণ্ডায়মান ।

দেব । পাঁচ বৎসর—এক আধ দিন নয়—পূর্ণ পাঁচ বৎসর—তার সেই
অহি বিষজর্জরিত প্রাণহীন নিশ্চল দেহখানি তরঙ্গক্ষিপ্ত কালী নদীর স্রোতে
ভাসিয়ে দিয়ে উন্নতের মত পাহাড়ে পাহাড়ে ঘুরে বেড়াচ্ছি । লক্ষ্য
নেই—কার্য্য নেই—আসক্তি নেই । কি অপরাধ করেছি করণাময় যে
আমার এতটুকু স্মৃতি তোমার সহ্য হলো না—তাই আমার সংসারের
শেষ অবলম্বন—জীবনের একমাত্র বন্ধন—তাকেও তুমি সরিয়ে দিলে !
তোমার এ অত্যাচার ভেবেছ আমি দীরবে সহ্য ক'র্ব ? এই অত্যাচার
গিরিশৃঙ্গ থেকে বাষ্প প্রদান করে, তোমার দেওয়া প্রাণ ত্যাগ করে
তোমার অত্যাচারের প্রতিশোধ নেবো । তোমার সৃষ্টি ধ্বংস করে
তোমায় বোঝাব যে সাজান সংসার ভাঙলে হৃদয়ে কি আঘাত লাগে—
কি বেদনায় প্রাণ অহরহ কাঁদতে থাকে । করণাময় ঈশ্বর ! এই বেলা
যত পার “করণা” করে নাও—এর পর আর “করণা” দেখাবার সুযোগ

পাবে না । না আর বিলম্ব কেন ? ঐ নিশ্চয় হৃদয়হীন দস্যুর দেওয়া প্রাণ এখনই টেনে ছুড়ে ফেলে দেবে ।

বালীয় । (নেপথ্যে) কোথা কে আছিস ? একটু পানি দিয়ে পরাণ বাঁচা—

দেব । করুণাময় ! এও কি আর এক করুণা তোমার । এক মুখে তোমার করুণার প্রশংসা ক'রতে পারছি না । জল জল করে আর্তনাদ ক'রছে—আর এ করুণ দৃশ্য তোমারই রচনা ! তবু তুমি সংসারের চক্ষে করুণাময় ! একি প্রাণ ? হাঃ হাঃ হাঃ ! তুমি যে পাষণ্ড—ঈশ্বরের সৃষ্টি তোমার সম্মুখে খণ্ডে খণ্ডে ভেঙ্গে গড়াবে, তুমি যে তাই তৃপ্তির নয়নে চেয়ে দেখবে । তবে আবার এ আগ্রহ—এ কম্পন এ হাহাকার কেন ?

বালীয় । (নেপথ্যে) ঈশ্বর একটু পানি মিলাইয়ে দে, তোর ছেলিয়ার জান বাঁচা—আহ! হা পানি না খাইয়ে মুখে বাত সরতে না রে—

দেব । কি অন্ধ বিশ্বাস ! কি দুর্বলতা !—তার কঠোর অত্যাচার প্রত্যক্ষ ক'রছে তবু তাকেই ডাকবে ! মূর্খ ! ডাক তোমার ঈশ্বরকে, দেখি সে তার সিংহাসন থেকে নেমে, তোমার পিপাসা নিবৃত্তির জন্ত পাত্র পূর্ণ বারি নিয়ে ছুটে আসে কিনা । নিরোধ ! কেন সে পাষণ্ডকে ডাকছ ?—তার চেয়ে মরীচিকার পিছনে ছুট, কিছু আরাম পাবে । হাঃ হাঃ হাঃ—ঐত সম্মুখে নির্বারের কাকচক্ষুর মত নিশ্চল পানীয় রয়েছে, ইচ্ছা ক'রলে এখনই ও হতভাগ্যের প্রাণ রক্ষা ক'রতে পারি । কিন্তু তা ক'রব না । কিছুতেইনা ।—কেন জান ? প্রতিশোধ । তোমার সৃষ্টি ধ্বংস হ'ক—আমি যা চাই ।

বাপ্পার মূর্চ্ছিত দেহ লইয়া বালীয়ের প্রবেশ ।

বালীয় । বাপ্পা, বাপ্পা আহা হা—তোরে কেমন করিয়ে বাঁচাবে ? হামি পানি কুথা পাবে ? কি ক'রবে—হামি কি ক'রবে ? হামি কেমন করিয়ে দেখবে যে পানি না পাইয়ে বাপ্পা মরিয়ে যাবে ।—কুথা কে আছিস, এক ফোটা পানি দিয়ে জান বাঁচা । হামি তোর নোকর হইয়ে রব । (নতজানু

হইয়া) ঈশ্বর এক ফোটা পানি মিলাইয়ে দে । বাপ্পা, বাপ্পা, কথা ক রে ভাই
—হামি কেমন করিয়ে তোকে বাচাবে !—হামি কি করবে রে, কি করবে ?

দেব । কেন ? তোমার দয়াল ঈশ্বরকে ডাক—তিনি যে করুণাময় !
তোমাদের এ দুর্দশা দেখে তার চোখ ফেটে জল পড়ছে না,—প্রাণ
হাহাকার করে কেঁদে উঠে তোমাদের দুঃখ মোচন ক'রতে ছুটে আসতে
চাচ্ছে না ?—খুব দয়া তোমার ? তবু তুমি দয়াময় ! কি তৃপ্তি ! তোমার
সৃজিত একটা প্রাণ আজ তোমার একফোটা অনুকম্পার অভাবে—
আমার সামনে নষ্ট হচ্ছে—তোমারই রচিত একটি কুসুম তোমারই কঠিন
করম্পর্শে বৃন্তচ্যুত হ'য়ে অকালে শুকিয়ে যাচ্ছে । আমি দেখছি আর
হাসছি । হাত তালি দিয়ে তাণ্ডব নৃত্য ক'রছি আর হাসছি—যা তুমি
একদিন আমার সংসার ভেঙ্গে করেছ । কেমন প্রতিশোধ !—একি ?
পাষণ গলে বেরুতে চাচ্ছে কেন ? হৃদয় দৃঢ় হও । হাসি মুখে দৃঢ় ভাবে
দাঁড়িয়ে এ পৈশাচিক দৃশ্য উপভোগ কর । পারবে না ? তবু কেঁদে উঠছ ?

বালীয় । না তোরে বাচাবে—পানি মিললো না—রক্ত খাওয়াইয়ে
বাচাবে, বুক চিরিয়ে রক্ত খাওয়াবে, তবু তোকে ছাড়বে না ।

দেব । এঁটা !—একি ? উন্মাদ !—তাইত, সত্যসত্যই ছুরিকা বের
কচ্ছে ! দেব, ধিক তোমায় ! রাজপুত কলঙ্ক ! মানবাধম ! হস্ত পরিমিত
ভূমির মধ্যে নির্বার পরিপূর্ণ পানীয়, আর তোমার সম্মুখে—ক্ষান্ত হও—
ক্ষান্ত হও—আমি জল নিয়ে যাচ্ছি আঘাত করো না—আঘাত করো
না—

[বেগে প্রস্থান ।

বালীয় । কথা কে রে ভাই—জলদি করিয়ে ছুটিয়ে আয়—দেরি হ'লে
মরিয়ে যাবে ।

বেগে দেবের পুনঃ প্রবেশ ।

দেব । কোন ভয় নেই বন্ধু, এই জল নাও, তোমার বন্ধুর জীবন
রক্ষা কর ।

বালীয় । (জল খাওয়াইয়া) বাপ্পা, বাপ্পা—

বাপ্পা । বালীয়, কোথায় আমি ? আর একটু জল দাও ।

বালীয় । এই নে পরাণ ভরিয়ে জল খা । আহা—হা—পানি না পাইয়ে মরতে বসিয়েছিল । দেবতা, তোমারে হামি আর কি বলবে তোমার জন্তু হামি জান দেবে । তুমি হামার বাপ্পার জান বাঁচাইয়েছে ।

বাপ্পা । (উঠিয়া বসিয়া) বালীয়, ভাই—কে ইনি ।

বালীয় । আরে এই দেবতা পানি দিয়ে তোর জান বাঁচাইয়েছে ।

বাপ্পা । আপনি আমার প্রাণ রক্ষা করেছেন, কি বলে আপনার নিকট আমার অন্তরের কৃতজ্ঞতা জানাব !

দেব । কৃতজ্ঞতা প্রকাশের কোন প্রয়োজন নেই । তৃষণ্তকে জল দেওয়া, ক্ষুধার্তকে অন্ন দেওয়া, নিরাশ্রয়কে আশ্রয় দেওয়া, বিপন্নকে কোল দেওয়া—এত মানুষের ধর্ম । আর তাই না করা, রাক্ষসের কর্ম । রাক্ষসীয় প্রবৃত্তির মোহে মানুষের ধর্ম ভুলে গিয়েছিলাম । আপনার বন্ধুর মহৎ দৃষ্টান্তে আমার জ্ঞান চক্ষু উন্মিলিত হয়েছে । বোধ হয় আবার আমি মনুষ্যত্ব ফিরে পেয়েছি ।

বাপ্পা । আপনার গৃহ বোধ হয় নিকটে ।

দেব । গৃহ ! গৃহ আমার নেই । পাঁচ বৎসর আমি গৃহত্যাগী ।

বাপ্পা । গৃহত্যাগী ! কেন ? সংসারে আপনার—

দেব । কে আছে ? কেউ নেই । যারা ছিল তাদের একে একে তোমাদের করুণাময় আমার বুক থেকে ছিনিয়ে নিয়ে গিয়েছেন । তাঁর দয়া অসীম কিনা !

বাপ্পা । বুঝেছি শোকে আপনাকে ক্ষিপ্ত করেছে ।

দেব । ক্ষিপ্ত ! হাঃ হাঃ হাঃ হাঃ হাঃ—

বাপ্পা । আপনি আমাদের সঙ্গে চলুন ।

দেব । কোথায় ?

বাপ্পা । কোথায় যে যাব তার এখনও কোন স্থিরতা নেই । তবে—
দেব । বুঝেছি—তোমরাও বিধাতার দয়া আকর্ষণ পান করেছ
উত্তম সঙ্গী । বেশ—চল ।

বালীয় । বাপ্পা, তু সারাদিন কুছু খাইচিস না । এইখানে বসিয়ে
থাক, হামি ফল লইয়ে আসি ।

বাপ্পা । বালীয়, আমার জন্তু তুমি কত কষ্টই পাচ্ছ । তোমার স্বপ্ন
এ জীবনে পরিশোধ ক'রতে পারব না ।

বালীয় । আরে, তু কি ফেপা আছিস রে?—তু কি হামার পর
আছিস ! [প্রস্থানোত্তত ।

দেব । দাঁড়াও, তুমি একাকী ফল আহরণ ক'রতে পারবে না—আমি
সঙ্গে যাচ্ছি ।

বালীয় । বাপ্পাকে একা রাখিয়ে যাবো—সে কি ভালো হোবে—বিপদ
হইতে পারে । তু এখানে বসিয়ে থাক হামি একাই পারবে ।

বাপ্পা । না বালীয়, এঁকে তোমার সঙ্গে নাও । আমি এখন সুস্থ
হয়েছি, তোমার কোন ভয় নেই ।

বালীয় । তবে চল । (প্রস্থানোত্তত ও ফিরিয়া) বাপ্পা, যদি তারা ইধার
পানে আসে চিল্লাইয়ে হামারে ডাকবি—হামি ছুটিয়ে আসবে, বুঝিয়েছি ।

বাপ্পা । কোন ভয় নেই—যাও বন্ধু । [দেব ও বালীয়ের প্রস্থান ।
বালীয়, কি পুণ্যবলে তোমার গায় বন্ধু পেয়েছি । পরের জন্তু নিজকে
এমন কল্পে ভুলে যাওয়া বুঝি এক তোমাদের বন্তু ভীল হৃদয়েই সম্ভব ।

গোরক্ষনাথের গ্রবেশ ।

গোরক্ষ । কে তুমি ?


বাপ্পা । দাসের প্রণাম গ্রহণ করুন । তপোধন, এ অধম সন্তানকে
নাগাদিত্য পুত্র বাপ্পা বলে জানবেন ।

গোরক্ষ । আমি তোমারই জন্ত এ স্থলে আগমন করেছি । দেবতার আদেশ, তুমি তোমার মাতুল চিতোরপতি মানসিংহের নিকট গমন কর । বৎস, মহৎ কার্য্য নিয়ে তুমি সংসারে আগমন করেছ মনে রেখ । দেবতার আশীর্বাদ তোমার সহায় । এই নাও বৎস দ্বিধার তরবারি । উপযুক্ত মঙ্গলপুত ক'রলে এর সাহায্যে গিরি বিদীর্ণ করা যায় । কিন্তু একবার পাষণ গাত্রে নিক্ষিপ্ত হ'লে এ অস্ত্র অকর্ম্মণ্য হ'য়ে দাবে । এস তোমাকে মঙ্গল শিখিয়ে দি । (তথাকরণ) বৎস, তুমি ক্ষত্রিয়, রামায়ণের পুত্র বক্ষে যে সকল প্রাতঃস্মরণীয় বীর পুরুষদের অমর কীর্ত্তিগাথা গ্রথিত রয়েছে, তুমি তাদেরই বংশধর । কায়মন প্রাণে তাদের পদাঙ্ক অনুসরণ কর । আর এক কথা, বাপ্পারাওর বংশধর বলে যে পরিচয় দেবে — রাজপুত্র বলে গর্ব্বের যার বরানন দীপ্ত হবে, সে যেন কোনদিন কোন কারণে আশ্রয়প্রার্থীকে বিমুখ না করে । সে যেই হ'ক, তাতে এক মিত্র বিচার নেই, জাতি ধর্ম্মের পার্থক্য নেই । এই-ই রাজপুত্রের শ্রেষ্ঠ কর্ত্তব্য, চরম সাধনা ।

বাপ্পা । আপনার আজ্ঞা শিরোধার্য্য ।

গোরক্ষ । আমি এখন বিদায় হই বৎস, (বাপ্পা প্রণাম করিলেন) একলিঙ্গ দেব তোমার মঙ্গল করুন । [প্রস্থান ।

বাপ্পা । গুরুদেব, আপনার আদেশ প্রতিবর্ণে পালন ক'রব । তাতে প্রয়োজন হয় ত প্রাণ দেব ! একলিঙ্গ দেবের কেন এত কৃপা আমার উপর ? কি মহৎ কার্য্য সাধনের জন্ত আমার জন্ম ? কিছুই বুঝতে পারছি না । তুমিই কর্ণধার প্রভু । যেদিকে ইচ্ছা নিয়ে যাও, যা ইচ্ছা করাও, আমি তোমার উপর নির্ভর কবে স্রোতে গা ঢেলে দিয়ে পড়ে রইলেম ।



দ্বিতীয় অঙ্ক ।

—•*•—

প্রথম দৃশ্য ।

উদ্যান । চিন্তামগ্না মায়া ।

মায়া । কেন আমি তার কথা ভাবছি ? কে সে আমার ! সে একটা ইতর রাখাল, আর আমি রাজার মেয়ে । আমাদের মধ্যে যে সমুদ্র প্রমাণ ব্যবধান—তবে ? না, সেই একদিনের কএক মুহূর্তে, সে এক মোহময় মনোরম সেতু নির্মাণ করে গিয়েছে, তাই তার চিন্তা ছায়ার মত, আমার মনের সঙ্গে জড়িয়ে আছে, তাই প্রাণের সঙ্গিনীদের সেই মুক্ত প্রাণের মুক্ত উচ্ছ্বাস, সেই হাসি কৌতুক আর আমার ভাল লাগে না । তাই সর্বদা তাদের কাছ থেকে পালিয়ে পালিয়ে বেড়াই । কি মধুর তার স্পর্শ—জানিনা তাতে কি মাদকতা আছে, নতুবা সমস্ত শরীরে কেন সেই মধুমাখা শিহরণ অনুভব করেছিলাম, প্রতি শিরায় কেন বিদ্যুৎ ছুটেছিল, মনের অজ্ঞাতসারে চোখ কেন লজ্জা সরম সঙ্কোচ ভুলে নির্লজ্জের মত তার মুখের উপর অনিমেষনিবন্ধ ছিল ! কে সে যাদুকর ? সে কি সত্যই রাখাল ? না, না, সে ছদ্মবেশী কোন দেবকুমার—আমায় মজাতে এসেছিল ।

গীত ।

বঁধুর লাগিয়া কত না কাঁদিলু, গাঁথিলু ফুলের মালা ।
হার শুকায়ল, বাসনা বিফল, কেবলি বাড়িয়ে জালা ॥
বড় সাধ মনে, এ রূপযৌবনে, মিলিব বঁধুর সনে,
পথ পানে চাহি, কত না সহিব কত প্রবোধিব মনে ;
পরাণ বঁধুয়া, এসহে ফিরিয়া, মুছাও নয়ন বারি ।
হাম অত্যাগিনী দিবস বামিনী কত সহি তুয়া স্মরি ॥

[জনৈক সখীগণের প্রবেশ ও গীত]

বঁধুয়া কেঁদ না কেঁদ না আর ।
 আমার ভজন, তোমার চরণ,
 তুমি যে গলারই হার ॥
 মুহায়ে নয়ান, আকুল পরাণ,
 পরিতে তোমারি মাল ।
 (আজি) হৃদয় ধরিয়ে অধর চুমিয়ে,
 ঘুচাব সকল জ্বালা ॥

মায়া । (স্বগত) সর্বনাশ ! ধরে ফেলেছে নাকি ? (প্রকাশ্যে) হাঃ-
 হাঃ হাঃ, আচ্ছা, সখি এখন বলত কেমন হ'ল ?

সখি । কি কেমন হ'ল !

মায়া । কেন ! এই যে আমি বিরহ বিধুরা নায়িকার ভূমিকা অভিনয়
 ক'রলাম । আমি যেন প্রানেশ্বরের বিরহে কাতর হ'য়ে, তার পথের দিকে
 চেয়ে আছি—

সখী । বটে !

মায়া । আচ্ছা সখি, বাস্তবিক যদি আমার এ অভিনয় নিখুঁত হ'য়ে
 থাকে, তাহ'লে তুমি আমার কল্পনা শক্তিকে নিশ্চয় বাহাবা দেবে । কি
 বল ?

সখী । কারণ ?

মায়া । বাঃ—কোন বিরহিনীকে না দেখে তার অনুকরণ করাটা কি
 তুমি সহজ মনে ক'রলে ? তার উপর তোমায় দেখে আমার সেই অপ্রস্তুতের
 অভিনয়—সেই খত মত অভাব, যেন আমার ভয়ানক একটা গুপ্ত রহস্য তুমি
 জেনে ফেলেছ—একি কম কল্পনা শক্তির পরিচায়ক ?

সখী । বলিহারি ! বলি এখনও যে চখের জল শুকোয়নি ।

মায়া । (চক্ষুমুছিয়া) কই ? তাইত ! এ্যা এত স্বাভাবিক হয়েছে !—

এত সুন্দর অনুকরণ হবে, এষে আমি কোন দিন কল্পনাও ক'রতে পারিনি ।
অভিনয়ে চক্ষের জল পর্য্যন্ত পড়েছে—এত স্বাভাবিক !—আশ্চর্য্য !

সখী । চমৎকার ! ধন্য মেয়ে !

(দ্বিতীয় সখার প্রবেশ)

২য় সখী । ওরে বাপরে বাপ্ । কোথায় যাব গো ? কোথায় পালাব
গো ?—আমার কি হবে গো ?—আমি কেন আঁতুড় ঘরে মরিনি
গো ?—আমি কেন এখনও বেঁচে আছি গো ?

মায়াও ১ম সখী । কি—কি ? কি হয়েছে ?

২য় সখী । আর কি হয়েছে—দেখ গিয়ে রাজামশার হাত পা পেটের
মধ্যে ঢুকে গিয়েছে, আর মন্ত্রী মশার মুখের ভেতর ছুধামা মাছি গিয়েছে ।

১ম সখী । আর তোর বাপ সেনাপতি মশার কি হয়েছে ?

২য় সখী । আর কি হ'বে ? চোখ দুটো রক্তজবার মত রাঙা হ'য়েছে
—যেন কপাল থেকে খসে পড়তে চাচ্ছে আর কেবল দাঁত কড় কড়ি আর
তলোয়ারের বন্ বানিতে দিব্য ঐক্যতান বাগ্ হছে !

মায়া । কেন ? হয়েছে কি ?

২য় সখী । হবে আর কি ? আমার মাথা আর আমার মুণ্ডু ।—ঐ যে
সেই পাঠান রাজা যার রাজত্ব সেই গজনী না সজনীতে ।

মায়া । কে ? সেলিম ?

২য় সখী । ওমা মা—তাইত বলি সাধে কি লোকে বলে যে “যার বিয়ে
তার দেখতে নেই, পাড়া পড়শির ঘুম নেই ।”

মায়া । কার বিয়ে রে ?

২য় সখী । নেকী আর কি ? কার বিয়ে তা আর তুমি জান না, তাই
আধ আধ স্বরে ৫ বছরের খুকীর মত জিজ্ঞাসা ক'রছ কার বিয়েরে ! কেন ?
তোমার বিয়ে ।

মায়া । নেকামী রাখ, কি হয়েছে বল ।

২য় সখী । ঐ সেই গজনীর রাজা, যে তোমাকে বিয়ে ক'রতে চেয়ে দূত পাঠিয়েছিল, ঐ যার দূতকে তোমার বাবা অপমান করে তাড়িয়ে দেন—সে তোমাকে জোর করে বিয়ে ক'রবে বলে সৈন্ত নিয়ে আসছে । রাতারাতি এসে পড়বে ।

মায়া । সেকি ! ভাই, কি হ'বে ? ওঃ—কেন আমি জন্মেছিলেম । বাবা কি তার গতিরোধ ক'রতে পারবেন—শুনেছি সে প্রবল পরাক্রান্ত । আমি কি ক'র্বো ? কোথায় যাব ?

(লছমিয়ার প্রবেশ)

লছমিয়া । ভাগ্যবতি, কোন ভয় নেই তোমার । গজনীন্দ্রপতির সাধ্য কি যে তোমার কেশাগ্র স্পর্শ করে । যে মহাপুরুষ স্বেচ্ছায় তোমার ভার গ্রহণ করেছেন—যিনি তোমাকে সযত্নে বুকে তুলে নিয়েছেন তাঁর বাহুদ্বয় তোমাকে রক্ষা ক'রতে অশক্ত নয় । তার আদেশবাহী সব, সর্বদা তোমার প্রহরার নিযুক্ত আছে । কোন চিন্তা নেই তোমার ।

মায়া । কে আপনি ?

লছমিয়া । আমি তোমার এক বোন ।

১ম সখী । তুমি কার কথা বলছিলে গো ? কে সে ?

লছমিয়া । এর মধ্যে তাকে ভুলে গিয়েছে ? তোমারা ভুলতে পার—কিন্তু রাজনন্দিনী নিশ্চয় তাকে ভোলেন নি । তোমাদের সখিকে জিজ্ঞাসা কর ।

১ম সখী । কেহো ? কার সঙ্গে আবার আমাদের গোপন করে প্রেম করেছিল ? বলনা ?

মায়া । সখি সেই বুলন ।

১ম সখী । আরে সে যে এক ছোড়া রাখাল ।

২য় সখী । আর তার সমস্ত গায়ে গরু গরু গন্ধ ।

১ম সখী । তার সঙ্গে আবার কি ?

২য় সখী । তুমি কি পাগল নাকি গা ? কি বলছ ?

লছমিয়া । পাগল আমি নই—পাগল তোমরা । তাই ছাই চাপা আঁগুন চিন্তে পারনি । তাকে যদি রাখালই মনে করে থাক—বেশ সেই রাখালের প্রতাপ দেখে চক্ষু সার্থক ক'রো । আর আমার বিলম্ব ক'রবার সময় নেই ।—রাজনন্দিনি, আবার বলছি তোমার কোন ভয় নেই ! তোমার কর্তব্য তুমি করে যাও—তার কাজ তিনি নিশ্চয় ক'রবেন । আমি যাচ্ছি । তুমিও প্রাসাদে যাও । [প্রস্থান ।

১ম সখী । মাগী পাগল !—নইলে আবল তাবল বক্বে কেন ?

২য় সখী । মাগী অমনি অমনি চলে গেল—ছোটো গালাগালও দিয়ে দিলেম না । (পশ্চাৎ দিক্ হইতে ছদ্মবেশী সেলিম ও ইয়াজিদের অতি সন্তুর্পণে প্রবেশ ও তাহাদের নিকটে গমন) আমি কি দিন দিন বোকা হচ্ছি ? এঁা বুদ্ধি শুদ্ধি লোপ পাচ্ছে ? এর শোধ তুলব—মাগীকে ডেকে ছোটো গালাগাল দিয়ে তবে ছাড়ব । হ্যাঁ । ও মাগী—এঁা এঁা কে তোমরা—ওরে বা—বা—

সেলিম । খবরদার—চুপ (ইয়াজিদকে ইঙ্গিত করিলেন ও ইয়াজিদ ২য় সখীর মুখ বাঁধিতে গেল)

২য় সখী ! কে তোমরা ? কেন এখানে এসেছ—

(সেলিম তরবারি বাহির করিয়া তাহার গলার ধারে লইয়া)

সেলিম । খবরদার—একটা কথা বললে কেটে ফেলব !

মায়া । (১মকে জড়াইয়া ধরিয়া) সখি কি হবে ? কি হবে ?

সেলিম । কোন ভয় নেই সুন্দরি—আমি তোমার দাস । তোমার জন্তই এতদূর এসেছি—এখন আমার সঙ্গে এস ।

মায়া । সখি, আমায় রক্ষা কর—আমায় রক্ষা কর ।

সেলিম । আমার সঙ্গে এস । সুন্দরি স্বেচ্ছায় না এলে, তোমার স্পর্শ
সুখ থেকে আমি নিজেকে বঞ্চিত করব না ।

মায়া । আপনি আমার পিতা—আমায় ছেড়ে দিন ।

সেলিম । কোথা যাবে সুন্দরি ? চমৎকার কৌশল তোমার
ইয়াজিদ ! সৈন্তক্ষয় নেই, রক্তপাত নেই—একেবারে বাজীমাৎ । তোমায়
আমি যথেষ্ট পুরস্কার দোব ।

ইয়াজিদ । যা দিতে প্রতিশ্রুত হয়েছেন তাই চাই—অন্য কিছু
প্রত্যাশা রাখি না ।

সেলিম । সেটা বড় বেশী হয় ইয়াজিদ ।

ইয়াজিদ । কি আপনি নোসেরাকে অর্পণ ক'রতে অস্বীকার ক'রছেন ?
এখনও স্পষ্ট বলুন—তা হ'লে—

সেলিম । না আমি প্রস্তুত আছি ।

ইয়াজিদ । মনে থাকে যেন ।

সেলিম । নিশ্চয় । আর সেত কোরাণ ছুয়ে শপথ করেছি । দেবী
হচ্ছে । এস সুন্দরি—এস । ইয়াজিদ বোধ হয় বল প্রকাশের আবশ্যিক
হ'বে ; তাতেও আমরা পশ্চাদপদ নই । এস সুন্দরি ।

মায়া । কে কোথায় আছ রক্ষা কর—স্নেহের কবল থেকে রাজপুত্র
রমণীকে রক্ষা কর ।

ভীল অনুচর সহ লছমিয়ার প্রবেশ ।

লছমিয়া । কোন, ভয় নেই দেবী । স্নেহের সাধ্য কি যে তোমার
অঙ্গ স্পর্শ করে । কাপুরুষ তঙ্করদের বধ কর ।

(যুদ্ধ করিতে করিতে ভীলগণ, সেলিম ও ইয়াজিদের প্রস্থান)

অরণ্য মধ্যে বৃক্ষবদ্ধ অশ্ব দেখে আমি এইরূপই অনুমান করেছিলাম
যাও—অন্তঃপুরে যাও ।

মায়া । কি বলে আপনার নিকট কৃতজ্ঞতা জানাব ! আপনি আমার ধর্ম রক্ষা করেছেন—আমার পিতার মুখ রেখেছেন ।

লছমিয়া । সুন্দরি, আমি কে ? তাঁর আজ্ঞাবাহী ভৃত্য মাত্র । তুমি তাঁরই কাছে কৃতজ্ঞ । তাঁর কাছে কি করে কৃতজ্ঞতা জানাবে তা সময়ে বলে দোব । যাও, এখন প্রাসাদে যাও ।

১ম সখী । কিছুই বুঝতে পারছি না ? কি এ সব ? আপনি কে ?

লছমিয়া । (হাসিয়া) পরে জানতে পারবে ! [সকলের প্রস্থান ।

দ্বিতীয় দৃশ্য ।

চিতোর । কক্ষ ।

বাগ্না ও দেব ।

বাগ্না । না—আমি তোমার মলিন মুখ দেখতে চাইনা । কি আশ্চর্য্য ! এতদিন এক সঙ্গে আছি, একদিনও তোমাকে প্রাণথুলে হাসতে দেখলাম না ।

দেব । তাতে আশ্চর্য্য হচ্ছ কেন বন্ধু ? প্রাণথুলে হাসব কি করে ? এ প্রাণে যে হাসি সে ফুটিয়েছিল, তা তার সঙ্গে সঙ্গেই ঝরে গিয়েছে । তোমাদের আনন্দে যোগ দিতে কি আমার ইচ্ছা হয় না ? হয়, কিন্তু পারি না । হাসতে যাই, আর তখনই কি মনে পড়ে যায় । পরক্ষণেই হাসি অধরে শুকিয়ে গিয়ে একটা বুক ভাঙ্গা তপ্ত দীর্ঘশ্বাসে পরিণত হয় ।

বাগ্না । ঐ তোমার সববিষয়েই বাড়াবাড়ি—আর কারও স্ত্রী ত মরেনি—শুধু তোমায় স্ত্রীই মরেছে । কেন বসে ভাব ? কার্য্য স্রোতে গাঢ়ে দাঁড়, জগতের মধ্যে আপনাকে ডুবিয়ে ফেল, দেখবে তোমার প্রাণের ক্ষত আরোগ্য হয়ে যাবে ! আর এই ভাবে বসে বসে হা হতাশ ক'রলে ত তুমি বেশী দিন বাচবেও না । কেন এ অকাল মৃত্যুকে ডেকে আনবে ?

দেব । তোমার মুখে পুষ্প চন্দন বৃষ্টি হ'ক ! যেন তাহাই হয় । এ জ্বালা আমি সহ্য ক'রতে পারি না । তুমি জান না বাপ্পা সে আমার কি ছিল, আর তুমি কল্পনাও ক'রতে পারনা যে সে আমাকে কত ভালবাসত ! কর্ম্মক্লান্ত অবসন্ন দেহে গৃহে এসে যখন তার কোলে মাথা রেখে শয়ন ক'রতাম, চোখ দুটো পলকহীন হ'য়ে তার মুখের উপর লেগে থাকত, আর তার চোখ দুটী কতভাবে কত ভাষায় কত ছন্দে আমায় যেন বলত যে সে আমারই । সে চাহনিতো—না থাক সে কথা—আমার কাছে ওর শেষ নেই, অতীত কথা বল । তুমি হয়ত এ উন্মত্তের প্রলাপে বিরক্ত হচ্ছ ।

বাপ্পা । সে কি ? তোমার দুঃখের কথা আমায় বলছ, তাতে কেন আমি বিরক্ত হব ! যদি একজন আর একজনকে তার দুঃখের কাহিনী বলতে না পেত, যদি একজনের দুঃখে আর একজন সমবেদনা না জানাত, তবে এ সংসার শ্মশানে পরিনত হত । ভাই, আমার একটা অনুরোধ রাখবে ?

দেব । যদি সম্ভব হয় অবশ্য রাখব । কেন রাখব না ? শোকে আমায় উন্মাদ করেছে সত্য, কিন্তু আমি অকৃতজ্ঞ নাই । আমি কি বিস্মৃত হয়েছি যে তুমি প্রবল পরাক্রান্ত চিতোরাদিপতির ভাগিনেয়—চিতোরের প্রধান সামন্ত এক হতভাগ্য গৃহহীন রাজপুত্র যুবককে বন্ধুভাবে গ্রহণ করেছ ? তোমার এ করুণা আমি এ জীবনে বিস্মৃত হব না ।

বাপ্পা । আর এও বোধ হয় বিস্মৃত হওনি যে সেই হতভাগ্য গৃহহীন রাজপুত্র যুবকই এই চিতোরের প্রধান সামন্তের প্রাণদাতা । দেব, আমিই তোমার নিকট কৃতজ্ঞ ।

দেব । ওসব যাক্—বল, তোমার কি অনুরোধ ?

বাপ্পা । তাকে ভুলে যাও, অন্ততঃ ভুলতে চেষ্টা কর । কেন এক মর্ম্মপীড়ক স্মৃতি নিয়ে জ্বলছ ? তার চেয়ে বুক বেঁধে নূতন উদ্বিগ্ন কার্যক্ষেত্রে প্রবেশ করে সংসারকে অগ্রচক্ষে দেখতে চেষ্টা কর ।

দেব। হাঃ হাঃ হাঃ তাকে ভুলব ! ঐ তরবারি খানা নিয়ে এস, আমার বুকে বসিয়ে দাও—এই বুক এগিয়ে দিচ্ছি। বাগ্না ! বালক তুমি—ভাই এ অক্ষুরোধ করছ। তার চেয়ে হিমালয়কে অস্ত্রস্থানে উঠে যেতে বললে বোধ হয় অধিক কৃতকার্য হতে। জান বাগ্না, তার স্মৃতি আমার প্রাণ—জান বাগ্না, তার স্মৃতি অটুট অক্ষুণ্ণ রাখতে আমি এ পাঁচ বৎসর কোন স্ত্রীলোকের মুখ দেখিনি—আর কখনও দেখব না প্রতিজ্ঞা করেছি। কি জানি যদি তার আসন নড়ে যায়। প্রাণ বড় বিশ্বাসঘাতক—আমি তাকে বিন্দুমাত্রও বিশ্বাস করি না।

বাগ্না। আমায় ক্ষমা কর বন্ধু। আমি তোমার ভালবাসার গভীরত্ব উপলব্ধি করতে পারিনি। তোমার কথায় আমার চোখেও জল এসেছে। ধন্য তুমি !

(নেপথ্যে লছিমিয়ার গীত)

“যুবক অথবা বালক বৃদ্ধ হও সবে আগুয়ান।”

বাগ্না। একি ? কার স্বর ? লছিমিয়ার ?—এ সময়ে !

একি ! তুমি চমকালে যে ?

দেব। চূপ্—

(নেপথ্যে লছিমিয়ার গীত)

যুবক অথবা বালক বৃদ্ধ হও সবে আগুয়ান।

পর বীর-সাজ অটল হৃদয়ে, ধর করে পয়শান।

অই—আঁসিছে পাঠান হারিয়া লইতে,

তোমাদের নারী তোমরা থাকিতে ;

রবে কি হুণ্ড কত্রবীর্ষা—গেছে দলিবে নারীর মান ?

দেব। অসম্ভব ! অসম্ভব !!—সাবধান—তবুও—তবুও (জোরে বক চাপিয়া ধরিলেন)

বাপ্পা । দেব, তুমি কি অসুস্থ ?

দেব । না—কে গাচ্ছে ?

বাপ্পা । আমি বুঝতে পারছি না ? তবে লছমিয়ার কণ্ঠস্বরের মত ?
এ সময়ে তারও ত আসবার কোন কারণ দেখি না ।

দেব । লছমিয়া ?—

বাপ্পা । বালীয়ের ভগ্নী—এই যে লছমিয়া ।

লছমি ও বালীয়ের কয়েকজন সৈন্যসহ প্রবেশ ।

লছমিয়া, তুমি এ সময় এখানে ?

বালীয় । দুশ্মন মাকে ধরিয়ে লিতে আইছে । হামার লোক সব
হাজির আছে । হুকুম দে ?

বাপ্পা । সে কি লছমিয়া ?

লছমিয়া । গজনীর সুলতান মায়াকে বলপূর্বক নিয়ে যাবার জন্ত
বহু সৈন্য নিয়ে বীরনগর অবরোধ করেছে । শীঘ্র না গেলে মায়ার উদ্ধার
অসম্ভব ।

দেব । (স্বগত) আবার—আবার—সাবধান । হৃদয় দৃঢ় হও—

বাপ্পা । .সেকি ? আমিত কিছুই বুঝতে পাচ্ছি না ।

বালীয় । আর বুঝবি কি ? হুকুম দে—দুশ্মনকে সাজা দিয়ে মাকে
লইয়ে আসি ।

বাপ্পা । ব্যস্ত হয়ো না বন্ধু—আমায় সব জানতে দাও ।

লছমিয়া । সেলিম মায়াকে বিবাহ ক'রবার প্রস্তাব করে বীরসিংহের
নিকট এক দূত পাঠায় । বীরসিংহ সে দূতকে অপমান করে তাড়িয়ে দেন ।

বাপ্পা । উত্তম করেছে—তার পর ?

লছমিয়া । সুলতান ক্রুদ্ধ হয়ে বহু সৈন্য নিয়ে বীরনগর আক্রমণ
করেছে । তার প্রতিজ্ঞা—যে ভাবেই হয় মায়াকে বিবাহ ক'রবে ।

বাগ্না । বটে ! এত স্পর্ধা !—শৃগাল হ'য়ে সিংহীকে—একি দেব ?
একি মূর্তি তোমার !—ওষ্ঠদ্বয় সংবদ্ধ—মুখখানা রক্তশূন্য, পাণ্ডুবর্ণ—সমস্ত
শরীর পবনান্দোলিত বেতস পত্রের মত সঘনে কাঁপছে !

দেব । আ—মি—অ—সু—হু । [প্রস্থান ।

বাগ্না । অদ্ভুত । এমন হৃদয়, এমন প্রতিভা এক মরিচিকার পেছনে
ঘুরে নষ্ট হচ্ছে । বালীয়, আর সময় নেই । তোমার অল্পচর বর্গকে প্রস্তুত
হ'তে আদেশ দাওগে, এই মুহূর্তে আমরা যাত্রা ক'রব । [বালীয়ের প্রস্থান ।

কি স্পর্ধা এই সুলতানের ! শৃগাল হ'য়ে সিংহীকে—কত সৈন্য নিয়ে
সুলতান বীরনগর অবরোধ করেছে ?

লছমিয়া । বিশ সহস্রের কম হবে না ।

বাগ্না । বিশ সহস্র !—আর আমার পঞ্চশত অর্দ্ধশিক্ষিত রাজপুত ও
ভীল সৈনিক । চমৎকার যুদ্ধ ! বেশ হয়েছে—এই আমার অদৃষ্ট পরীক্ষার
উত্তম সুযোগ ।

বালীয়ের সৈন্যগণসহ প্রবেশ ।

বালীয় । সব তৈয়ার আছে বাগ্না—হুকুম দে ।

বাগ্না । ভাইসব আজ রাজপুতের এক কঠোর পরীক্ষার দিন ।
তোমাদের মান সম্ভ্রম, তোমাদের ধর্ম এক রাক্ষসের দানবীয় লালসা গ্রাস
ক'রতে চাচ্ছে । : তার সৈন্যবল, তার অস্ত্রবল তোমাদের চেয়ে অনেক শ্রেষ্ঠ,
—তা বলে কি তোমরা জড়ের মত খাড়া হ'য়ে, তোমাদের চোখের সামনে
তোমাদের রমণীর অবমাননা দেখবে ?—মৃন্মূর্তির মত নিশ্চল হ'য়ে রাজপুতের
মর্ধ্যাদাকে স্নেহের পদতলে লুয়ে পড়তে দেখবে ? যদি এমন কাপুরুষ কেউ
থাক—গৃহে ফিরে যাও ।

সৈন্যগণ । আমরা সবাই যুদ্ধ ক'রব । জয় চিতোরের জয়—

বাগ্না । ভাই সব তারা আসছে, এক উচ্ছ্বল ইন্দ্রিয়পরায়নতার দ্বারা

চালিত হ'য়ে আমাদের ধর্ম, আমাদের মর্যাদা, আমাদের কুলমান গ্রাস-
ক'রতে—আর আমরা যাচ্ছি, প্রাণের আবেগে, কর্তব্যের উত্তেজনায় তাই
রক্ষা ক'রতে,—তারা আসছে সমুদ্রের জলোচ্ছ্বাসের মত ভীম ভৈরব গর্জন
নিয়ে ছকুল প্লাবিয়ে, আর আমরা যাচ্ছি—কয়েক খণ্ড প্রস্তর নিয়ে তার
প্রবল স্রোত প্রতিরোধ ক'রতে—এ ক্ষেত্রে মরণ অবশ্যস্বাবী। তোমাদের মধ্যে
যারা এই মরণকে স্বেচ্ছায় বরণ ক'রতে প্রস্তুত আছ, যাদের প্রাণ রাজপুত্র
কামিনীর এই বিপদে আকুল হ'য়ে উঠে তার রক্ষার্থে আগুয়ান—তারা
আমার সঙ্গে এস। মনে রেখ, সাধু উদ্দেশ্যে একলিঙ্গ দেব আমাদের সহায়।

সৈন্যগণ। আমরা সকলেই প্রস্তুত। এ যুদ্ধে আমরা প্রাণ দেব।

বাপ্পা। উত্তম। জয় একলিঙ্গজীর জয়।

সকলে। জয় একলিঙ্গজীর জয়, জয় বাপ্পারাওএর জয়।

দেবের প্রবেশ।

দেব। আমি?

বাপ্পা। যা ইচ্ছা ক'রতে পার? ইচ্ছা হয় আমার সঙ্গে এস।

দেব। বেশ—তাই হোক।

সকলে। জয় একলিঙ্গজীর জয়।

[প্রস্থান।

তৃতীয় দৃশ্য।

বীরনগর প্রাসাদস্থ কক্ষ।

সেলিম ও নোসেরা।

নোসেরা। বাবা, শুনলেম তুমি বীরনগরাধিপতিকে বন্দী করেছ?

সেলিম। হ্যাঁ মা। সিংহকে পিঞ্জরাবদ্ধ করেছি।

নোসেরা। রাজপুত্র কেমন যুদ্ধ ক'রল!

সেলিম । নোসেরা, এ যুদ্ধে আমি আমার পাঁচ হাজার বীরকে হারিয়েছি । ভেবেছিলাম রাজতপুত্র জাতি যুদ্ধবিজ্ঞায় অপারদর্শী । কিন্তু এবার আমার সঙ্গে ভুল ভেঙ্গে গিয়েছে । সহস্র সৈন্ত মাত্র সহায় করে বীরসিংহ আমার বিশ সহস্র সৈন্তের গতিরোধ করে । প্রাতঃকাল থেকে সন্ধ্যা পর্যন্ত ঘোরতর সংগ্রাম চলেছিল । যুদ্ধান্তে আমি বীরসিংহের সহস্র সৈন্তের মধ্যে দশ জনকেও বন্দি করতে পারিনি, একে একে তারা সম্মুখ সংগ্রামে মৃত্যুকে আলিঙ্গন করেছে । বহু অনুসন্ধানের পর রাশি রাশি শব্দপের মধ্যে বীরসিংহের আহত মূর্ছিত দেহ পেয়ে তাকে বন্দি করেছি ।

নোসেরা । চমৎকার ! এখন কি করবেন ?

সেলিম । কাল বীরসিংহের বিচার হবে ।

নোসেরা । বিচারে তাকে মুক্ত করে দেবেন নিশ্চয় ।

সেলিম । তা ঠিক বলতে পারি না ।

নোসেরা । বাবা—

সেলিম । নোসেরা তুমি বিশ্বত হচ্ছ যে বীরসিংহ আমার অপমান করেছে ।

নোসেরা । আপনি ত তার উপযুক্ত প্রত্যুত্তর দিয়েছেন । এখন তাকে মুক্ত করে তার রাজ্য তাকে ফিরিয়ে দিয়ে একটা কীর্তি রেখে দেশে ফিরে চলুন ।

সেলিম । কিন্তু এখনও ত আমাদের বিবাদের কারণ দূরীভূত হয় নি ।

নোসেরা । কি সে কারণ ?

সেলিম । আমি বীরসিংহের কন্যার পানি প্রার্থনা করেছিলাম । যদি বীরসিংহ তার কন্যাকে আমার হস্তে অর্পণ করতে স্বীকৃত হয়, আমি তাকে মুক্ত করে তার রাজ্য তাকে ফিরিয়ে দেব । নতুবা—

নোসেরা । তাকে বধ করে বল প্রয়োগে তার কন্যার পানি গ্রহণ করবেন । কেমন ? তা মন্দ নয়, সে একটা বেশ দেখবার জিনিস হবে ।

বীরসিংহের সত্ত্ব উষ্ণ রক্তে রঞ্জিত আপনার হস্তে বীরসিংহ-ছহিতার কম্পিত হস্ত বেশ মানাবে ! আর বীরসিংহের কন্যা তার পিতৃঘাতককে কেমন ভালবাসে এ দেখতে, আমার বিশ্বাস স্বয়ং খোদাও স্বর্গ থেকে নেমে আসবেন । বাবা, আমার বিশ্বাস আপনি খোদার চেয়েও শক্তিমান ।

সেলিম । যাও, যাও, ও সব বাজে কথা উত্তর দেবার আমার সময় নেই । আমি তোমাকে একটা কথা জিজ্ঞাসা ক'রতে এসেছি, তার যথাযথ উত্তর দাও ।

নোসেরা । আজ্ঞা করুন ।

সেলিম । তুমি ইয়াজিদকে বিবাহ ক'রতে স্বীকৃত কি না ?

নোসেরা । আমার ত অনেক দিন বিয়ে হয়েছে ।

সেলিম । সে কি ! কার সঙ্গে ?

নোসেরা । আপনি জানেন না ? (ইয়াজিদের অলক্ষ্যে প্রবেশ)
আমি যে বহুদিন পূর্বে আমার বর বেছে নিয়েছি । আপনার পোষা কুকুরটা, যেটা আপনার আদেশে আপনার পাতৃকা লেহন করে, সেই আপনার জামাতা । আমার পছন্দের তারিফ ক'রতে হবে—কি বলেন ?

ইয়াজিদ । সুলতান !

সেলিম । কে ? ইয়াজিদ ! এখানে ! ওঃ—তা কতক্ষণ এসেছ ?
বিশেষ দরকার আছে ? [নোসেরার প্রস্থান ।

ইয়াজিদ । হাঁ একটু দরকার আছে । আমি আপনার প্রতিজ্ঞার বিষয় আপনাকে স্মরণ করিয়ে দিয়ে, আমার পুরস্কার প্রার্থনা ক'রতে এসেছি ।

সেলিম । ইয়াজিদ, তাতে একটু অন্তরায় ঘটেছে ।

ইয়াজিদ । কি রকম ?

সেলিম । নোসেরা বোধ হয় তোমাকে বিবাহ ক'রতে প্রস্তুত নয় ।

ইয়াজিদ । বেশ । এখন আপনার উত্তর ?

সেলিম। আমার উত্তর ত তুমি বেশ অনুমান ক'রতে পার। কোন্ পিতা, কতটা অসুখী হবে জেনে তার বিবাহ দিতে পারে।

ইয়াজিদ। তা হলে বীরসিংহের অপরাধ কি? সেও ত তার কতটা অসুখী হবে জেনে আপনার দূতকে ফিরিয়ে দিয়েছিল।

সেলিম। হাঁ, তা সত্য বটে। কিন্তু আজ আর বীরসিংহের বিচারের শক্তি নেই। সে আমার বন্দি; আজ আমার আদেশ অবনত মস্তকে পালন ক'রতে সে বাধ্য।

ইয়াজিদ। আপনিও কোরাণ স্পর্শ করে যে প্রতিজ্ঞা করেছেন তা পালন ক'রতে বাধ্য।

সেলিম। ইয়াজিদ!

ইয়াজিদ। সুলতান!

সেলিম। তুমি বোধ হয় বিস্মৃত হয়েছ যে কার সম্মুখে দাঁড়িয়ে তুমি কথা বলছ।

ইয়াজিদ। কিছু মাত্র না। আমি ঠিক জানি যে এক মিথ্যাবাদী কপটের সঙ্গে আলাপ ক'রছি।

সেলিম। কৈ হায়।

৫জন সৈনিকের প্রবেশ।

বন্দি কর। কি চূপকরে দাঁড়িয়ে রইলে যে ইয়াজিদ থাকে বন্দী কর।

১ম সৈনিক। ক্ষমা ক'রবেন হুজুরালি—সেনাপতি সাহেবের সঙ্গে হস্তক্ষেপ ক'রতে আমরা অক্ষম।

সেলিম। তবে মৃত্যুর জন্য প্রস্তুত হও।

সৈনিকগণ। আমরা প্রস্তুত। (তরবারি ফেলিয়া দিল।)

সেলিম। চমৎকার! ইয়াজিদ, আমাকে কি কোন স্বপ্নের দেশে নিয়ে এসেছে! এবে আমার বিশ্বাস ক'রতে ইচ্ছা হচ্ছেনা। আমার বেতনভোগী

সৈন্ত সব, তোমার এতদূর অনুরক্ত যে তোমার সম্মান রক্ষা কর্তে, মৃত্যু নিশ্চিত জেনেও আমার আদেশ লঙ্ঘনে বিন্দুমাত্রও দ্বিধা বোধ করেনি। ইয়াজিদ, তুমি যাহু জান। তোমাকে অদেয় আমার কিছুই নেই। আর সৈন্তগণ, আমার সেনাপতির উপর তোমাদের প্রগাঢ় ভক্তি ও ভালবাসার পুরস্কার মৃত্যু নয়—এই মহামূল্য হীরকাসুরীয়। তোমরা প্রমোদের জন্ত অবকাশ প্রার্থনা করে আমার নিকট যে আবেদন করেছিলে তা আমি মঞ্জুর কর্লেম। যাও সৈন্তগণ, প্রাণ খুলে উৎসবের শ্রোতে গা ঢেলে দাও গে'।

সৈন্তগণ। জয় সুলতানের জয়।

[প্রস্থান।

ইয়াজিদ। সুলতান, এ আপনি কি কর্লেন ?

সেলিম। কি কর্লেম ইয়াজিদ ?

ইয়াজিদ। সৈন্তদের বিশ্রাম মঞ্জুর কর্লেন—শত্রুর দেশে ?

সেলিম। ক্ষতি কি ? সিংহ ত পিঞ্জরাবদ্ধ।

ইয়াজিদ। তবুও শত্রুর দেশ—কাজটা যেন ভাল হয়নি।

সেলিম। যার সেনাপতি ইয়াজিদ, তার কি আবার শত্রুকে ভয় করে চলতে হ'বে।

ইয়াজিদ। সুলতান, আমার ঔর্ধ্বত্যা মাপ করুন।

সেলিম। সুলতানের ভাবী জামাতার পক্ষে কি কোন ঔর্ধ্বত্যা সম্ভবে ইয়াজিদ।

ইয়াজিদ। সুলতান, অনুমতি দিন আমি একবার সৈন্যদের দেখে আসি।

সেলিম। হ্যাঁ যাও, কিন্তু তাদের বিশ্রামের ব্যাঘাত ঘটও না।

ইয়াজিদ। যো হুকুম খোদাবন্দ।

[প্রস্থান।

সেলিম। বুঝতে পারছি না যে কোন মন্ত্রবলে সৈন্যদের এতদূর বশীভূত করেছে। কি করব ? উপায় নেই।—নোসেরা অন্তরী হবে।

তা বলে আমি গজনি হারাতে পারি না । ইয়াজিদ, এ ঔদ্ধত্যের প্রত্যুত্তর
আর একদিন দোব—যদি দিন পাই ।

নোসেরার প্রবেশ ।

কে ? ওঃ—নোসেরা—তা এ সময় ?

নোসেরা । একটা কথা জিজ্ঞাসা ক'রতে এসেছি ।

সেলিম । কি ?

নোসেরা । একখানা কেতাবে পড়লেম বানরের গলায় মুক্তার মালা—
বাবা আপনি এ অদ্ভুত জিনিষ কোনদিন দেখেছেন কি ?

সেলিম । দূর পাগলি—ওঃ বুঝেছি—তা উপায় নেই—

নোসেরা । উপায় আছে । অন্ধ আপনি, তাই দেখতে পারছেন না ।
মজ্জা করে না পিতা, যে আপনার অঙ্গে বার দেহ পুষ্ট, আপনার পাতৃকা
একদিন যে অবনত মস্তকে বহন করেছে আজ আপনার সেই গোলাম
আপনার উপর চোখ রাঙাল, আর আপনি তাই নীরবে সহ ক'রলেন ।
আপনার কন্যাকে তার হস্তে সমর্পণ ক'রতে আপনার অনিচ্ছা সত্ত্বেও
আপনাকে বাধ্য করাল ! এর চেয়ে অধঃপতন আর কি আছে ! একজন
সৈন্যও কি আপনার দিকে দাঁড়াত না—একজনের বিবেকও কি আপনার
আহ্বান শুনে লাফিয়ে উঠে বলত না যে, খবরদার বেইমানি করিস না ।
আর যদিই বা তারা বেইমানি করে আপনাকে ত্যাগ ক'রত—কেন
বীরের মত—মাহুষের মত—বিখাসঘাতকের দণ্ড দিলেন না ? বাবা
রাজ্যের মায়া কি এতই প্রবল—আর কন্যার মায়া কিছুই নয় ?

সেলিম । নোসেরা, আমার কর্তব্য আমি বেশ জানি । তুমি বিশ্রাম
করগে । [প্রস্থান ।

নোসেরা । আপনার কর্তব্য আপনি বেশ জানেন আমার কর্তব্য ও
আমি বেশ জানি ।—না—কখনও না ।

ইয়াজিদের প্রবেশ ।

কে ?

ইয়াজিদ । আমি ইয়াজিদ ।

নোসেরা । এখানে কেন ?

ইয়াজিদ । প্রয়োজন আছে ।

নোসেরা । কোন প্রয়োজন নেই—এ স্থান ত্যাগ কর—আচ্ছা আমিই যাচ্ছি । (নোসেরা প্রশ্ন করিলেন । ইয়াজিদ কিছুক্ষণ একদৃষ্টে তাহার দিকে চাহিয়া রহিলেন পরে ধীরে ধীরে সে স্থান ত্যাগ করিলেন) ।

চতুর্থ দৃশ্য ।

কক্ষ ।

মায়া ।

মায়া । না—বৃথা আশা । হয় আমাকে উদ্ধার ক'রতে তারা অক্ষম অথবা আমার সঙ্গে ছলনা করেছে । ছলনা কেন ক'রবে ? যদি ছলনা করাই তাদের উদ্দেশ্য, তাহ'লে সে দিন উঠানে স্নেহের কবল থেকে আমায় রক্ষা ক'রবে কেন ? আর সেই দেবকুমার—তার সেই অনিন্দ্যসুন্দর মুখে ত কপটতার রেখামাত্রও দেখিনি । তা হলে তারা পারছে না । দব আশা গেল । পিতা বন্দী—আর আমায় কে রক্ষা ক'রবে ? যুদ্ধের পূর্বে পিতা আমাকে একখানি শাগিত ছুরিকা দিয়ে বলেছিলেন “মা, যদি আমি পরাস্ত হয়ে তোমাকে রক্ষা ক'রতে অশক্তি হই—এই ছুরিকার আশ্রয় নিও—এ তোর ধর্ম রক্ষা ক'রবে ।” সেখানি আমি বুকের মধ্যে লুকিয়ে রেখেছি—আশা ছিল, তাই তার আশ্রয় গ্রহণ করিনি । আজ ত আর আমার আশা নেই!—এস রক্ষক—এস বন্ধু—আমার ধর্ম রক্ষা কর ।

প্রাণেশ্বর—জানি না—তুমি কে ! তোমাকে দেখবার এক অদম্য আকাঙ্ক্ষা বুকে নিয়ে মরছি । পায়ের শব্দ শুনতে পারছি আর বিলম্ব ক'রব না—

(ছুরির দ্বারা বক্ষে আঘাত করিতে গেলেন ও নোসেরা আসিয়া হাত ধরিয়া ফেলিলেন)

নোসেরা । ছিঃ—

মায়া । কে তুমি রমণী আমার সর্বনাশ ক'রতে এসেছ ?

নোসেরা । চুপ—

মায়া । নারি !—জান না—তুমি নারী হ'য়ে আমার কি সর্বনাশ ক'রছ । আমায় ছেড়ে দাও—আমায় আত্মহত্যা করে আমার ধর্ম রক্ষা ক'রতে দাও—আমায় ছেড়ে দাও । কি দেবে না ? তুমি না রমণী ? তোমার আচরণে আমার সর্বস্ব যাচ্ছে—আমার নারী-জীবনের সার—আমার ধর্ম যেতে বসেছে—আর তুমি লৌহ মুষ্টিতে আমার হাত ধরে পর্বতের মত অটল হ'য়ে দাঁড়িয়ে আছ ? আজ যদি তোমার এ অবস্থা হ'ত ? আমি তোমার কণ্ঠা, আমি তোমার ভগিনী, আমি তোমার মাতা—আমায় রক্ষা কর—আমায় আত্মহত্যা ক'রতে দাও—

নোসেরা । (নিশ্বাসে) মহাপাপ—

মায়া । শ্লেচ্ছনারি, হিন্দুনারীর নারীত্বের মর্ম তোমরা কি বুঝবে ? হ'ক মহাপাপ—আমার হাত ছাড়, নতুবা,—নতুবা তোমাকে হত্যা করে তারপর—

(নোসেরা বুক পাতিয়া মায়ার সম্মুখে দাঁড়াইলেন ও আঘাত করিতে ইঙ্গিত করিলেন)

মায়া । কে তুমি উন্মাদিনী ? কি তোমার উদ্দেশ্য—কি চাও ?

(নোসেরার চোখ দিয়া জল পড়িতে লাগিল)

একি ! তোমার চোখে জল ! তুমি কাঁদছ ! তাহ'লে ত তুমি আমার শত্রু নও—তুমি আমার ব্যথার ব্যথি । তবে ভাই আমার সর্বনাশ ক'রছ

কেন ? আমায় মরতে দিচ্ছ না কেন ? না—না—তুমি দেবী, আমায় মুক্ত ক'রতে এসেছ—বল বল দেবী, আমি কিসে মুক্তি পাব ? (নোসেরা উর্দে অঙ্গুলী উত্তোলন করিয়া দেখাইলেন এবং হুইজনে নতজানু হইয়া করজোড়ে ঈশ্বরকে ডাকিতে লাগিলেন)

(নেপথ্যে বীরসিংহ) । মায়া, মায়া,—

মায়া । বাবা, বাবা—

[শব্দ লক্ষ্য করিয়া বেগে প্রশ্নান ।

নোসেরা । আমার সঙ্গে এর সমান অবস্থা—আমারই মতন ছঃখিনী । না, তাই বা কি করে ? এ ত আমার চেয়ে সুখী । এর তবু সাহসনা আছে যে, যতদিন শক্তি ছিল, ক্ষমতা ছিল, উপায় ছিল, ততদিন ওকে রক্ষা ক'রবার জন্ত ওর পিতা যথাসাধ্য চেষ্টা করেছেন,—ওকে সুখী ক'রবার জন্ত তিনি পরাজয় নিশ্চিত জেনেও, একটা প্রবল শক্তিকেও শত্রুকে আহ্বান ক'রতে দ্বিধা বোধ করেন নি । আজ তিনি বন্দী, শক্তিশূন্য, ক্ষমতামূহুর্ত, তাই এর এই অবস্থা । আমার যে সে সাহসনাও নেই । আমার পিতা প্রকাণ্ড রাজ্যের রাজা হয়েও—একটা প্রবল শক্তির পরিচালক হয়েও, আমার মুখের দিকে একবারও চাইলেন না, আমার সুখের কথা একবারও ভাবলেন না !

হাঃ—ঈশ্বর !

[প্রশ্নান ।

পঞ্চম দৃশ্য ।

কক্ষ ।

বীরসিংহ ও সেলিম ।

সেলিম । বীরসিংহ—আজ তুমি আমার বন্দী ।

বীরসিংহ । তা জানি সেলিম ।—

সেলিম । কিছুদিন পূর্বে যে প্রস্তাব নিয়ে তোমার নিকট আমার দূত

এসে অপমানিত হয়ে ফিরে গিয়েছিল—আজ বোধ হয়—সানন্দে সে প্রস্তাবে সম্মতি দিতে তুমি প্রস্তুত আছ ?

বীরসিংহ। স্নেহ নৃপতি ! সে প্রস্তাব সম্বন্ধে আমার সেই একই উত্তর ।

সেলিম। জান বীরসিংহ, আমি ইচ্ছা ক'রলে আজ কি ক'রতে পারি ?
বীর। জানি বৈ কি ! তুমি ইচ্ছা ক'রলে তোমার অধীন আমার এই দেহের উপর যথেষ্ট অত্যাচার ক'রতে পার, কিন্তু আমার মন তো তোমার অধীন নয় ।

সেলিম। শোন বীরসিংহ—আমি তোমার কণ্ঠার রূপে আত্মহারা হয়েছি। আমি তাকে বিবাহ ক'রবই যে ভাবে হ'ক। তুমি আপোষে সম্মত হও—উত্তম। নতুবা আমার অন্ত পথ দেখতে হবে ।

বীর। তোমার যা ইচ্ছা ক'রতে পার ।

সেলিম। শোন, তুমি যদি আমার প্রস্তাবে সম্মত হও—তোমাকেই আমি এই বীরনগরে পুনঃ প্রতিষ্ঠিত ক'রব। আমি জানি যে বলপ্রকাশে আমি সব ক'রতে পারি। তবু কেন পুনঃ পুনঃ তোমাকে সম্মত হ'তে অনুরোধ ক'রছি জান ?

বীর। কেন ?

সেলিম। জোর করে আমি তোমার কণ্ঠাকে বিবাহ ক'রতে পারি—কিন্তু সে মিলনে সুখ হবে না। এখনও বিবেচনা করে দেখ—আমার প্রস্তাবে সম্মত হবে কি না ।

বীর। বার বার কেন এ ঘৃণিত প্রস্তাবের উল্লেখ ক'রে আমায় অপমানিত ক'রছ ?

সেলিম। বীরনগরের জন্তও সম্মত হবে না ?

বীর। বীরনগরত অতি তুচ্ছ—সুলতান সেলিমের মুকুট-শোভিত মস্তক আমার পায়ের নীচে লুটিয়ে পড়লেও না—

সেলিম । বটে ! কৈ স্থায়—

একজন সৈনিকের প্রবেশ ।

বীরসিংহের কণ্ঠকে এখানে নিয়ে আয়— [সৈনিকের প্রস্থান ।

বীরসিংহ, তোমার সম্মুখে তোমার কণ্ঠার মর্যাদা নষ্ট হবে,—আর তুমি তাই প্রস্তুতবৃত্তির মত নির্ঝাঁক হয়ে দাঁড়িয়ে দেখবে ।

বীর । নরাদম পাষণ্ড—সাক্ষাৎ সয়তান, একথা উচ্চারণ ক'রতে তোর কণ্ঠরোধ হলো না, জিহ্বা খসে গেল না—বুকের রক্ত জমাট বেঁধে গেল না । কি বলব—আমার হস্ত শূন্যলাবদ্ধ—নইলে—

সেলিম । নইলে কি হ'ত বীরসিংহ ?

বীর । এই ভাবে তোর ও বাক্যের উত্তর দিতাম । (ভূমে পদাঘাত)

সেলিম । বেইমান কাফের !—বন্দী হ'য়েও তোর স্পর্ধা কমেনি ! এর ঔষধ আমার কাছে আছে । রসো দিচ্ছি । (পদাঘাত)

বীর । সয়তান— (আক্রমণোত্ত)

সেলিম বংশীধ্বনি করিলেন ও রক্ষীগণ প্রবেশ করিল ।

সেলিম । বেড়ী লাগাও— [তথাকরণ ও রক্ষীগণের প্রস্থান ।

(নেপথ্যে মায়া ।—বাবা, বাবা, আমায় রক্ষা কর—আমায় রক্ষা কর—)

বীর । ঐ—ঐ—ঐ মায়ার স্বর ! হতভাগিনী ! সর্বনাশী ! এখনও ছুরীর মর্যাদা রাখতে পারলিনা ! এখনও আত্মহত্যা ক'রতে পারলিনা ! কি করলি ! কি করলি !

মায়াকে টানিতে টানিতে প্রহরীর প্রবেশ ।

মায়া । বাবা, বাবা, রক্ষা কর—

প্রহরী । জনাব, বিবির হাতে এহু ছোরা ছিল ।

সেলিম । চলে যা এখান থেকে । (প্রহরীর প্রস্থান)

বীর । ওঃ, সব শেষ!—কি করলি হতভাগিনি? কেন পূর্বে আত্ম-
হত্যা করিসনি?

সেলিম । (মায়ার হাত ধরিলেন) এস সুন্দরি—

মায়া । বাবা বাবা—

সে দৃশ্য দেখিয়া বীরসিংহ চোখ ঢাকিলেন পরে বলিলেন —“ওঃ—
ভূমিকম্প! নেমে এস, নেমে এস—এই পাপ পৃথিবীকে চূর্ণ বিচূর্ণ করে
দিয়ে যাও।—বজ্র, তোমার ভৈরব মস্ত্র নিয়ে লাফিয়ে পড়ে এই পাপ
বসুন্ধরাকে জীর্ণ, দীর্ণ, ভিন্ন করে দাও। জলে ওঠো—জলে ওঠো চারিদিকে
কালানল!—ভষ্ম কর, ধ্বংস কর সব। এস ঝঞ্জা, এস প্রলয়, তোমাদের
সর্বনাশিনী শক্তি নিয়ে। না—সব নীরব—কেউ আমার কাতর আছবানে
সাধা দিল না।—সয়তান—মায়া বালিকা, তাই ভয়ে পারেনি। দেখ
বীরসিংহ কি ক’রে নিজের মর্যাদা রক্ষা করে” (হস্তের শৃঙ্খল দিয়া পুনঃ পুনঃ
মস্তকে আঘাত করতে লাগিলেন। মস্তক ফাটিয়া দর দর ধারে রক্ত ছুটিল।
তিনি মাটিতে পড়িয়া গেলেন। মায়া সেলিমের নিকট হইতে সজোরে হাত
ছাড়াইয়া লইয়া “বাবা বাবা, আমার একা ফেলে কোথা যাও” বলিয়া বীর
সিংহের বুকের উপর ঝাঁপাইয়া পড়িলেন।)

বীর । কেন মা, আমার মেহ-অশীর্বাদের সম্ভবহার করনি? তা
হলেত আজ আমি সুখে প্রস্থান ক’রতে পারতাম। না, তোকে একা ফেলে
আমি যেতে পারব না। তোকে কার কাছে রেখে যাব? মাথাটা আর
একটু এদিকে আমার হাতের কাছে নিয়ে আয়। তোকেও সঙ্গে নিই।
(মায়ার তথাকরণ। বীরসিংহ হস্তের শৃঙ্খল দ্বারা তাহার মস্তকে প্রহার
করিতে গেলেন। সেলিম এক হাতে তাহার হাত ধরিলেন ও অগ্র হাতে
মায়ার হাত ধরিয়া সজোরে তাহাকে বীরসিংহের বক্ষ হইতে দূরে লইয়া
গেলেন।)

সেলিম । “বীরসিংহ! এই দেখ, তোমার রাজপুত্র—তোমার হিন্দু

আমি কেমন করে ঘুচিয়ে দিই । এস সুন্দরি”—বলিয়া মাঝাকে আকর্ষণ করিতে লাগিলেন ও মায়া—“কে কোথায় আছ রক্ষা কর—ওগো তুমি আমার পিতা, আমায় ছেড়ে দাও” বলিয়া চীৎকার করিতে লাগিলেন ।

বীরসিংহ । “নরকের কীট—সাক্ষাৎ সয়তান” বলিয়া উঠিয়া, সেলিমকে আক্রমণ করিতে গেলেন ; কিন্তু দুর্বলতার জন্ত পড়িয়া গেলেন । পরে “কি ক’রলে ভগবান্ ! এত শক্তিহীন ক’রলে!—ওঃ—না, এ দৃশ্য পিতা হয়ে কেমন করে দেখবো—কেমন করে দেখবো !”

শূঙ্খল দিয়া বৃকে আঘাত করিতে লাগিলেন ও ঠিক সেই সময় বাপ্পা, দেব, বালীয়, লছমিয়া ও সৈন্যগণের প্রবেশ ।

বাপ্পা । (সেলিমকে পদাঘাত করিয়া মাটিতে ফেলিয়া দিলেন)
নরাধম—রমণীর উপর অত্যাচার ! একি—একি ! আপনি ! বীরনগরপতি !
আপনার এ অবস্থা ! ওঃ, আর যদি হৃদয় পূর্বে আস্তে পারতাম ।

বীর । মা—মা—তো—মা—র—আশীর্বাদ (হাত উচু করিলেন)

বাপ্পা । আপনার এ শ্রেষ্ঠ দান বহুমানের আমি মাথায় করে নিচ্ছি ।

বীর । ক্ষমা—নি—শিচ—ন্তু—শা—স্তি (যত্ন)

বাপ্পা । ওঃ ! সব শেষ ।

মায়া । বাবা—বাবা—আমায় একা ফেলে কোথা যাও ।

বীরসিংহের (বৃকের উপর বাঁপাইয়া পড়িলেন)

বাপ্পা । সুসতান সেলিম !—এ দৃশ্য দেখছ—ভাল করে দেখ—যাতে স্মৃতিতে ঠিক গাঁথা থাকে ।

লছমিয়া । মায়া, মায়া, হতভাগিনী ! বৃথা শোক ক’রছ, আর বিলম্ব ক’র না, আমাদের সঙ্গে এস ।

বাপ্পা । সসম্মানে বীরনগরপতির শব বহন করে নিয়ে এস ।

লছমিয়া । আর বিলম্ব কেন ?

বাগ্না । চল ।

(প্রস্থানোত্তত ও নোশেরার প্রবেশ)

কে তুমি নারী—আমাদের পথ আগলে দাঁড়ালে ? পথ ছাড় ।

নোশেরা । আমি ভিখারিণী—আপনার কাছে ভিক্ষা ক'রতে এসেছি ।

বাগ্না । ভিখারিণী তুমি !—যার বহুমূল্য পরিচ্ছদে একটা রাজ্যের ধন
মৌলত জড়িয়ে রয়েছে । আশ্চর্য্য ! তুমি কি চাও ?

নোশেরা । আপনার আশ্রয়—

বাগ্না । কেন ?

নোশেরা । সে অনেক কথা—বলবার সময় নেই । ইয়াজ্জিদ হযত
এতক্ষণ সজ্জিত হ'ল । আমি আপনার পথ ত্যাগ ক'রব না—হয় আমাকে
আশ্রয় দিন—নতুবা আমাকে বধ ক'রে আপনার পথ পরিষ্কার করুন—

বাগ্না । কে তুমি ?

নোশেরা । সুলতান সেলিমের কন্যা নোশেরা—

বালীয় । শয়তানি—তবে মর—(ভল্ল নিক্ষেপোত্তত)

লছমিয়া । (বালীয়াকে বাধা দিয়া) ছিঃ ! বাগ্না—

বালীয় । কি করছিস্ লছমি—ওযে শয়তানের লেড়কী শয়তানি আছে।

বাগ্না । হ'ক শয়তানি তবু আমি আশ্রয় দেব । সুলতানকন্যা, আজ
হতে আমি তোমার আশ্রয়দাতা ।

নোশেরা । তবে প্রতিজ্ঞা করুন—আমি আপনার আশ্রয় ত্যাগ না
ক'রলে আপনি আমায় ত্যাগ ক'রবেন না । তাতে যদি—

বাগ্না । হাঁ, তাতে যদি জিবুবনের বিরুদ্ধেও আমায় দাঁড়াতে হয়, তাও
দাঁড়াব প্রাতজ্ঞা ক'রছি ।

নোশেরা । (নতজাসু হইয়া) :খোদা আপনার মঙ্গল করুন ।

সকলে । জয় চিতোরের জয়—জয় সেনাপতি বাগ্নার জয়—(সেলিম
ব্যতীত সকলের প্রস্থান । সেলিম এ দৃশ্য দেখিয়া হতবুদ্ধি হইয়া : জড়ের মত
নির্ঝাক নিম্পন্দ অবস্থায় দাঁড়াইয়া রহিলেন ।)

তৃতীয় অঙ্ক ।

—••••—

প্রথম দৃশ্য ।

রাজপ্রাসাদ । কক্ষ ।

মানসিংহ, বাপ্পা, দেব ।

মানসিংহ । তাইত বাপ্পা—এ যুদ্ধে পরাজয় অবশ্যস্বাবী । যে সব সামন্ত চিতোরের রক্ষক, যারা চিতোরের স্তম্ভস্বরূপ, আজ তারা হাত গুটিয়ে ব'সেছে—আজ আমি তাদের বিষ নজরে প'ড়েছি ।

বাপ্পা । শুনলেম, আমার উপর আপনার অত্যধিক স্নেহই তাঁহাদের এই অসন্তোষের কারণ । আপনি যদি আমাকে ত্যাগ করেন, তা হ'লেও কি তাঁদের ক্রোধের শান্তি হবে না ।

দেব । বোধ হয় না । সে কথাও আমি তাঁদের নিকট প্রস্তাব করেছিলাম, তাতেও তাঁরা স্বীকৃত হন নি ।

বাপ্পা । যদি তাঁরা একান্তই চিতোরের রক্ষার্থে আজ পরাভূত হ'ন, তা হ'লে ইয়াজিদের আক্রমণ প্রতিরোধ ক'রবার জন্য আমাদের সাধ্যমত প্রস্তুত থাকা কর্তব্য ।

মানসিংহ । হাঁ তা সত্য বটে, কিন্তু পরাজয় অনিবার্য ।

বাপ্পা । সামন্তগণের অভাবে আমরা হীনবল সত্য—কিন্তু মুসলমান অজেয় নয় ।

মানসিংহ । বাপ্পা, তুমি বালক । তুমি ইয়াজিদকে জাননা তাই

ও কথা বলছ । তার বিজয়-বৈজয়ন্তি শতযুদ্ধে হিমালয়ের মত গর্ভভরে মাথা খাড়া করে বায়ুভরে পত্ পত্ শব্দে উড়েছে, আজ পর্য্যন্ত কারও নিকট মাথা নোয়ায় নি ।

বাগ্না । হতে পারে ইয়াজিদ আজ পর্য্যন্ত কোন যুদ্ধে পরাজিত হয়নি, কিন্তু তাই বলে অলসভাবে কালযাপন করে তার উদয় মাত্র ত্রাসজনিত কম্পিত কলেবরে তার পদতলে রাজশ্রীকে উপহার দেওয়া আমি সঙ্গত মনে করি না । যত বড় দুর্দর্ষ বীরই ইয়াজিদ হ'ক না কেন, বিনা যুদ্ধে আমি তাকে চিত্তোরে পদমাত্র অগ্রসর হতে দেব না, তাতে আমি সামন্তদের সাহায্য পাই—আর না পাই—

মান । বাগ্না, বোধ হয় সেদিনের কথা তুমি বিস্মৃত হওনি, যে দিন নিঃস্ব আশ্রয়হীন হয়ে তুমি চিত্তোরসিংহাসন তলে বসে দীনভাবে করুণা ভিক্ষা করেছিলে ।

বাগ্না । না ভুলিনি এবং প্রাণ থাকতে ভুলব না ।

মান । তারপর বোধ হয় তোমার মনে আছে যে আমি ধূলা থেকে তোমাকে বুক তুলে নিয়ে অকাতরে শ্রাবণের ধারার গ্রায় তোমার উপর সম্মান ও ঐশ্বর্য্য বর্ষণ করেছি । আর তোমারই জন্তু আমার পরম মিত্রদেরও শত্রু করেছি—

বাগ্না । সে কথা আজ কেন তুলছেন, আপনার করুণার কথা আমরণ আমার স্মরণ থাকবে—আপনার নিকট আমি চিরঋণী ।

মান । যদি তাই হয়—সেই ঋণ পরিশোধ ক'রবার আজ সুবর্ণ সুযোগ উপস্থিত । তুমি ইচ্ছা ক'রলে আজ এ যুদ্ধ নিবারণ করে আমায় রক্ষা ক'রতে পার ।

বাগ্না । কি উপায়ে ?

মান । সেলিমের কন্যাকে ইয়াজিদের হস্তে সমর্পণ করে ।

বাগ্না । এ আপনি কি আদেশ ক'রছেন ! সেলিমের কন্যা আমার

আশ্রিতা, আমি রাজপুত্র—তাকে অভয় দিয়ে একবার আশ্রয় দিয়েছি ।
আজ কোন মুখে তাকে শত্রুর হাতে সঁপে দেব ।

মান । সে স্লেচ্ছকণ্ঠা, কেন তার জন্তু বিপদকে আহ্বান করে আনবে ?
যদি একজন রাজপুত্রকে আশ্রয় দিতে এ বিপদকে ডেকে আনতে, আমি
আপত্তি ক'রতেম না ।

বাপ্পা । গুরুর আদেশ—রাজপুত্রের শ্রেষ্ঠ সাধনা জাতিধর্মনির্বিশেষে
আশ্রিত রক্ষণ ।

দেব । চমৎকার !

মান । আজ তোমার জন্তু চিতোরের সিংহাসন হারালেম । ওঃ—
আমার বুকভরা স্নেহের—আমার কার্পণ্যহীন করুণার আজ এই প্রতিদান

বাপ্পা । মহারাজ, আপনার সেই স্নেহের, আপনার সেই করুণার
বিনিময়ে আপনার সিংহাসন রক্ষার্থে বাপ্পা তার শেষ বিন্দু শোণিত
অকাতরে ঢেলে শত্রু অসি রঞ্জিত ক'রবে ।

মান । হা ভগবান—

বাপ্পা । কোন চিন্তা নেই আপনার, আপনি আমায় শুধু আশীর্বাদ
করুন, আমায় শুধু আদেশ দিন । আপনার নিকট প্রতিজ্ঞা ক'রছি
যে আপনার আশীর্বাদে ও একলিঙ্গদেবের কৃপায় আমি ইয়াজিদকে পরাস্ত
করে চিতোরে প্রবেশ ক'রব— [মানসিংহের প্রস্থান ।

দেব ! কি বলব ? বিশ্বয়ে নির্ঝাঁক হ'য়ে গিয়েছি । এতখানি মহত্ত্ব
এর কাছে মাথা নোয়ানও যে গৌরব । মানব শ্রেষ্ঠ ! ধন্য আমি যে এ
অধমকে তুমি বন্ধুবলে গ্রহণ করেছ ।

বাপ্পা । আবার পাগলামো আরম্ভ ক'রলে !

দেব । পাগলামো নয় বাপ্পা ; জানিনা, কোন কুহকবলে তুমি এক
উদাস ব্যথিত প্রাণকে আবার কর্মস্রোতে ভাসিয়ে দিয়েছ, জানিনা

কোন মস্তবলে তুমি এক সুপ্ত লুপ্ত তেজকে আবার নবপ্রাণ দিয়ে জাগিয়ে তুলেছ, কে তুমি যাছকর ?

বাপ্পা । এর মধ্যে ভুলে গেলে ?—সেই গিরিকন্দরে পানীয় দিয়ে যে তৃষ্ণাতুর বালকের জীবন রক্ষা করেছিলে, আমি সেই । এত শীঘ্র ভুললে চলবে কেন ? যাক্ সে কথা—দেব—তুমি সৈন্তদের প্রস্তুত হ'তে বলগে—

দেব । বেশ । [প্রস্থান ।

বাপ্পা । ইয়াজিদের সঙ্গে যুদ্ধ ক'রব, কিন্তু এক কথা—নেশোরার মনের ভাব একবার জানা দরকার । যদি সে তার পিতার নিকট যেতে ইচ্ছুক হয়, তা হ'লে আমি কেন তাকে বাধা দেব ।

নেশোরার প্রবেশ ।

এই যে নেশেরা—নেশেরা আমি মাতুলের আদেশে যুদ্ধ ক'রতে যাচ্ছি ।

নেশেরা । কার সঙ্গে যুদ্ধ ?

বাপ্পা । ইয়াজিদের সঙ্গে । কেন তুমি জাননা ? সে যে তোমার পিতার আদেশে তোমাকে ধরবার জন্ত এসেছে চিতোর আক্রমণ করেছে ।

নেশেরা । জানি । যুদ্ধে প্রয়োজন নেই, আমি ধরা দেব ।

বাপ্পা । যদি তুমি স্বেচ্ছায় ইয়াজিদের নিকট আত্মসমর্পণ কর, আমার কোন আপত্তি নেই । কিন্তু যদি যুগাক্ষরেও বুঝতে পারি যে আমাদের বিপদমুক্ত ক'রতে তুমি আত্মসমর্পণ ক'রছ, আমি বাধা দেব ।

নেশেরা । কেন ?

বাপ্পা । কেন ! তুমি ভুলে যাচ্ছ, সেদিন কি প্রতিজ্ঞা করে আমি তোমাকে আশ্রয় দিয়েছি ।

নেশেরা । কেন একজন হতভাগিনী যবন কণ্ঠার জন্ত এই স্মৃথের কুণ্ডে, এই শান্তির ধামে একটা মহা আতঙ্কে, একটা বিকট অভিশাপকে

একটা ত্রস্ত হাহাকারকে, আহ্বান ক'রবেন—কেন আপনার পরম শত্রুর কণ্ঠ্যকে রক্ষা ক'রতে আপনার সহস্র সহস্র স্বধর্মী স্বজাতীয় বীরের জীবন বিপন্ন ক'রছেন ? তার চেয়ে অনুমতি দিন আমি ইয়াজিদের সঙ্গে পিতার নিকট চলে যাই । আপনার মহত্ব,—আপনার উদারতা—আপনার দেবদুর্লভ আশ্রিতবাৎসল্য তৃপ্তির সঙ্গে উপভোগ করে, এখন তারই অবকাশ গ্রহণ করে আপনার কোন বিপদ ঘটান আমার ইচ্ছা নয় ; অনুমতি দিন আমি বিদায় হই ।

বাপ্পা । যদি তাই হয় আমার অনুমতি নিতে এসেছ কেন ? তুমি ত স্বাধীন, আমাকে না বলেও তুমি অনায়াসে ইয়াজিদের নিকট যেতে পারতে । যাওনি কেন ?

নোশেরা । কেন তা জানি না । একবার তা ভেবেছিলাম ; কিন্তু আপনার অনুমতি না নিয়ে যেতে পারলাম না !

বাপ্পা । কেন ? বিপদে উপকার করেছি সেই কৃতজ্ঞতার জন্ত ?

নোশেরা । ঠিক বলতে পারি না ।

বাপ্পা । ঠিক বলতে পার না ।

নোশেরা । অনুমতি করুন, আমি বিদায় হই ।

বাপ্পা । হাঁ, অন্তঃপুরে যাও ।

নোশেরা । অন্তঃপুরে !

বাপ্পা । আশ্চর্য্য হচ্ছ কেন ?

নোশেরা । তা হ'লে আমার জন্ত যুদ্ধ ক'রবেন ?

বাপ্পা । তোমার কি বোধ হয় !

নোশেরা । কি বলে আপনার নিকট কৃতজ্ঞতা জানাব ? আপান নররূপী দেবতা ।

বাপ্পা । চিতোরপতির আদেশ পেয়েও একটু দ্বিধা ছিল, কারণ তোমার মনের ভাব জানতেম না । এখন আমি দৃঢ় প্রতিজ্ঞ ।

নোশেরা । তা হ'লে আমার একটা অনুরোধ রাখুন—যুদ্ধস্থলে
আপনার সমভিব্যাহারী হতে আমায় অনুমতি দিন । আজ যে সমরানল
প্রজ্বলিত হ'ল তাতে কত শত চিতোর-বীর ভস্মীভূত হবে, কত শত
অর্ধদগ্ধ হ'বে । সেই উদার পরোপকারী পুরুষোত্তমগণের মৃত্যু শয্যায়
বসে, তাদের গুণশ্রাধা করে, তাদের একটা সান্ত্বনার কথা বলে, যদি
তাদের গরিমা-দীপ্ত মৃত্যুর করাল ছায়াঙ্কিত প্রশান্ত মুখে একটুও
হাসি ফুটাতে পারি—তাদের মৃত্যু যন্ত্রণা একটুও লাঘব ক'রতে পারি,
তা হ'লে আমি নিজকে ধন্য মনে ক'রব । আপনি অমত ক'রবেন না ।
আপনার পায়ে ধরে নিবেদন ক'রছি, আমায় অনুমতি দিন ।

বাঘা । উত্তম । আমি অনুমতি দিলাম । প্রস্তুত হয়ে এস । আমি
অপেক্ষা ক'রছি । [প্রস্থান ।

নোশেরা । ঈশ্বর আপনার মঙ্গল করুন । এতখানি করুণা, এতখানি
বীরত্ব—একি কখনও মানুষে সম্ভব ? আশ্চর্য্য এই রাজপুত জাতি ?
কুমুমের মত কোমল আবার লৌহের মত দৃঢ় । যদি রাজপুত হ'য়ে
জন্মাতেম— [প্রস্থান ।

দ্বিতীয় দৃশ্য ।

শিবির । চিতোর প্রান্তস্থ অরণ্য ।

ইয়াজিদ ও সৈন্যধ্যক্ষগণ ।

ইয়াজিদ । সব সময় তোমাদের সতর্ক থাকতে হ'বে । আমি এই
রাজপুত সেনাপতির সহিত প্রথম পরিচয়ে যা বুঝেছি, তা'তে আমার দৃঢ়
বিশ্বাস যে সে আকস্মিক আক্রমণের পক্ষপাতী । আর তার গতি উদ্ধা
অপেক্ষাও ক্ষিপ্ত । বীরনগরে তার কার্যের বিষয় মনে হলেও আমার

স্বংকম্প হয়। কি আশ্চর্য্য! পঞ্চশত মাত্র সৈন্য ল'য়ে কোথা থেকে উদ্ধাবেগে বজ্রের মত আমার পনের হাজার সৈন্যকে মথিত ক'রে, প্রাসাদে প্রবেশ পূর্ব্বক সুলতান-কন্যা ও বীরসিংহের কন্যাকে লয়ে চক্ষের নিমিষে কর্পূরের মত মিলিয়ে গেল। পশ্চাদ্ধাবনের সুযোগ পর্য্যন্ত দিল না।

সকলে। তাছকব!

৩য় সৈ। অন্য কোন যুদ্ধে ত এত সৈন্য সমাবেশ, এরূপ সতর্কতা দেখিনি!

ইয়াজিদ। সেটা কিছু আশ্চর্য্য নয়। পূর্ব্বে যে যুদ্ধ করেছি, সে যুদ্ধ ক'রবার জন্য—পররাজ্য গ্রাস ক'রবার জন্য—বা কোন খেয়ালের জন্য! কিন্তু এবার যুদ্ধ ক'রতে এসেছি মানের দায়ে, প্রাণের টানে, সুলতান কন্যাকে তস্করের হাত থেকে মুক্ত ক'রতে এবং তস্করকে শাস্তি দিতে। তোমরা সকলে সতর্ক থেকে। [প্রস্থান।

১ম সৈ। সেনাপতি সাহেবের আদেশ শুনলেত?

৩য় সৈ। রেখে দাও তোমার আদেশ। আজ যদি মেরিজানেরা বিরহ-শয্যায় রাত কাটায়, তাহ'লে কি আর কাল জায়গা দেবে মনে ক'রেছ? আচ্ছা, তোমরাও কি এই কাট খোঁটাদের দেশে এসে এদের মত নীরস হ'লে?

১ম সৈ। কিন্তু সেনাপতি সাহেবের কড়া হুকুম—সাবধান হ'তে।

৩য় সৈ। আরে তুমিও যেমন—আমরা সশরীরে রাজপুতনায় পদার্পণ করেছি, এ কথা শোনবা মাত্র রাজপুত পুরুষগুলো ভয়ে মুচ্ছা গিয়েছে আর রাজপুত মেয়েগুলো আহ্লাদে বরণডালা আর ফুলেরমালা সাজিয়ে রেখেছে। আমি তোমায় স্পষ্ট ব'লে রাখছি, কাল রাজপুতদের মৃতদেহ দিয়ে, রাস্তা তৈরী ক'রে তার উপর দিয়ে চিতোরে প্রবেশ ক'রব; সুন্দরীমহলেই বল, আর রণস্থলেই বল, এ মিত্রাকে কেউ কোন দিন পিচ'পাও হ'তে দেখিনি! করিম—

(নেপথ্যে) করিম । হুজুর—

ওয়সৈ । জলদি—

(নর্তকী সহ বোতল ও গ্লাসহস্তে করিমের
নাচিতে নাচিতে প্রবেশ)

করিম । হুজুর তা' হ'লে ধরি ?

ওয়সৈ । আলবৎ । কাহে নেই !

করিম । (সুরে) মেরিজান্—জান্—জান্—জান্—জা—

ওয়সৈ । একি ? করিম—করিম ! থাম—থাম ।

করিম । কেন জনাব ? আমার এটাকি গান হচ্ছে না ।

ওয়সৈ । হ্যাঁ হচ্ছে বৈকি । তবে কি জান, তোমার ওসব বৃহৎ
রাগিণী কিনা, প্রথমে তোমার ওটা শুন্লে পিয়ারিদের ও মিহি রাগিণী
আর ভাল লাগবে না । তোমার সাকুরেদদের একটা গান ক'রতে বল ।

করিম । ধরত ছুঁড়ীরা—

নর্তকীগনের গীত ।

কর পান—

আজি সরম ডুলিয়া, পরাণ খুলিয়া, রূপের মদিরা করিব দান ॥

অধোমুখে কেন আছ দূরে সরে হৃদে তোমা আজি রাখিব গো ধরে,

আজি নাহিক মান, নাহি অভিমান, শুধু হাসি আর শুধু গান ॥

হতাশের স্বাস ভুলে যাও বঁধু, আজি নাহিক গরল হৃদে শুধু মধু ;

প্রেমের ফাঁসি, (এই) অধরে হাসি, আজি লুকান নয়নে মদন

(ওয়সৈয়্য মধ্য মধ্য “বাহবা করিম” বলিয়া উৎসাহ দিতে লাগিল ।)

ইয়াজিদের প্রবেশ ।

(একজন নর্তকীদের প্রস্থান করিতে ইঙ্গিত করিলেন অপর

একজন মদের বোতল ইত্যাদি আড়াল করিয়া দাঁড়াইলেন)

ইয়াজিদ । এর চেয়ে অধঃপতন আর কি হ'তে পারে ? নিমকহারাম

বেইমান ! শিবির রাজপুত দ্বারা আক্রান্ত, আর তোমরা এখানে
সুরাপানোন্নত হ'য়ে নর্তকীদের সঙ্গীত-সুধা পান ক'রছ ! ধিক তোমাদের !

ওয়। আজে ! এ ত বিশ্রাম সময় ।

ইয়াজিদ । বিশ্রাম সময় ? ধিক তোমাদের ! সতর্কতার অভাবে
ষাদের নারী, তত্ত্বর কর্তৃক অপহৃত হয়, তাদের আবার বিশ্রাম ! নিল
তোমরা, তাই একথা বলছ । আমি আর একবার এই রাজপুত সেনাপতির
রণনীতি দেখে এবার তার নিকট থেকে এইরূপ আক্রমণ আশঙ্কা করে
তোমাদের সতর্ক থাকতে বলেছিলাম, তোমরা আমার আদেশ খুব যোগ্যতার
সহিত পালন করেছ !

কাসিম, তুমি রাজপুত সৈন্তের দক্ষিণভাগ আক্রমণ কর, যাও ।

[১ম সৈন্যের প্রস্থান ।

হামিদ, তুমি বামভাগ আক্রমণ করগে—

[২য় সৈন্যের প্রস্থান ।

আসফ, তুমি আমার সঙ্গে এস ।

[উভয়ের প্রস্থান ।

তৃতীয় দৃশ্য ।

কৃত্রিম শিবির ।

বাপ্পা, দেব, বালীয় ও সৈন্যগণের প্রবেশ ।

বাপ্পা । কি আশ্চর্য্য দেব, ইয়াজিদের চিহ্নমাত্র ও নেই ! শূন্য শিবির
গুলো যেন আমাদের মূর্খতাকে উপহাস ক'রছে । কোথায় গেল ইয়াজিদ ?
—কোথায় তার বন্যার জলস্রোতের মত প্রকাণ্ড সৈন্যস্রোত ?

দেব । আমার বিশ্বাস, আমাদের চক্ষে ধূলা দেবার জন্য ইয়াজিদ এই
সকল কৃত্রিম শিবির সংস্থাপিত করেছে । নিশ্চয়ই সে কোথাও লুক্কায়িত
আছে, সময়মত আমাদের আক্রমণ ক'রবে ।

বাগ্না । যদি তাই হয়, তাহ'লে আমাদের সতর্ক থাকা কর্তব্য ।

বালীর । দেখত দেবদাদা, একটা বাতি যেন ছুটিয়ে আস্তিছে !

দেব । তাইত—মশালধারী অধারোহী !—কোন গুপ্তচর ।

বাগ্না । নিশ্চয় ইয়াজিদ নিকটে কোথাও আছে ।

গুপ্তচরের প্রবেশ ।

কি সংবাদ ? ইয়াজিদের কোন সন্ধান পেলে ?

গুপ্ত । সেনাপতি ! সর্বনাশ উপস্থিত । মুসলমান সেনাপতি আমাদের চতুর্দিক থেকে আক্রমণ ক'রতে অগ্রসর হচ্ছে ।

বাগ্না । কোথায় সে ?

গুপ্ত । এই মণ্ডলাকার কৃত্রিম শিবিরের কেন্দ্রস্থলে শিবির রক্ষা ক'রে, সে আমাদের আক্রমণের অপেক্ষা করছিল । গুপ্তচরের মুখে সংবাদ পেয়ে মুহূর্ত্ত মধ্যে সজ্জিত হয়ে, বায়ু বেগে ধেয়ে আসছে ।

বাগ্না । উত্তম । সৈন্তগণ, তোমরা সকলে তোমাদের পিতৃতুল্য নৃপতির সম্মান রক্ষার্থে বদ্ধপরিকর হ'য়ে এসেছ । ভরসা করি, তোমাদের সে সঙ্কল অটুট আছে । তোমাদের জীবন, তোমাদের শৌর্ষা, তোমাদের ঐশ্বর্ষা—বুঝা, যদি তা'তোমাদের রাজার রক্ষার্থে ব্যবহৃত না হয় । তোমাদের জীবন নিষ্ফল—যদি তোমরা নিমকের মর্যাদা রাখতে না জান । আজ তোমাদের রাজ্য বিপন্ন হ'য়ে তোমাদের মুখের দিকে চেয়ে আছেন । প্রাণ দিয়ে অম্লদাতা প্রভুকে রক্ষা করে' তার সিংহাসন নিষ্কটক কর । আজ পাঠান বুঝে যাক্ যে, যে বীরপুরুষগণ একাধিক বার তাদের দর্প চূর্ণ করেছে, তোমরা তাদেরই বংশধর—তোমরা তাদেরই মত দৃঢ়হস্তে অসি ধারণ কর ।

সকলে । জয় একলিঙ্গজীর জয় ।

[প্রস্থান ।

চতুর্থ দৃশ্য ।

রণক্ষেত্র ।

আসফ ও ইয়াজিদের প্রবেশ ।

ইয়াজিদ । দেখছ আসফ, ক্ষুধার্ত্ত কেশরীর মত রাজপুত্র তীম গর্জনে আমাদের অনবেষণ করে বেড়াচ্ছে, এখনও সন্ধান পায়নি । খুব সতর্কতার সহিত নিঃশব্দে বন অতিক্রম করে তুমি তাদের পশ্চাত্তাগ আক্রমণ করে পলায়নের পথ বন্ধ কর । মনে রেখ, সুলতান কস্তার উদ্ধারসাধন ও আমাদের মর্যাদা, আজ তোমার কার্যের উপর সম্পূর্ণভাবে নির্ভর করছে, যাও ।

আসফ । যো হুকুম ।

[প্রস্থান ।

ইয়াজিদ । আজ দেখব বাপ্পা, তুমি কেমন সৈন্তাধক্ষ ! আজ সয়তানে সয়তানে লড়াই । আর তুমি নোশেরা—এত দস্ত তোমার, যে আমাকে বিবাহ করবার অপমান সহ্য করতে পারবে না বলে মর্যাদা ভুলে বিধর্মীর আশ্রয় নিয়েছ ! আজ দেখি কে আমার শোনলক্ষ্য থেকে পক্ষাবরণে তোমায় ঢেকে রাখে ? একবার তোমায় মুঠোর মধ্যে পেলে—না, সে নিষ্ঠুরতার কথা বাতাসও যদি জানতে পারে, তবে সে চমকে উঠে, ভয়ে চপলাসুন্দর বালকের মত চোখ ঢাকবে—(নেপথ্যে । “জয় ভবানার জয়, জয় একলিঙ্গজীয় জয় ।”) একি বিজয়ধ্বনি—

দূতের প্রবেশ ।

দূত । হুজুরালি, হামিদ খাঁর সৈন্ত হতভঙ্গ, প্রাণপণে চেষ্টা করেছে হামিদ খাঁ তাদের শ্রেণীবদ্ধ করতে পারছেন না ।

[প্রস্থান ।

ইয়াজিদ । অপদার্থ হামিদ ।

[প্রস্থান ।

দেব ও তাহার সৈন্যগণের প্রবেশ ।

দেব। ভাই সব, আর একবার—আর একবার—চেষ্টা কর । তোমাদের পক্ষে আজ ভীষণ পরীক্ষার দিন । আজকার রণজয় তোমাদের এই ব্যুহ-ভেদে উপর নির্ভর ক'রছে—রাজপুত্রের ভাগ্যচক্র তোমাদেরই মুখের দিকে অনিমেঘে চেয়ে আছে । রাজপুত্রের ইতিহাস, আজ উদ্বেগপূর্ণ হির নিশ্চল দৃষ্টিতে তোমাদের হস্তধৃত অসির দিকে তাকিয়ে আছে । ভাই সব, জীমূতমস্ত্রে আকাশ কাঁপিয়ে, সিংহবীর্ষ্য নিয়ে আর একবার চেষ্টা কর—আর একবার তাদের রাজপুত্র খড়্গের পরিচয় দাও ।

সকলে । জয় একলিঙ্গজীর জয়, জয় চিতোরের জয় ।

সসৈন্যে হামিদের প্রবেশ ।

হামিদ । বন্দী কর— (যুদ্ধ চলিতে লাগিল)

সসৈন্যে লছমিয়ার প্রবেশ ।

লছমি । একজনও যেন পালাতে না পারে ।

[যুদ্ধ করিতে করিতে সকলের প্রস্থান]

সপ্তম অঙ্ক দৃশ্য ।

গান্ধারপর্বতের পাদদেশ

বাগ্না, যোদ্ধৃ বশে নোশেরা, বালায় ও সৈন্যগণের প্রবেশ ।

বাগ্না । বন্ধুগণ, আজ আমরা নির্বুদ্ধতার জন্তুঃ তোমাদের সকলের জীবন বিপন্ন । দেব বন্দী এবং লছমিয়াঃ বিপদগ্রস্ত জেনে, যবন সৈন্তকে প্রজনার মধ্য পথে বাধা দিতে আম সেই প্রবঞ্চক ব্যাধের কথা বিশ্বাস করে,

তোমাদের এই পথে নিয়ে এসেছি । মুহূর্তের জন্তও ভাবিনি, যে সেই ব্যাধ ইয়াজিদের অনুচর । ঐ দেখে ভাই সব, সম্মুখে বিরাট দেহ গান্ধার পর্বত আর পশ্চাতে অর্দ্ধমণ্ডলাকারে ইয়াজিদের বিপুল সৈন্য-প্রবাহ । সম্মুখে অগ্রসর হবার উপায় নেই—পশ্চাতে ফিরবারও কোন পথ নেই । মৃত্যু অনিবার্য । স্থির জানি আমি, তোমাদের মধ্যে এমন কাপুরুষ—এমন রণবিমুখ—এমন রাজপুত্র-কলঙ্ক কেউ নেই, যে মৃত্যুকে ভয় করে । আজ বড় আক্ষেপ যে প্রাণ দিয়েও কার্যোদ্ধার ক'রতে পারলাম না ।

নোশেরা । আমার জন্তই আজ আপনাদের এ বিপদ । আমাকে ইয়াজিদের হাতে সমর্পণ ক'রলে কি ইয়াজিদ আপনাদের পরিত্যাগ করে না ? যদি করে, আমায় বিদায় দিন ।

বাপ্পা । নোশেরা, গুরুর আদেশ, রাজপুত্রের প্রধান ধর্ম—আশ্রিত-রক্ষণ । আমি যদি সে ধর্মপালনে অক্ষম হই—আমি যদি রাজপুত্র নামের অযোগ্য হই, তার জন্য আশ্রিতা তুমি,—নিজেকে সকল বিপদের কারণ মনে ক'রে কেন বৃথা কষ্ট পাচ্ছ ? তোমাকে রক্ষা ক'রতে বাপ্পার প্রাণ—বা দেব—বা এই ক্ষুদ্র সেনামুষ্টি ত অতি তুচ্ছ—প্রয়োজন হ'লে চিতোর বলি দেব—রাজপুত্র জাতিকে বলি দেব । পুনঃ পুনঃ তোমাকে ত্যাগ ক'রতে আমায় অনুরোধ ক'রে, আমার অক্ষমতার কথা আমাকে শ্রবণ করিয়ে, আমার মনে কষ্ট দিও না ।

বালীয় । স্বর্গে দেবতা আছি—পরাণ ভরিয়ে গুনিয়ে লে । এমন মিঠা বাত্ আর গুন্বি নারে ।

বাপ্পা । ভাই সব, একবার একলিঙ্গ দেবের নাম শ্রবণ ক'রে অসি হস্তে মৃত্যুর জন্ত প্রস্তুত হয়ে দাঁড়াও—সবাই খড়্গ হস্তে প্রতিজ্ঞা কর, যতক্ষণ দেহে একবিন্দু রক্ত থাকবে, ততক্ষণ যবন-রক্তে অসি রঞ্জিত ক'রতে কেউ বিরত হবে না ।

সকলে । জয় একলিঙ্গের জয় ।

বাপ্পা । কেন ইয়াজিদকে আক্রমণের সম্মান দেব ? এস আমরাই যখনসৈন্যকে অক্রমণ করি । (প্রস্থানোত্তত ও হঠাৎ চমকিয়া দাঁড়াইয়া)

গুরুদেব, ক্ষমা করুন—আমি বিস্মৃত হ'য়েছিলাম । তাই সব, আর ভয় নেই । এখনই আমরা গুরুর কৃপায়, মহর্ষি হারীত প্রদত্ত এই মন্ত্রপূত দ্বিধার খড়্গ দ্বারা ঐ বিরাট পর্বতকে বিদীর্ণ ক'রে—ছিন্ন ভিন্ন ক'রে—পথ নির্মাণ পূর্বক গজনীতে পৌঁছে অরক্ষিত সুলতানকে বন্দী ক'রতে পারব । প্রাণ ভরে সবে একবার মা ভবানীর নাম কর ।

সকলে । জয় মা ভবানী, জয় মা ভবানী ।

বাপ্পা । মহর্ষি হারীত, গুরু গোরক্ষনাথ, ভগবান একলিঙ্গদেব, মা ভবানীর আদেশে এই গিরি বিদীর্ণ কর ।

(খড়্গ দ্বারা গিরি-গাত্রে আঘাত । পর্বত বিদীর্ণ হইয়া গেল এবং সঙ্কীর্ণ পথ নির্মিত হইল ।)

এস—সবে উল্কা-বেগে আমার পিছনে ছুটে এস । [প্রস্থান ।

(ব্যাধবেশে ফারিদ, ইয়াজিদ ও সৈন্যগণ)

ইয়াজিদ । কই ফারিদ ? কোথায় রাজপুত সৈন্য ?

ফারিদ । তাইত—কোথায় গেল ? তাজ্জব !

ইয়াজিদ । আমি কিছুই বুঝতে পাচ্ছি না । পশ্চাতে আমরা ছিলাম, সেদিকে নিশ্চয়ই যায় নাই—আর সম্মুখে এই অত্যাচ গান্ধার পর্বত—একি ! একি ! ফারিদ ! ফারিদ, আমি কি জাগ্রত না নিদ্রিত—প্রকৃতিস্থ না উন্মাদ—একি দেখছি । বিপুলদেহ গান্ধার বিদীর্ণ, মধ্যে সঙ্কীর্ণ পথ !—কোন যাহুকর তার যাহুদও বুলিয়ে গান্ধারের এ অবস্থা ক'রেছে ? একি সম্ভব ?

ফারিদ । বিস্ময়ে নির্বাক হ'য়ে গেছি জনাব । কাল প্রত্যুষেও আমি স্বচক্ষে এ স্থান পরিদর্শন ক'রেছি । কই, এ দৃশ্য দেখেছি বলে ত মনে হয় না ।—মনে পড়ে, গান্ধার সৃষ্টির আদিকাল থেকে যেমন গর্ভভরে মাথা খাড়া ক'রে দাঁড়িয়েছিল, কালও তাকে তেমনি দেখেছি । কিন্তু একি !

ইয়াদিজ । বাপ্পা, বুঝলাম তুমি দৈব-বলে বলীয়ান ।—তাই সহস্রবার নিশ্চিত মৃত্যু থেকেও রক্ষা পেয়েছ,—তাই তোমার বিঘ্নস্বরূপ, অলস স্বেচ্ছাচারী গান্ধারের দর্প চূর্ণ করে, নিজের পথ পরিষ্কার করেছ ।—ফারিদ, আর আশা নাই । এতদিন যে ইসলামীয় জাতীয়পতাকা গজনীর দুর্গশিখরে সগর্বে মাথা খাড়া করে, অর্দ্ধপৃথিবীর হৃদয়ে একটা মহা আতঙ্ক জাগিয়ে তুলেছিল—দেখ গিয়ে, আজ সে তার অক্ষয় রক্ষীগণের উপর অভিমান করে মাটিতে লোটাচ্ছে—আর তার স্থানে রাজপুত্রের লোহিত পতাকা, ইসলামীয় বৈজয়ন্তীর প্রতি বিদ্রোহ কটাক্ষ নিষ্ক্ষেপ করে, বালাকৃষ্ণকে অভিবাদন করতঃ রাজপুত্রের অভ্যুত্থান এবং এক নবযুগের প্রারম্ভ ঘোষণা করছে । ওঃ—এই দৃশ্য দেখার পূর্বে কেন আমার মৃত্যু হয়নি ! খোদা—খোদা আজ মহম্মদিগণ কোন অপরাধে তোমার নিকট অপরাধী, যে তাদের এ অবস্থা করলে !

ফারিদ । সেনাপতি সাহেব, উতলা হবেন না । অনুমানের উপর হতাশ হওয়া কর্তব্য নয় । আর গজনী ত একেবারে অরক্ষিত নয় । চলুন, আমরা গজনী অভিমুখে যাত্রা করি ।

ইয়াজিদ । বেশ—চল । কিন্তু আর আশা নেই । কারো সাধ্য নেই যে তাকে পরাস্ত করে—যদি বাস্তবিক এ সংসারে অজেয় কেউ থাকে, তবে আজ সেই রাজপুত্রবীর । [প্রস্থান ।

ষষ্ঠ দৃশ্য ।

গজনীপ্রসাদ—কক্ষ ।

সুলতান, সেলিম, ও উজির ।

সেলিম । উজির, আমার আদেশমত সমস্ত ঠিক করেছ ?

উজির । হাঁ জনাব, কিছুই ভ্রুটি হয়নি ।

সেলিম । ওঃ ! কি ভীষণ জীবন-মরণ-ব্যাপারে প্রবৃত্ত হচ্ছি ! এক মুহূর্তে সব ওলট পালট হ'তে পারে । যদি রাজপুত সেনাপতি আমাদের কৌশলজালে আবদ্ধ না হয়, তা—হলে—তা হ'লে—ওঃ উজির, ভাবতেও আমার হৃৎকম্প হয় !

উজির । জনাবালি, আপনি বৃথা চিন্তা ক'রছেন । রাজপুত সেনাপতি বীরত্ব ও সামরিক কৌশল দ্বারা সম্মুখ যুদ্ধে আমাদের পরাস্ত ক'রেছেন সত্য, কিন্তু এবারের যুদ্ধে তাঁর পরাজয় অনিবার্য ।

সেলিম । তুমি প্রাসাদের সমস্ত দ্বার উন্মুক্ত ক'রতে আদেশ দিয়েছ ত ?

উজির । হাঁ জনাব, আপনার আদেশ তামিল ক'রেছি । কিন্তু আমার একটু ভয় হচ্ছে !

সেলিম । কি ভয় ?

উজির । রাজপুতগণ হারেমের স্ত্রীলোকদের উপর কোন অত্যাচার—

প্রহরীর প্রবেশ ।

সেলিম । কি সংবাদ ?

প্রহরী । আমরা সমস্ত দরজা খুলে দিয়েছি—রাজপুত সেনাপতি কয়েক জন সৈন্ত নিয়ে প্রাসাদে প্রবেশ ক'রেছেন ।

সেলিম । উত্তম—যাও । খুব সাবধান । [প্রহরীর প্রস্থান ।

উজির, জানিনা কি হয় ! আমার মাথা ঘুরছে—কি ভয়ঙ্কর মুহূর্ত ! এক পলের মধ্যে জয়-পরাজয় নিশ্চয় হ'য়ে যাবে ।

উজির । আপনি কোন চিন্তা ক'রবেন না, ইঁহুর ঠিক কলে পড়বে ।

দ্বিতীয় প্রহরীর প্রবেশ ।

সেলিম । কি—কি সংবাদ ?

প্রহরী । রাজপুতেরা সমস্ত কক্ষে আপনাকে অনুসন্ধান ক'রছে ।

সেলিম । সবাই এক সঙ্গে ?

প্রহরী । না । দুই তিন জন ক'রে দলবদ্ধ হ'য়ে ।

সেলিম । যাও (প্রহরীর প্রস্থান) যদি সেনাপতি সেদিকে না যায় ?
উজির, বুঝি সর্বনাশ হ'ল ! ওঃ—(ভীষণশব্দ) ওই—ওই—উজির,
উজির, বাজীমাৎ, বাজীমাৎ—নিশ্চয় বন্দী হ'য়েছে । আর ভয় নেই—আর
ভয় নেই ! ঐ ভীষণ শব্দে আমার বিজয় বার্তা ঘোষিত হয়েছে ।

সুলতানের উষ্ণীষশোভিত সমসেরের প্রবেশ ।

সমসের, সমসের ! বল, কৃতকার্য্য হ'য়েছ ?

সমসের । হাঁ জনাব, আপনার এই উষ্ণীষশোভিত আমাকে কক্ষে
প্রবেশ ক'রতে দেখে, সেনাপতি স্বয়ংই সুলতানকে বন্দী ক'রতে যান ।
তারপর যা হয়েছে,* তা ত শব্দেই বুঝতে পেরেছেন । হুজুরালি, এই
আপনার উষ্ণীষ ।

সেলিম । (উষ্ণীষ লইয়া) সমসের, ধন্য তোমার সাহস—আমি
তোমায় যথেষ্ট পুরস্কার দেব । উজির ! আর বিলম্বে প্রয়োজন কি ?
এস, সামন্তদের নিয়ে মন্ত্রণাকক্ষে যাই । উজির, আমার এ অদ্ভুত ঘটনা
বিশ্বাস ক'রতে সাহস হচ্ছে না । এত নসিবের জোর আমার—

উজির । দীনহুনিয়ার মালিকের ইচ্ছা হ'লে অসম্ভব সম্ভব হ'তে
কতক্ষণ লাগে জনাব ? [উজির ও সুলতানের প্রস্থান !

সমসের । সমসের, জোর কপাল তোর ! মোসাহেব থেকে একেবারে
সুলতান । উন্নতি বটে । কিন্তু বড় ভাল বোধ হচ্ছে না । রাজা রাজড়ার
কি রাজমুকুট হাতছাড়া ক'রতে আছে ? ওসব গরম জিনিষ—একবার
গরম ভাঙলে কি আর জমে ? দেখা যাক্ । [প্রস্থান ।



সপ্তম দৃশ্য

অন্ধকার পাষাণ গৃহ ।

বাগ্না ।

বাগ্না । সুলতানকে এই কক্ষে প্রবেশ ক'রতে দেখে তাকে বন্দী ক'রবার জন্ত কি কুক্ষণে এখানে প্রবেশ ক'রেছিলেম—আর নিজেই বন্দী হলেম । জয়ী আমি, তথাপি বিজিত সুলতানের কৌশলে আজ আমি তারই বন্দী । তীরে এসে তরী ডুবিয়েছি ! একেই বলে অদৃষ্টের উপহাস । পুরুষকারের সাধ্য কি যে অদৃষ্টকে ঠেলে ফেলে উপরে ওঠে । সৈন্তগণ হয়ত আমার অভাবে ছত্রভঙ্গ হ'য়ে পড়েছে—অথবা তারা এতদিন আছে কি না তাই বা কে জানে । না—আর ভাব্‌ব না । যা হবার তাই হবে । ভবানীর যদি এই ইচ্ছা হয়, বেশ, তাঁর ইচ্ছাই পূর্ণ হ'ক । কিন্তু সুলতান যে গৃহে প্রবেশ ক'রেছিলেন—সে ঠিক সত্য । সুলতান গেলেন কোথায় ? নিশ্চয়ই নিষ্ক্রামণের পথ আছে । আমি এ গৃহের কৌশল জানিনা—তাই দ্বারের সন্ধান পাচ্ছি না—একি ! প্রাচীরের গাত্রে যেন কেউ আঘাত ক'রছে অতি সন্তর্পণে একটু আলো যেন কক্ষের মধ্যে প্রবেশ ক'রলে ।—এ কয়দিন ত অন্ধকারই দেখে আসছি । একি ? প্রাচীরের একাংশ স'রে যাচ্ছে !

গুপ্তদ্বার দিয়া নোশেরার প্রবেশ ।

এ কি ! কে তুমি ? কে তুমি—আমি কি স্বপ্ন দেখছি ! তুমি ! তুমি—নোশেরা—এখানে ! এই অভিশাপের রাজ্যে !

নোশেরা । চূপ । আস্তে কথা বলুন—আমি আপনাকে মুক্ত ক'রতে এসেছি । চলে আসুন ।

বাপ্পা । আর মুক্ত হ'য়ে কি হবে নোশেরা ? তোমাকে এখানে দেখেই আমি বুঝতে পেরেছি যে, আমার আশা ভরসা সমস্তই গিয়েছে ।

নোশেরা । কিছু যায়নি—আপনি চিন্তিত হবেন না । আপনি পিতার কৌশলে বন্দী হয়েছেন শুনে আপনাকে মুক্ত ক'রবার জন্ত আমি পিতার নিকট ফিরে এসেছি । আপনার চিন্তার কোন কারণ নেই ।

বাপ্পা । এঁা—বল কি ? তাহ'লে কি এখনও আশা আছে ! বল, বল নোশেরা—দেব, বালীয়, লছমিয়া, আমার প্রাণপ্রতিম সৈন্যগণ, তারা সব কোথায়—কি অবস্থায় আছে ?

নোশেরা । সসৈন্তে ইয়াজিদ গজনীতে পৌঁছেছে । বালীয় আপনার অবর্তমানে সৈন্যপরিচালনার ভার নিয়ে তাকে আক্রমণ করে দেবকে মুক্ত করেছে । প্রাণের ভগ্নী লছমিয়া সদলবলে তাদের সঙ্গে মিলিত হ'য়েছেন । গজনীর সামন্ত প্রদেশে রুদ্ধশ্বাসে তারা আপনার অপেক্ষা ক'রছে । ইক্ষন প্রস্তুত, এখন আপনি গিয়ে তাতে অগ্নি সংযোগ ক'রলেই দাবানল সৃষ্টি হবে ।

বাপ্পা । নোশেরা—নোশেরা ! কি দিয়ে তোমায় পুরস্কৃত ক'র্ব ? তোমার যোগ্য পুরস্কার ত এ সংসারে নেই । নোশেরা—তুমি কি ক'রে জানলে, যে আমি এ কক্ষে আবদ্ধ আছি ?

নোশেরা । পিতার মুখে শুনেছি ।

বাপ্পা । তিনি তোমায় বলেছেন ?

নোশেরা । তিনি মঙ্গলাকক্ষে মন্ত্রী ও সামন্তদের সঙ্গে এ বিষয় আলোচনা ক'রছিলেন—আমি কক্ষান্তর থেকে তা শুনেছি ।

বাপ্পা । তার পর ।

নোশেরা । যে কৌশলে এ কক্ষের এই গুপ্তদ্বার উন্মোচন করা যায় তা আমার জানা ছিল ।

বাপ্পা । তারপর তুমি আমাকে মুক্ত ক'রতে—আমার প্রাণরক্ষা ক'রতে ছুটে এসেছ ! নোশেরা—

নোশেরা । আজ্ঞে—

বাগ্না । একটা কথা জিজ্ঞাসা ক'রব ?

নোশেরা । করুন ।

বাগ্না । ঠিক উত্তর দেবে—কিছু লুকাবে না ?

নোশেরা । না ।

বাগ্না । আমায় কি তুমি ভালবাস ? বল—চুপ করে রইলে কেন ?

উত্তর দাও—মুখ তোল—

নোশেরা । আমি যে মুসলমানী—বিধর্মী । (ভীষণ শব্দ) সর্বনাশ !

এখনও পালানো—যাঃ ! সব শেষ—

ইয়াজিদের প্রবেশ ।

ইয়াজিদ । এই যে রাজপুতবীর—ও কে ? নোশেরা ! এখানে !
তাইত—যাক্ । আজ আমার আর সে বিচারে প্রয়োজন কি ? রাজপুত
সেনাপতি—তোমার সঙ্গে আমার একটা প্রয়োজন আছে ।

বাগ্না । বলুন—

ইয়াজিদ । গান্ধার পর্বত কি তোমারই খড়গাঘাতে বিভিন্ন হ'য়েছে ?

বাগ্না । হাঁ । আমার গুরুদত্ত মন্ত্রপুত খড়গাঘাতে সে শৈলের দর্পচূর্ণ
হ'য়েছে, সে বড় দস্ত করে আমার পথরোধ করে দাঁড়িয়েছিল ।

ইয়াজিদ । বটে ! আমি তোমার নিকট এসেছি । কেন জান ?

বাগ্না । আমায় বধ কত্তে—অথবা বিচারের জন্ত আমাকে রাজসভায়
নিয়ে যেতে ।

ইয়াজিদ । মূর্থ ! সেরূপ কিছু নয় । আমি এসেছি তোমায় দ্বন্দ্বযুদ্ধে
আহ্বান ক'রতে—আমি এসেছি তোমার খড়গাঘাতের কত জোর তাই
পরীক্ষা ক'রতে—আমি এসেছি একবার দেখতে যে, যে বাহুচালিত খড়গ
গিরি ভিন্ন ক'রতে সক্ষম—সে বাহু কত শক্তিশালী । এই হুইখানি
তরবারি আছে—সমান ভারী—সমান তীক্ষ্ণ । যে খানা ইচ্ছা বেছে

নাও । উভয়ই বিষাক্ত—যার সঙ্গে খড়্গ প্রবেশ ক'র্বে তার মৃত্যু অনিবার্য ।

বাপ্পা । তা হ'লে ক্ষান্ত হ'ন, গুরুর আশীর্বাদে আমার শরীর অস্ত্রের অভেদ । এ যুদ্ধে আপনার মৃত্যু নিশ্চিত ।

ইয়াজিদ । বালক, কি গর্ব ক'র্ছ ? স্বচক্ষে ইয়াজিদের খড়্গ চালনা দেখনি কি ? নাও, অস্ত্র নাও । হ'তে পারে, তুমি দৈববলে বলীয়ান কিন্তু ইয়াজিদও দুর্বল নয় ।

বাপ্পা । তা জানি । তবু এ যুদ্ধে—

ইয়াজিদ । কোন কথা শুনব না—আমি দৃঢ়প্রতিজ্ঞ । নাও—অস্ত্র নাও—

বাপ্পা । আমায় ক্ষমা করুন—আমি আপনার এ আদেশ পালনে অক্ষম ।

ইয়াজিদ । এখনও বলছি অস্ত্র নাও । দোসূরা জবান বলে আমি তোমায় অস্ত্র গ্রহণে বাধ্য করাব । মনে রেখ, তুমি আমার বন্দী ।

বাপ্পা । বেশ, এই আমি অস্ত্র গ্রহণ ক'র্ছি । কিন্তু বৃথা রক্তপাতের জন্ত আমি দায়ী নই ।

ইয়াজিদ । তবে আর বিলম্ব কেন ? এস ।

বাপ্পা । আমি প্রস্তুত—(যুদ্ধ)

ইয়াজিদ । বালক, এইবার আত্মরক্ষা কর (খড়্গ বাপ্পার শরীর স্পর্শ করিল কিন্তু শরীরে প্রবেশ করিল না । ইয়াজিদ খড়্গ ফেলিয়া দিলেন) না, আর যুদ্ধের প্রয়োজন নাই । আমার খড়্গ তোমাকে সজোরে আঘাত করেছে, কিন্তু তোমার শরীরে প্রবেশ ক'র্তে পারিনি । আর এই দেখ, তোমার খড়্গাঘাতে আমার সমস্ত শরীর রক্তরঞ্জিত । আর যুদ্ধে প্রয়োজন কি ?—তোমার ভাগ্যানক্ষত্র সুপ্রসন্ন । কারও সাধ্য নেই, তোমার পথরোধ করে । এ শৌর্য্য, এ রণকৌশল পূজিত হবার যোগ্য ! যাও বীর, মুক্ত তুমি । ঘারে সুসজ্জিত অশ্ব র'য়েছে, আমার আদেশে কেউ

তোমার পথরোধ ক'র্বে না । আমার মাথা যুর্ছে—পা টল্ছে—বিষের ক্রিয়া আরম্ভ হ'য়েছে ।—ওঃ (ভূমিতে পতন । বাগ্না সময়ে তাহার মস্তক নিজের কোলের উপর লইলেন) ।

বাগ্না । কেন এ যুদ্ধে প্রবৃত্ত হ'য়েছিলেন ? আমি ত পূর্বেই নিষেধ ক'রেছিলাম ।

ইয়াজিদ । বালক, যে দেশে ইয়াজিদ অপেক্ষা শ্রেষ্ঠ অথবা ইয়াজিদের সমকক্ষ খড়্গচালক আছে, সে দেশে ইয়াজিদ বাস করে না । এ পর্য্যন্ত স্পর্ধা ক'রে বলতে পার্তেম যে আমার সমকক্ষ খড়্গচালক নেই ; আজ তুমি আমার সে গর্ব চূর্ণ ক'রেছ । এ প্রাণে আর প্রয়োজন কি ? আশীর্বাদ করি, সুখী হও । আর যদি গজনী জয় ক'রতে চাও—খুব সাবধানে অগ্রসর হ'য়ো । পূর্বে যত সহজে জয় ক'রেছিলে এখন আর তত সহজে হবে না । নোশেরা, জানি না তোমার কাছে কি অপরাধ ক'রেছিলাম, যে, তোমার নিকট থেকে এক জীবনব্যাপী অবজ্ঞা সহ্য ক'রলাম । যদি কোন অপরাধ ক'রে থাকি, ভাই বলে ক্ষমা ক'রো বোন । রাজপুত্রবীর, আমিও যুদ্ধ ব্যবসায়ী, আমার হস্তেও কোন দিন বোধ হয় তরবারির অগমান হয়নি—মৃত্যুর তীরে দাঁড়িয়ে একটা অনুরোধ ক'রছি— রাখবে কি ?

বাগ্না । আঞ্জা করুন ।

ইয়াজিদ । পার ত নোশেরাকে সুখী ক'রো । যাও তোমরা—কি চূপ ক'রে রইলে যে ?

বাগ্না । সুলতানকে সংবাদ দিয়ে বৈঠ আনালে, এখনও বোধ হয় আপনার জীবনের আশা আছে ।

ইয়াজিদ । বালক, দেখছ না, সমস্ত শরীরের উপর কেমন ধীরে ধীরে মৃত্যুর করাল ছায়া অঙ্কিত হ'য়েছে । বিষের ক্রিয়ার সমস্ত শরীর নীলাভ হ'য়ে গিয়েছে—আমার বাঁচার আর কোন আশা নেই, আর আমি বাঁচতেও

চাই না । তোমরা সত্বর যাও, বিলম্ব হ'লে তোমাদের পথরুদ্ধ হতে পারে ।

বাও—

[বাপ্পা ও নেশেরার প্রস্থান ।

এস তবে মৃত্যু, আর বিলম্ব কেন ? ওঃ—সমস্ত শরীরে একটা দাহ ছুটে বেড়াচ্ছে গেল, জ্বলে গেল । গজনী, এতকাল মাতৃস্নেহে পালন ক'রেছ, তোমায় বড় ভালবাসি—তাই আমার চেয়ে উপযুক্ত রক্ষকের হাতে আজ তোমায় সমর্পণ ক'রে আমি মহাশান্তিতে চিরনিদ্রার কোলে আশ্রয় গ্রহণ ক'রছি—ওঃ—ওঃ—খো—দা—

(মৃত্যু)

অষ্টম দৃশ্য ।

কক্ষ ।

বাপ্পা, বালীয় ও সৈন্যগণ ।

বাপ্পা । ভাই সব, মা ভবানীর কৃপায় বহু বাধা বিঘ্ন অতিক্রম ক'রে, তোমরা গজনী জয় ক'রেছ । ইতিহাস তোমাদের এ বীরত্বগাথা সর্গোরবে বক্ষে ধারণ ক'রবে । তোমরা রণশ্রমে কাতর—বিশ্রাম করগে' ।

সৈন্যগণ । প্রভুর আদেশ শিরোধার্য্য ।

[প্রস্থান ।

দেবের প্রবেশ ।

দেব । এই সুলতানের মুকুট—তিনি পরাজিত—যুদ্ধে হত । এ এখন তোমার প্রাপ্য বন্ধু । (বাপ্পার উষ্ণীষ খুলিয়া মুকুট বাপ্পার মাথায় পরাইয়া দিলেন ও বাপ্পার উষ্ণীষ একখানি সোফার উপর রাখিয়া দিলেনঃ)

বাপ্পা । কর কি—কর কি ? এ মুকুট আমার প্রাপ্য নয় ।

(মুকুট মাথা হইতে খুলিলেন)

দেব । তবে—

বাপ্পা । এ মুকুটের অধিকারিণী সুলতান-কন্যা নোশেরা । আমার

গজনী জয়, সুলতানের পিতামহ কর্তৃক বল্লভীপুরে শিলাদিত্যের পরাজয়ের প্রত্যুত্তর মাত্র । আমার প্রাণ্য ছিল, গজনীজয় প্রসূত আত্মপ্রসাদ । কিন্তু আজ আমি তা হ'তেও বঞ্চিত । যদি আজ সুলতান জীবিত থাকতেন !

দেব । তাঁর জন্ত বৃথা খেদ ক'রছ বন্ধু । তুমিত জান, যোদ্ধার অদৃষ্ট বৈশাখী আকাশের মত অনিশ্চিত—কখনও বা মেঘমুক্ত কখনও বা মেঘযুক্ত ।

বাগ্না । তা সত্য দেব । কিন্তু নোশেরার পিতৃহন্তা হ'য়ে আজ কেমন ক'রে তার সন্মুখে দাঁড়াব । সে আমার প্রাণদান ক'রতে গিয়েছিল— আর আজ আমারই জন্ত সে পিতৃহীনা ।

দেব । কবে চিতোর যাত্রা ক'রবে ?

বাগ্না । আজ একবার সুলতান কন্ঠার সঙ্গে দেখা করে, তোমাদের সঙ্গে মিলিত হব । [দেবের প্রশ্নান ।

কি ব'লে নোশেরাকে সাহুনা দেব ? সে কি আমাকে ক্ষমা ক'রবে ?

নোশেরার প্রবেশ ।

বাগ্না । এই যে নোশেরা । নোশেরা, আমি তোমার নিকট অপরাধী, আমিই তোমার পিতার মৃত্যুর কারণ । আমাকে ক্ষমা কর নোশেরা । আমায় বিশ্বাস কর, সুলতানের মৃত্যুতে আমি বাস্তবিক দুঃখিত । বল আমায় সর্বান্তঃকরণে ক্ষমা ক'রেছ—

নোশেরা । আপনি ত কোন অপরাধ করেন নি ।

বাগ্না । আমি তোমার পিতার মৃত্যুর কারণ ।

নোশেরা । ঘটনাস্রোত অগ্নিদিকে প্রবাহিত হ'লে তিনিও আপনার মৃত্যুর কারণ হ'তে পারেন ।

বাগ্না । তা সত্য । নোশেরা—আমি আজ চিতোর যাচ্ছি—

নোশেরা । আমি ?

বাগ্না । তুমি তোমার পিতৃ—রাজ্য—গজনীর রাণী হয়ে, এখানে থাকবে ।

নোশেরা। গজনী আপনার।

বাপ্পা। তা হ'লে বুঝলেম তুমি আমাকে ক্ষমা করনি। নোশেরা, এই তোমার পিতার মুকুট—গ্রহণ ক'রে আমায় বিদায় দাও। আমি বন্দদের মুক্ত ক'রে দিতে আদেশ দিয়েছি—আহতদের শুশ্রূষার, আর হতবীরদের সমাধির বন্দোবস্ত ক'রে দিয়েছি। আমার দ্বারা বা আমার অনুচরবর্গের দ্বারা গজনীর তৃণটা পর্যন্ত স্পর্শিত বা স্থানান্তরিত হয়নি। তোমার পিতার রাজ্য তুমিই গ্রহণ করে আমায় মুক্তি দাও—আমি বিদাই হই।

নোশেরা। আপনার আজ্ঞা শিরোধার্য্য কিন্তু আমি এ মুকুট নিয়ে কি ক'র্ব্ব? আমি রমণী, আমি ত এর সম্মান রক্ষা ক'র্ব্বতে পারব না।

বাপ্পা। কোন চিন্তা নেই তোমার। রাজপুত্র আজ পরম মিত্রভাবে গজনী ত্যাগ ক'রছে। যদি কোন বিপদ ঘটে' আমাকে স্মরণ ক'র, রাজপুত্রখড়গ তোমাকে সাহায্য ক'র্ব্বতে সর্ব্বদা প্রস্তুত থাকবে। অনুমতি কর, আমি বিদায় হই—

নোশেরা। (গলার স্বর কাঁপিয়া উঠিল) যাবেন? আমাকে একাকী—
—রেখে—

বাপ্পা। যখনই সুবিধা হবে তোমাকে এসে দেখে যাব।

নোশেরা। যাবেন—যা—ন।

বাপ্পা। তুমি কাঁদছ নোশেরা—ছিঃ (বলিয়া হাত ধরিতে গেলেন)

নোশেরা। (সরিয়া) না—আপনি যান—আপনি যান।

বাপ্পা। অদ্ভুত (ভাবিতে ভাবিতে প্রস্থান।)

নোশেরা। চ'লে গেলে! নিষ্ঠুর! আমায় পায়ে ঠেলে চ'লে গেলে। আর তোমায় দেখতে পাবনা,—আর তোমার মধুর “নোশেরা” ডাক শুনতে পাবনা। তুচ্ছ গজনী-সিংহাসন দিয়ে আমাকে আবদ্ধ ক'রে রেখে গেলে। আমি ত সিংহাসন চাইনি, আমি যে তোমায় চাই—তোমায় চাই—তোমার দাসী হতে চাই। ওঃ হোঃ হোঃ! ফিরে এস—ফিরে এস প্রিয়তম—আমি

তোমায় ছেড়ে থাকতে পারব না (সোফার উপর পড়িয়া মুখ ঢাকিয়া কাঁদিতে লাগিলেন)

বাপ্পা “আমার উষ্ণীব নোশেরা” বলিয়া পুনঃ প্রবেশ করিলেন, ও নোশেরার অবস্থা দেখিয়া ক্ষণেক স্তম্ভিত হইয়া দাঁড়াইলেন । পরে নিকটে যাইয়া সম্মুখে তাহার হাত ধরিয়া ডাকিলেন—

“নোশেরা ।” নোশেরা মুখ নীচু করিয়া কাঁদিতে লাগিলেন ।

বাপ্পা । নোশেরা, তুমি কাঁদছ কেন ? আমি গেলে কি তোমার কষ্ট হয় ?

নোশেরা । কষ্ট ! আমি তোমায় ছেড়ে থাকতে পারব না—আমি তোমায় ভালবাসি—ভালবাসি—ভালবাসি ।

বাপ্পা । ভালবাস—

নোশেরা । হাঁ । ভালবাসি—বড় ভালবাসি—সমস্ত প্রাণ দিয়ে ভালবাসি । আমায় ফেলে যেওনা ।

গীত ।

তুমি যেওনা চরণে দলিয়া ।

আমায় দুঃখের পাথারে ত্যজিয়া ॥

তোমারই আশে রেখেছি এ প্রাণ

তোমাতে সকল করিয়াছি দান,

তুমি হৃদে আশ, ক'র না নিরাশ

হেঁসার মরমে পীড়িয়া ॥

তোমার বিরহ কেমনে সহিব, উছলিত চিত কেমনে বাঁধিব,

দিবস যামিনী কেমনে রাখিব,

নয়নের বারি রোধিয়া ॥

(গান করিয়া বাপ্পার বুক মুখ লুকাইলেন । বাপ্পা সম্মুখে তার মুখ-
চুষন করিলেন ।)

চতুর্থ অঙ্ক ।

প্রথম দৃশ্য ।

বিলাসমন্দির ।

মানসিংহ, করিম, দুর্জন ও নর্তকীগণ ।

মানসিংহ । (মণ্ডপান করিতে করিতে) দেখ করিম—বেড়ে সরবত
তোমার ।

করিম । হুজুর মা বাপ—গরীবের উপর যথেষ্ট অনুগ্রহ ।

মানসিংহ । দেখ দুর্জন, এ সরবতের আশ্বাদ যে না পেয়েছে, তার—
দুর্জন । জীবনই বৃথা ।

করিম । যা ব'লেছেন হুজুর, সে শালা গর্ভশ্রাব ।

মান । খুব বরাত জোর দুর্জন, যে যুদ্ধক্ষেত্রে করিমকে আর এই
সুন্দরীদের তুমি পেয়েছিলে । আরে চাই, রাজত্ব ক'রে যদি দুদিন মজাই
না ওড়াতে পার্লেম তবে আর রাজায় ফকিরে তফাৎ রইল কি ? আজ
যেন আমোদটা জম্ছে না । দুর্জন, করিম, আকণ্ড সুধা পান কর, সুধা
ঝুটি কর—আর মতিজান ফতেজান রঞ্জিলা তোমরা সকলে নাচ, গাও,
স্তুতি কর । আমোদ চাই, ভরপুর—আমাকে পরীর রাজ্যে নিয়ে যাও ।

নর্তকীগণ । যো হুকুম খোদাবন্ ।

গীত ।

আজি পঞ্চমে তোম তান !

প্রেম তরঙ্গে, নৃত্য ভঙ্গে

আবেশে মাতাও প্রাণ ॥

কর কটাক্ষ, বিধিয়া লক্ষ্য,

উঠুক কাঁপিয়া পুরুষবক্ষ

বাজুক হুপুয়, রুহু রুহু বুনু গুঞ্জরি প্রেম গান ॥

বাঙ্গার প্রবেশ ।

বাঙ্গা । মাতুল, একি ? ওঃ—(প্রস্থানোত্ত)

মানসিংহ । কে ?

বাঙ্গা । আমি বাঙ্গারাত্ত—

মানসিংহ । বাঙ্গা—এস বৎস । ফিরে যাচ্ছিলে কেন ?

বাঙ্গা । মাতুল—আমি এইমাত্র গজনী থেকে আসছি । প্রথমেই আপনার সঙ্গে দেখা ক'রতে এসেছি । ভগবান একলিঙ্গের কৃপায় আমি সুলতানের বিরাট বাহিনীকে পরাজিত ক'রে, চিতোরকে নিষ্কটক ক'রেছি এবং গজনী জয় ক'রেছি ।

মান । দীর্ঘজীবী হও । তা হ'লে গজনী এখন আমার—

বাঙ্গা । না ।

মান । তার অর্থ ? তুমি না গজনী জয় ক'রেছ—

বাঙ্গা । আমি সেলিমের কথাকে তার পিতৃরাজ্য দান ক'রেছি ।

মান । কেন ? গজনী দান ক'রবার তোমার কি ক্ষমতা আছে ? তুমি আমার সামন্ত—তোমাঘারা যা কিছু আহরিত হবে, সব—রাজ্য আমি আমার প্রাপ্য । তোমার জয় ক'রবার শক্তি আছে, কিন্তু দান ক'রবার অধিকার নেই ।

বাঙ্গা । সেলিমের কথায় নিজের জীবন বিপন্ন ক'রেও আমাকে কারাগার থেকে মুক্ত ক'রতে গিয়েছিলেন ; তাই আমি সেই উপকারের প্রত্যুপকার স্বরূপ তাঁকে তার পিতৃরাজ্য দান ক'রেছি ।

মান । সেলিমের কথায় তোমার প্রাণরক্ষা করেছিলেন বলে, তুমি আমার প্রাপ্য গজনী দান ক'রতে পার না—তোমার নিজস্ব যা, তাই ইচ্ছা ক'রলে তুমি তাকে দিতে পারতে ।

বাগ্না । সেই কাৰাগারে যদি আমার মৃত্যু হ'ত, তা হ'লে বোধ হয় আপনার গজনী জয় সম্পূর্ণ হ'ত না । সুলতান কঠোর এই উপকারের জন্ত আপনারও তাঁকে পুরস্কৃত করা কর্তব্য ।

মান । আমার কি কর্তব্য, কি অকর্তব্য তা আমি বেশ জানি ।

দুর্জন ও করিম । নিশ্চয়

মান । সে বিষয়ে তোমার উপদেশের কোন প্রয়োজন নেই—

দুর্জন ও করিম । কিছু না ।

মান । তার উপর সে তোমার প্রাণ রক্ষা করেছে বলে, যে আমার তাকে গজনী ছেড়ে দিতে হবে এমন কোন কথা নেই ।

দুর্জন ও করিম । নিশ্চয় না—

মান । সুলতান কঠাকে কয়েক সহস্র মুদ্রা দিয়ে আমি পুরস্কৃত ক'রতে পারতাম, তার জন্ত গজনীদানের প্রয়োজন হ'ত না ।

দুর্জন । (জনান্তিকে) মহারাজ ভিতরে ভিতরে কিছু ডান হাত বাঁ হাত আছে ।

মান । (জনান্তিকে) :বুঝতে পেরেছি । (প্রকাশে) লুণ্ঠিত দ্রব্য কোথায় ?

বাগ্না । লুণ্ঠিত দ্রব্য !

মান । গজনী লুণ্ঠন করে যে সকল দ্রব্য পেয়েছ তা কোথায় ?

বাগ্না । আমি গজনীর তৃণগাছটীও স্পর্শ করিনি ।

দুর্জন । (জনান্তিকে) শুনলেন মহারাজ !

মান । কেন ?

বাগ্না । বিজিত রাজ্য লুণ্ঠন করা আমি পশুত্বের পরিচায়ক মনে করি ।

মান । বটে ! তাই—গজনী জয় করেছ—এই ধারণাটুকু নিয়ে চিত্তোরে ফিরে এসেছ ।

বাগ্না । আপনার অনুমান সত্য ।

করিম । মহারাজ ! সুলতান-কন্যা খুব সুন্দরী । এমন রূপ দুনিয়ান্ন
নেই বলে চলে । ঠিক যেন আসমানের ছরী । সাথে কি ইয়াজিদ
সাহেবের মাথা ঘুরে গিয়েছিল—

হুর্জন । তার উপর, সামন্তমহাশয় ত বছদিন তাঁর সঙ্গে এক বাটীতে
এবং এক শিবিরে বাস করেছেন ।

বাগ্না । চিতোররাজ—আমার অপরাধ হ'য়ে থাকে, দণ্ড দিন । কিন্তু
এই অর্কাচীন মোসাহেবদের স্ত্রু হ'তে আদেশ দিন ।

মান । কেন ? এয়াত কোন অত্যায কথা বলেনি । আমার রাজ্যে
সত্য বলতে কারও বাধা নেই ।

বাগ্না । উত্তম ।

মান । সেই কুলটার রূপে মুগ্ধ হ'য়ে তুমি আমার নিকট বিশ্বাসঘাতকতা
ক'রেছ—

বাগ্না । চিতোররাজ ! আপনি সুরা পান ক'রেছেন । প্রকৃষ্টি
হ'ন । সময়ান্তরে দেখা হবে (প্রস্থানোত্ত)

মান । দাঁড়াও—আমার অনুমতি না নিয়ে কোথায় যাচ্ছ ?

বাগ্না । আদেশ করুন—

মান । সেলিমের কন্যা তোমার সহিত এসেছে ?

বাগ্না । হাঁ ।

মান । কেন ? গজনী ত্যাগ ক'রে তোমার সঙ্গে এসেছে কেন ?

(হুর্জন মানসিংহের কানে কানে কি বলিল)

মান । (জনাস্তিকে) তাইত ! বাহবা হুর্জন—বাহবা বুদ্ধি । কথাটা
আমার মাথায় খেলেনি (প্রকাশ্যে) বাগ্নারাও—

বাগ্না । আজ্ঞা করুন—

মান । সেলিমের কন্যাকে এখনই হাজির কর । করিম—লেয়াও—

করিম । হুজুর—(মগদান ও মগুপান)

মান । কি দাঁড়িয়ে রইলে যে ? যাও—সত্বর সেলিমের কন্যাকে আমার এখানে নিয়ে এস—যাও—কি ?

বাপ্পা । চিতোররাজ ! সুলতান-কন্যার সম্বন্ধে সংযত ভাবে কথা বলবেন ।

মান । কেন ? কাকে ভয় ?

বাপ্পা । সুলতান কন্যা আমার পরিণীতা স্ত্রী ।

হুজুর্জন ও করিম । হোঃ হোঃ হোঃ (হাস্ত) ।

মান । তোমার পরিণীতা স্ত্রী—! কোন্ শাস্ত্র মতে তুমি বধনীকে বিবাহ করেছ ?

বাপ্পা । হিন্দুশাস্ত্র মতে ।

মান । এত রাক্ষস-বিবাহ ।

বাপ্পা । তবু বিবাহ ।

মান । বটে ! এই জগুই বুঝি সেলিমের কন্যাকে গজনী দান করেছে, অর্থাৎ প্রকারান্তরে তুমি গজনী জয় করেছ বলে, তুমি গজনী সিংহাসনে বসতে চাও । বিশ্বাসঘাতক—রাজদ্রোহী ! কে আছিস ?

পাঁচজন সশস্ত্র সৈনিকের প্রবেশ ।

বন্দী কর—(সৈনিকগণ অগ্রসর হইল দেখিয়া বাপ্পা তরবারি নিষ্কাশিত করিলেন)

বাপ্পা । খবরদার—চিতোর রাজ, এখনও আদেশ প্রত্যাহার করুন । আপনি স্বপ্নেও মনে ক'রবেন না, যে শূগাল সিংহের অঙ্গে হস্তক্ষেপ ক'রতে পারবে—এখনও আদেশ প্রত্যাহার করুন ।

মান । বন্দী কর—বিশ্বাসঘাতকের আবার রক্তচক্ষু—বন্দী কর ।

(সৈনিকগণ অগ্রসর হইল)

বাঘা । চিতোররাজ—তা হলে আমার অপরাধ নেই—

(তুরী ধ্বনি ।)

(বালীয় ও কয়েক জন ভীল সৈন্তের প্রবেশ, তাহারা সৈন্তগণকে
আক্রমণ করিতে গেল ।)

বাঘা । (ইঙ্গিতে তাহাদের নিরস্ত করিয়া) বুঝে কাজ ক'রবেন
মহারাজ ।

মান । ষড়যন্ত্র—ষড়যন্ত্র ।

বাঘা । চিতোররাজ ! আপনি ভ্রান্ত । বাঘারাও যদি ষড়যন্ত্র ক'রত,
তবে সে বহুদিন পূর্বে চিতোরের সিংহাসন সুলতানের নিকট বিক্রয় ক'রতে
পারত । বাঘারাও যদি অকৃতজ্ঞ হত, তবে আপনার মত বিলাসরত
মত্তপায়ীর হাত থেকে রাজদণ্ড কেড়ে নেওয়া তার পক্ষে বড় কঠিন
হ'ত না ।

(বালীয় ও সৈন্তগণ সহ প্রস্থানোত্ত)

মান । তাইত—সুরায় মনুষ্যত্ব একেবারে নষ্ট করে দেয় । এ আমি
কি করছি ? সৈন্তগণ—যাও এখান থেকে । দুর্জন, করিম, তোমরা
এদের নিয়ে এ স্থান ত্যাগ কর ! [সৈন্তগণের প্রস্থান ।

দুর্জন । মহারাজ—

করিম । জনাবালি—

মান । আমার আদেশ তোমরা শুনতে পাওনি ?

[দুর্জন, করিম ও নর্তকীদের প্রস্থান ।

বাঘা, প্রাণাধিক আমার—আমায় ক্ষমা কর । আমি এতক্ষণ অজ্ঞান
ছিলাম । নইলে, এতদিন পরে ভীষণ বিপদসঙ্কুল যুদ্ধক্ষেত্র হ'তে তুমি
পরাক্রমশালী অরাতিকে পরাস্ত করে ঘরের ছেলে ঘরে ফিরে এসেছ—
কোথায় তোমাকে দেখে আমার প্রাণ আহ্লাদে নেচে উঠবে,—আনন্দে
তোমায় বুকে ধ'রব, তা না করে তোমায় বন্দী ক'রতে যাচ্ছিলেম ! ওঃ—

সুরায় আমায় পশু ক'রে দিয়েছে । বল বাপ—আমায় ক্ষমা করেছ—
তোমার ক্রোধশান্তি হয়েছে ।

বাপ্পা । মাতুল আপনি কিসের ক্ষমা চাইছেন ? আপনার পদাঘাত ও
যে আমার পক্ষে আশীর্বাদ ।

মান । যাও বাপ—বিশ্রাম করগে' । তুমি পথশ্রান্ত—ওঃ, সুরায়
প্রাণকে একেবারে প্যাণ করে দেয়—মায়া, দয়া দূর করে দেয়—না—ও
গরল আর স্পর্শ ক'র্ব না । যাও বাপ্পা—

বাপ্পা । যে আজ্ঞা । [প্রস্থান ।

মান । না । এ বিষপাদপকে আর বন্ধিত হ'তে দিতে পারি না । প্রবল
প্রতিদ্বন্দী । বাপ্পারাও জীবিত থাকলে, আমার সিংহাসন নিষ্কণ্টক নয় ।
এ কণ্টক দূর ক'রতেই হবে—যে ভাবে হয় । করিম—

(করিমের “হুজুর” বলিয়া প্রবেশ) দাও (করিমের মণ্ডান) দুর্জন
কোথায় ? (দুর্জনের প্রবেশ) দুর্জন, বুঝতে পেরেছ, যে আর অগ্রসর
হতে দেওয়া কর্তব্য নয় । চল, মঙ্গলা কক্ষে যাই । [প্রস্থান ।

দ্বিতীয় দৃশ্য ।

শয়ন-কক্ষ ।

বাপ্পা ও মায়া ।

বাপ্পা । আবার যে ফিরে এসে তোমায় বুকে ধরতে পারব, সে আশা
ছিল না ।

মায়া । নোশেরার কাছে আমি কত ভাবে খণী । যেদিন সেলিমের
অত্যাচারে, ভয়ে ভীতা হ'য়ে আত্মহত্যা ক'রতে গিয়েছিলেম, সে দিন সেই
দেবীই আমাকে মহাপাতক থেকে রক্ষা করে ভগবানকে ডাকতে শিখিয়ে

দেন ; তাই আজ আমি তোমার দাসী—ইন্দ্রাণীর চেয়ে সুখী । আর, আজ তাঁরই রূপায় আমার ইহকাল পরকালের সর্বস্ব, আমার জীবন-তমসার পূর্ণচন্দ্র, তোমাকে ফিরে পেয়েছি ! নাথ ! কি করে তাঁর এ ঋণ পরিশোধ ক'রব ?

বাগ্না । নোশেরা আমাকে এ ঋণ পরিশোধের উপায় বলে দিয়েছে—
কিন্তু—

মায়া । কিন্তু কি প্রভু ?

বাগ্না । সুদে আসলে তার দাবী অনেক—তুমি কি অত দিয়ে উঠতে পারবে ?

মায়া । তুমি যার স্বামী, তার পক্ষে অসম্ভব কি আছে ? বল, সে কি চায় ?

বাগ্না । যদি বলি, সে আমায় চায় ।

মায়া । তাতে আমি বিন্দুমাত্রও আশ্চর্য্য হব না, বরং ব'লব তার চোখ দুটী অতি সুন্দর । নাথ ! এ সংসারে আমার মত সুখী কে ? আমার স্বামীর রূপগুণ দেখে আজ জগতের সমস্ত নারী আমার সৌভাগ্যে হিংসা ক'রছে ।

বাগ্না । ওঃ—ভারি সৌভাগ্য তোমার ! তাদের ত অগ্র কাজ নেই, তোমার এই রাখাল স্বামীর হিংসা ক'রছে ।

মায়া । না—হিংসা ক'রছে না—তুমি সকলের প্রাণের মধ্যে যেয়ে উঁকি মেরে দেখে এসেছ কিনা ?

বাগ্না । তা হ'লে কিন্তু ঝগড়া বাধল—

মায়া । তা বাধুক না ।

বাগ্না । ভারী এক রাখাল—গরু চরিয়ে বেড়ায় !

মায়া । কি ! যত বড় মুখ নয় তত বড় কথা ! আমার স্বামী গরু চরিয়ে বেড়ায়—আমার স্বামী রাখাল ! তা বেশ, আমার স্বামী রাখাল হ'ক আর হ'ক সে আমার স্বামী—আমার দেবতা—তাতে আর কার কি ?

বাপ্পা । রাখালের প্রেয়সী যে বড় লম্বা লম্বা কথা বলছে !

মায়া । বলব না কেন ? আমার স্বামী রাখাল—সে ত আমার গৌরব ।
ভারতের অদ্বিতীয় বীর—অদ্বিতীয় পণ্ডিত—স্বয়ং ভগবান শ্রীকৃষ্ণ, তিনিও
রাখাল ছিলেন—বৃন্দাবনে মাঠে মাঠে গরু চরিয়ে বেড়াতেন ।

বাপ্পা । তা হ'লে তুমি আমার শ্রীরাধা ।

মায়া । আমি তোমার শ্রীরাধা কিনা তা জানি না, তবে তুমি আমার—
তুমি আমার—

বাপ্পা । বল, বল মায়া, বলতে বলতে থামলে কেন ?—বল, বল, আমি
তোমার কে ?

মায়া । না—বলব না ।

বাপ্পা । তা হ'লে আমি রাগ ক'রব ।

মায়া । রাগ ক'রবে ? তবে বল্চি । তুমি আমার ধর্ম, তুমি আমার
মোক্ষ, তুমি আমার তীর্থ, তুমি আমার ইষ্টদেবতা ; তুমি আমার ইহকাল,
তুমি আমার পরকাল, তুমি আমার সর্বস্ব । স্বামিন্, ~~স্বামিন্~~—বল, যে
স্নেহে এক দিন ধূলি থেকে আমায় বুক ~~তুলে~~ নিয়েছ—সে স্নেহ অটুট
থাকবে । এমনি ভালবাসা চিরকাল থাকবে ?

পরিচারিকার প্রবেশ ।

বাপ্পা । কে ? ও,—তা—হাতে কি ?

পরি । আপনার জন্ম মহারাজ এই মিষ্টান্ন পাঠিয়েছেন ।

বাপ্পা । মিষ্টান্ন ! এদিকে নিয়ে এস ।

পরি । আর এই পত্র ।

মায়া । ঐখানে রাখ । পত্র দাও ।

[পরিচারিকার তথাকরণ ও প্রস্থান ।

এর অর্থ কি ?

বাপ্পা । মেহের নিদর্শন বা মনস্কষ্টের উপকরণ, যা ইচ্ছা বলতে পার ;
পত্র পড়—তা হ'লে বুঝতে পারবে ।

মায়া । (পত্র পাঠ) “প্রাণাধিক বাপ্পা, তুমি আজ চিতোরের যে
উপকার করিয়াছ, তাহার জন্ত আমরা সকলে তোমার নিকট চিরকৃতজ্ঞ
রহিলাম । আমাকে ক্ষমা করিও এবং সেই ক্ষমার নিদর্শন স্বরূপ তোমার ও
বধুমাতাদ্বয়ের জন্ত যে মিষ্টান্ন পাঠাইতেছি তাহা গ্রহণ করিও । আশীর্ব্বাদক
তোমার মাতুল” । হাঃ—হাঃ—হাঃ—মামার বয়স ৭২ বছরের উপর হয়ে
গেছে বোধ হয় !

বাপ্পা । কেন ?

মায়া । তাঁর ত বধুমাতার মধ্যে সবেধন নীলমণি এক আমি, তা
লিখেচেন বধুমাতাদ্বয় । না, তুমি আবার বিয়ে করেছ !

বাপ্পা । যদি বলি মামার ভুল নয়, আমিই আবার বিয়ে করেছি ।

মায়া । তাহ'লে পা ছড়িয়ে দিয়ে আমি কান্না শুরু করি ।

বাপ্পা । মায়া ! ঠাট্টা নয়—আমি আবার বিবাহ করেছি ।

মায়া । বেশ করেছ । জয় মা ভবানী—আজ আমার বড় আনন্দের
দিন । বল, বল নাথ, কাকে বিয়ে করেছ ?

বাপ্পা । মায়া !

মায়া । স্বামিন্ !

বাপ্পা । তুমি যে আমায় অবাক ক'রলে ! সপত্নীর সংবাদে কোথায়
তুমি ছুঃখিত হবে, তা না, এই নিষ্ঠুর সংবাদে—আমার এই মর্মান্বিত
অত্যাচারের কথা শুনে তুমি আনন্দিতা হচ্ছ !

মায়া । কেন হবনা প্রভু ! আজ আমি দোসর পেয়েছি—আজ
আমি বোন পেয়েছি । আজ দুই বোনে প্রাণ ভরে তোমার সেবা করে
তোমায় সুখী ক'রব । আমি জানিনা কি করে তোমায় আদর ক'রব—
~~কি করে তোমায় সোহাগ ক'রব~~—কি কথা বলে তোমায় সন্তুষ্ট ক'রব, তাই

অনেক সময় আমার ভয় হয়, বোধ হয় আমার সেবায় তুমি সম্পূর্ণরূপে সুখী হও না । কত ক্রটি হয় ।

বাপ্পা । কিন্তু সপত্নী যে স্বামীর ভাগ নেবে, তাতে দুঃখ হবে না ?

মায়া । কিসের দুঃখ নাথ ! একই সময়ে, সহস্র সহস্র ভক্ত একই দেবতার পূজা করে । দেবতার পূজায় আবার ভাগ কি ?

বাপ্পা । সপত্নীর সঙ্গে যদি ঝগড়া বাধে ?

মায়া । কেন ঝগড়া বাধবে ? গঙ্গা আর যমুনা যেমন পরস্পরের গলা ধরে, একপ্রাণ একদেহ হয়ে, প্রেমে মেতে আনন্দোচ্ছ্বাসে নাচতে নাচতে, উভয়েরই চিরঈশ্বিত সেই সাগরের দিকে—উদ্দাম আরেগে ছুটে গিয়েছে— আমরা দুই বোনও পরস্পরের গলা ধরে, তেমনই তোমার চরণ লক্ষ্য করে কর্তব্যের পরপারে চলে যাব ।

বাপ্পা । মায়া, তুমি দেবী—না মানবী ? আকাশের মত উদার তোমার হৃদয়—মহত্বের সর্বোচ্চশিখরে দাঁড়িয়ে—কি স্বর্গীয় সুসমায় পরিপূর্ণ !

মায়া । নাও, তোমার কবিত্ব রাখ । তুমি শ্রান্ত—কিছু খাবে এস ।

বাপ্পা । মাতুলের প্রেরিত স্নেহের উপহারও উপস্থিত ।

তৃতীয় দৃশ্য ।

কক্ষ ।

মানসিংহ ও দুর্জনের প্রবেশ ।

মান । তাইত দুর্জন—আমাদের এ যড়যন্ত্রও ত ব্যর্থ হ'ল ।

দুর্জন । কি আর ক'রব মহারাজ ? কাজত' এগিয়ে এনেছিলাম, কোথা থেকে সেই ভীলব্যাটা এসে হাজির হ'ল, আর কি গাছের দু'ফোঁটা

রস দিয়ে সব মাটি করে দিল। যত নষ্টের গোড়া হচ্ছে সেই ভীলছুঁড়ী আর ভীলছোঁড়া।

মান। তা'ত দেখতে পাচ্ছি। শুনলেম সেই ছুঁড়ী নাকি সেই ভীল ছোঁড়াকে ডেকে নিয়ে এসে কি একটা গাছের রস খাইয়ে বাঁচায়।

দুর্জন। মহারাজ ছুঁড়ীটে মন্দ না—একবার দেখ্ব কি ?

মান। না দুর্জন। বাগ্নার একটা কিছু না করা পর্যন্ত আর কিছু না। তুমি বুঝতে পারহনা—বাগ্না জীবিত থাকলে আমার সিংহাসনের ভিত্তি শূন্যে। যে কোন মুহূর্তে ভেঙ্গে মাটিতে গড়াতে পারে।

দুর্জন। তা হলে এখন কি ক'র্ব আদেশ করুন।

মান। তারা কি আমাদের সন্দেহ ক'রেছে ?

দুর্জন। ভীলছোঁড়া আর ভীলছুঁড়ী সব বুঝতে পেরেছে, কিন্তু কিছু প্রকাশ করে নি! আপনার ভাগিনেয় মনে করেছেন, যে যুদ্ধক্ষেত্রে কঠিন পরিশ্রম করেছিলেন—তাই অবসাদ হেতু ঐ ব্যাধি।

মান। আর বাগ্নার স্ত্রী ?

দুর্জন। তিনি আপনার ভাগিনেয় সেরে উঠেছেন দেখে, আনন্দে সব ভুলে গিয়েছেন।

মান। তবু কতক। দুর্জন, আমি আর এক কৌশল মনে মনে স্থির করেছি। বাগ্না রাজপ্রাসাদের এক অংশে বাস ক'রছে। আজ রাত্রেই যা হয় একটা করতে হবে। এ কথা বেশীদিন গোপন থাকবে না। যদি কোন ক্রমে বাগ্না ঘুণাক্ষুরেও জানতে পারে, যে আমার দ্বারা এই সব কার্য্য হয়েছে, তা হ'লে সে সেই দিনই একটা বোঝাপড়া ক'রবে। আমি সে স্কুযোগ দিতে চাই না। দুর্জন, তোমাকে বোধ হয় বিশ্বাস ক'রতে পারি ?

দুর্জন। মহারাজ, আমি ত আপনার জুতোর ধুলো।

মান। এক কাজ ক'রতে হবে—(কানে কানে বলিলেন) পারবে ?

দুর্জন। হুজুর, আমি ত আজীবন স্ত্রীমহলেই কাটিয়েছি, কোন দিন এ

হাতে তলোয়ার ওঠেনি । আমি কি তা পারব ? তলোয়ারের কোন্ দিকে
যে ধার তাওত আমি জানি না—ও সব কাজে সমান সমান দরকার ।

মান । আচ্ছা তাই হবে ।

তুর্জন । মহারাজ এখন একটু আধটু মিহি রকমের—

মান । কিছু না । মস্তকের উপর কেশাবলম্বিত তরবারি । [প্রস্থান ।

তুর্জন । মহারাজকে বড় বিচলিত দেখা যাচ্ছে । তা হবারই কথা ।
কিন্তু এখন আমি কি করি ? রাজার সঙ্গে সঙ্গে যুরে শেষে যে আমাকেও
ঘোড়া রোগে ধ'রল । প্রাণটা যে সেই ভীল-ছুঁড়ীর জন্তু পাগল হয়ে উঠেছে ।
তাকে না পেলে যেন জীবনটা অসহ্য বলে বোধ হচ্ছে । ছুঁড়ীকে বলব
একবার ? ক্ষতি কি ? রাজী হতেও পারে ।

চতুর্থ দৃশ্য ।

শয়ন-কক্ষ । অন্ধকার ।

বাগ্না নিদ্রিত ।

অতি সন্তর্পণে ছদ্মবেশে মানসিংহের প্রবেশ ।

মান । কিসের স্নেহ ? বাগ্না আমার কে ? দূর সম্পর্কীয় ভাগিনেয়
মাত্র ! তার উপর স্নেহপরবশ হ'য়ে আমি চিতোর সিংহাসন হারাতে পারি
না । এ বিষপাদপকে আর বন্ধিত হ'তে দিতে পারি না । কে জানে যে
একদিন এই বৃক্ষ উত্তরোত্তর বন্ধিত হ'য়ে, শাখ-প্রশাখা বিস্তার ক'রে,
আমার সিংহাসনের ভিত্তি শিথিল ক'রে দেবে না । নিষ্কণ্টক হব । আর
বিলম্ব ক'রব না । অকাতরে নিদ্রা যাচ্ছে—বাগ্নারাও ! সেদিন তোমার
ভীলবন্ধু তোমার জীবন রক্ষা করেছিল, আজ দেখব কে তোমাকে রক্ষা
করে—(অস্ত্রাঘাত)

বাঙ্গা। ওঃ—কে ?

বালীয়ের প্রবেশ।

বালীয়। হোঃ হোঃ হোঃ হোঃ— (উচ্ছ্বাস)

(পরে বলিল) বাঙ্গার সে ভীল নোকর হাজির আছে।

বাঙ্গা। (উঠিয়া) কে আমার শয়নকক্ষে—কে ? উত্তর দাও—

বালীয়। বাঙ্গা ! হামি আছে আর এক আদমি আছে—

বাঙ্গা। কে তুমি ? আর কি জন্তু আমার শয়নকক্ষে প্রবেশ করেছে ?
একি ? তরবারি ! তুমি কি আমাকে হত্যা কর্তে এসেছিলে ? মূর্খ !
জান না, যে গুরুর আশীর্বাদে আমার অঙ্গ সর্ব্বঅস্ত্রের অভেদ ?

মান। আশ্চর্য্য !

বাঙ্গা। কণ্ঠস্বর যেন পরিচিত বলে বোধ হচ্ছে। কে তুমি ?

বালীয়। আরে তাইত রে—তু রাজা আছিস্। ভীলের চোখ বড়
কড়া আছে।

বাঙ্গা। সে কি ? ছদ্মবেশে আমার মাতুল—চিতোররাজ মানসিংহ—
আমার শয়নকক্ষে—আমাকে হত্যা কর্তবার জন্তু !—একি স্বপ্ন না সত্য !
একি সম্ভব !

বালীয়। আরে রাজা তু কি মানুষ না দানা আছিস্—তোর
ভাগিনাকে মারতে বিষ মিশানো সন্দেশ দিবেচিস্—আজ তার জান লিতে
আসিয়েচিস্। তু কি ভদ্র আছিস্ ?

বাঙ্গা। বিষমিশ্রিত সন্দেশ ! বল কি বালীয় !

বালীয় ! তোর মামাকে পুছ্ কর্।

বাঙ্গা। মাতুল, একি সত্য ? উত্তর দিন—অধোমুখে রইলেন !
তবে কি সত্য ! মাতুল !—ছিঃ, ছিঃ, ছিঃ—এই কি চিতোর-রাজের
কৃতজ্ঞতা ?—আপনার সিংহাসন রক্ষা কর্তবার জন্য আমি কি না করেছি !

আর আজ আমি—আপনার ভাগিনেয়—আপনার স্নেহের পাত্র—আমাকে হত্যা ক'রবার জন্য—না—এ অসম্ভব, আমি নিশ্চয় স্বপ্ন দেখছি। মাতুল! মাতুল! বলুন, এ স্বপ্ন—বলুন, বালীয় যা' বলেছে সব মিথ্যা। সত্য হ'লেও, অন্ততঃ একবার মিথ্যা কথা বলুন। আমি ত আপনার কোন অপকার করিনি—অপকার করা দূরে থাক, সে চিন্তাও ত একবার আমার মনে আসেনি। কেন এ কাজ ক'রলেন? আমার উপর যদি অসম্ভব হয়েছিলেন, আমাকে কেন স্পষ্ট বললেন না, আমি আপনার রাজ্য জন্মের মত পরিত্যাগ করে যেতেম।

বালীয়। রাজা, তফাৎ দেখিয়ে লে।

বাপ্পা। বালীয়! এ জন্যই বুঝি তুমি এক সপ্তাহ আমার শয়নকক্ষে রজনীতে পাহারা দেবার অনুতি চেয়েছিলে। তোমার ঋণ এ জীবনে পরিশোধ হবে না ভাই।

মান। বাপ্পা—এখন আমাকে কি ক'রবে?

বালীয়। দুঃমন, তোকে আমি এই বর্ষায় গাঁথিয়ে লেবে—

(আক্রমনোত্ত ও বাপ্পার বাধা প্রদান)

বাপ্পা। ক্ষান্ত হও বালীয়। চিতোররাজ, অন্য কেউ যদি হত্যা ক'রবার জন্য আমাকে বিষাক্ত আহাৰ্য্য উপহার দিত বা রজনীতে তক্ষরের মত খড়গহস্তে আমার শয়ন-কক্ষে প্রবেশ ক'রে আমার শরীরে খড়গাঘাত ক'রত, তবে আমি নিজহস্তে তার মস্তক স্কন্ধচ্যুত ক'রতেম! কিন্তু আপনার সম্বন্ধে আমার বিধান অন্যরূপ। কারণ, আমি আপনার নিকট ঋণী! বিপদে আপনার নিকট আশ্রয় পেয়েছিলেম। কিন্তু আজ আমি আপনার প্রাণ দান করে সেই ঋণ পরিশোধ ক'রলেম, স্মরণ রাখবেন। আপনার সমস্ত উপকারের কথা বাপ্পারাওয়ার স্মৃতিপটে থেকে চিরজীবনের জন্য লুপ্ত হ'য়ে গেল। আজ যে ঋণবাধ্য কৃতজ্ঞ বাপ্পাকে দেখছেন, কাল প্রত্যুষে তার অন্যমূর্তি দেখবেন! আপনি মুক্ত—যান আপনার সিংহাসন

রক্ষার আয়োজন করুন গে' । [মানসিংহের প্রশ্নান ।

বালীয়, তোমার ভীলসৈন্যদের প্রস্তুত হ'তে আদেশ দাওগে' ।

বালীয় । রাজপুত ?

বাগ্না । তারা মহারাজ মানসিংহের সৈন্য । তাদের সাহায্য গ্রহণ করবার আমার কোন অধিকার নেই । হাঁ, আর এক কথা, সুলতান-কন্যার যে সকল অনুচর তার সঙ্গে এসেছে, তাদেরও সজ্জিত হ'তে আদেশ দাও ।
উষার উদয়ের যেটুকু বিলম্ব । যাও । [বালীয়ের প্রশ্নান ।

বাগ্না । একলিঙ্গদেব, মহর্ষি হারীত, গুরু গোরক্ষনাথ, তোমাদের চরণ স্মরণ ক'রে আজ আমি এক নব অভিযানে প্রবৃত্ত হ'তে যাচ্ছি । তোমাদের আশীর্বাদের অক্ষয় কবচে আমাকে রক্ষা কর । কোন পথে চলেছি ? এই কি ঠিক পথ ? নিশ্চয় । আমার কি অপরাধে মাতুল পুনঃ পুনঃ আমাকে হত্যা ক'রবার ষড়যন্ত্র ক'রছেন ? মা ভবানী জানেন, আমি কোন দিন স্বপ্নেও তাঁর কোন অনিষ্টের চিন্তা মনে করিনি । তবু তিনি আমার আহাৰ্য্যে বিষ মিশিয়ে দিয়েছেন, তস্করের মত খড়গহস্তে আমার শয়নকক্ষে প্রবেশ করে আমার শরীরে খড়গঘাত করেছেন । না—এ অন্যায়ের প্রতিশোধ নেব । এতে যদি নরকগামী হতে হয়—আমি আজন্ম নরক বাস ক'রব—তাও স্বীকার—তবু এর প্রতিশোধ নেব ।

(প্রশ্নানোত্তর)

মায়ার প্রবেশ ।

মায়া । নাথ !

বাগ্না । কে ? মায়া ! তুমি শোওনি বে ?

মায়া । তুমি জেগে ত্রুশ্চিন্তায় পীড়িত হচ্চ—আমার চ'খে ঘুম আসবে কেমন ?

বাগ্না । মায়া, তুমি কে ?

মায়া । তোমার দাসী ।

বাপ্পা । এত সুন্দর তুমি—বাহিরের চেয়ে ভিতর আরও সুন্দর !

মায়া ! তোমার মত জীবনসঙ্গিনী যার, —তার চেয়ে সংসারের সুখী কে !

মায়া । তোমার মত স্বামী যার—সেই । কোথায় যাচ্ছিলে ?

বাপ্পা । মায়া আমি প্রত্যুষে চিতোররাজকে আক্রমণ ক'রব ।

মায়া । তা আমি জানি—আমি সমস্ত শুনেছি ।

বাপ্পা । তাই সৈন্য সজ্জিত করতে যাচ্ছিলেম ।

মায়া । এখনও ত রাত শেষ হয়নি—শোবে চল ।

বাপ্পা । উত্তেজিত মস্তিষ্কে নিদ্রাদেবীর কুপালাভের সম্ভাবনা অসি-
অসম্ভব ।

মায়া । কে তোমাকে এ কথা বলেছে ? আমি পাশে ব'সলে নিদ্রাদেবী
তোমার ক্রীতদাসী—এস । (হাত ধরিলেন)

বাপ্পা । তুমি সত্যই মায়া !

সপ্তম দৃশ্য ।

চিতোর—রাজপথ ।

(দুই জন নাগরিক গল্প করিতে করিতে প্রবেশ করিল)

১ম না । আরে বল কি ! শেষে মহারাজ মানসিংহ আত্মহত্যা
ক'রলেন !

২য় না । তা আর ক'রবেন না । লজ্জা, ঘৃণা, আত্মশ্রমিত্তে
মস্তিষ্কের বিকার উপস্থিত হয় । সেই রাত্রেই তিনি তাঁর শয়নকক্ষে
আত্মহত্যা করেন । প্রত্যুষে বাপ্পারাও সদলবলে তাঁর গৃহ আক্রমণ করেন ।
গিয়ে দেখেন মহারাজের বৃকে তখনও তরবারিখানা বিঁধে আছে । ঘরে

রক্তের কস্মনাশা বয়ে যাচ্ছে। বাঙ্গারাত অনেক চেষ্টা ক'রলেন—কিন্তু মরামানুষ কি আর বাঁচে।

১ম না। রাজা রাজড়ার কাজই আলাদা ভাই। আমাদের ও সব শুনতেই কেমন বাধ বাধ ঠেকে। না হয় দূর সম্পর্কই হ'ল, তবু ভাগ্নেত! তার উপর সে যে-সে লোক না—রাজপুত্র জাতীর একটা গৌরব! যার তরবাবির আঘাতে গিরি চূর্ণ হয়েছে—গুরুর আশীর্বাদে যার শরীর অস্ত্রের অভেদ্য—এমন আদরের ধন, এমন শ্লাঘার পাত্র, তাকে কিনা বিষাক্ত আহাৰ দিয়ে, গুপ্তচুরিকার সাহায্যে হত্যা ক'রবার চেষ্টা! আরে রাম! আমার ক্ষমতা থাকলে ওকে সমাজচ্যুত ক'রতেম।

২য় না। ও কথা আর ব'ল না ভাই। শেষকালে মানসিংহের ভীমরতি ধ'রেছিল। আর একটা মুসলমান, রাজাকে কি এক সরাব খাইয়ে রাজার মাথা খারাপ করে দেয়। মতিচ্ছন্ন না হ'লে কি এসব মানুষে পারে? আচ্ছা ব'লতে পার—মানসিংহ কোন্ জাতীয় মামা?

১ম না। কোন্ জাতীয় কি রকম?

২য় না। কেন? রামায়ণ-মহাভারত ত তিন জাতীয় মামার বিবরণ পাওয়া যায়—যথা, কালনেমী, কীচক আর শকুনি। এখন মানসিংহ এর কোন শ্রেণীর মধ্যে পড়লেন?

১ম না। তা যদি বল, তা হ'লে মানসিংহ কালনেমী জাতীয়।

২য় না। যা বলেছ—ঠিক কালনেমা—নইলে মন্দোদরীকে নিয়ে ভাগাভাগি করে।

১ম না। যা বল, মানসিংহ কিন্তু শেষটা বড় বুদ্ধির কাজ ক'রেছেন—

২য় না। কি রকম?

১ম না। আত্মহত্যা করা। এর চেয়ে ভাল পথ আর কি ছিল? তা হ'লে এখন আমাদের নূতন রাজা হবেন কে?

২য় না। বীরবর বাঙ্গারাত। কেন ভ্রাম জান না? কাল যে তাঁর

অভিষেক । ঐ দেখ দলে দলে সব নগরবাসীগণ পতাকা হস্তে আনন্দ-
উৎসবে যোগ দিয়েছে । এস আমরাও যোগ দিই ।

১ম না । চল—চল ।

[প্রস্থান ।

ষষ্ঠ দৃশ্য ।

দরবার ।

শূণ্ড সিংহাসন ।

(ব্রাহ্মণগণ, সভাসদগণ, সামন্তগণ, বাপ্পা, দেব, বালীয়, নায়ী ও পুরস্কীগণ)

১ম ব্রাহ্মণ । বাপ্পারাও, আপনি নিজবাহুবলে প্রবল পরাক্রান্ত
সুলতানকে পরাজিত করে চিত্তোরে শান্তি ও সমৃদ্ধি প্রতিষ্ঠা করেছেন ।
রাজপুতজাতি আজ আপনার নামে গৌরবান্বিত । আপনি এ সিংহাসন
অলঙ্কৃত করে আমাদের সন্তুষ্ট করুন ।

১ম সভা । আমাদের স্বাধীনতা আজ থেকে আপনার পদতলে
আমরা আপনাকে চিত্তোররাজ বলে অভিবাদন করছি ।

বাপ্পা । পরম পূজনীয় বিপ্রমণ্ডলী, শ্রদ্ধেয় সামন্তবর্গ ও সভাসদগণ,
এ আমার মহৎ সম্মান । তিনবৎসর পূর্বে কৈশোর ও যৌবনের সন্ধিস্থলে
দাঁড়িয়ে যেদিন এই সিংহাসনের তলে নতজান্নু হ'য়ে আশ্রয় যাচিঞা
করেছিলাম—সেদিন মুহূর্ত্তেও কল্পনা করিনি যে এই মহৎ সম্মান আমার
অদৃষ্টে সম্ভব হবে । তারপর যেদিন ইসলামীয় সৈন্য তাদের বীরহুকারে
গগনমণ্ডল পরিপূর্ণ করে নবীন রাজপুত জাতিকে গ্রাস করতে বেয়ে এসেছিল,
যেদিন মুষ্টিমেয় সৈন্য সহায় করে তাদের যুদ্ধদান করতে অগ্রসর হয়েছিলাম—
সেদিন কে জানত যে এই মহৎ সম্মান আমার অদৃষ্টে সম্ভব হবে ! কি করে
আমি এই গুরু দায়িত্বের সম্মান রক্ষা করব । আমার ভরণসামগ্রী

ভবানীর রূপা,—এই পূতচেতা বিপ্রমণ্ডলীর আশীর্বাদ আর শ্রদ্ধেয় সামন্ত
ও সভাসদবর্গের সহায়তা ।

বিপ্রগণ । সাধু, সাধু, সাধু !

সামন্তগণ । জয় বাঙ্গারাত্তের জয় !

বালীয় । রাজা, হামার একটা ভিক্ষা আছে ।

বাঙ্গা । তোমার ভিক্ষা ! বল—এখনই পূরণ ক'রব ।

বালীয় । রাজা হুকুম দে, হামি হামার রক্ত দিয়ে তোঁর কপালে রাজ-
টীকা লাগাইয়া দিবে ।

বিপ্রগণ । অসম্ভব—এ কার্য্য কুল পুরোহিতের —

বাঙ্গা । শ্রদ্ধেয় বিপ্রমণ্ডলী!—অসম্ভব হবেন না । বালীয়েঁর প্রার্থনা
পূর্ণ করা কর্তব্য কি না তা আপনাই বিচার করে দেখুন ।—এই বালীয়
একদিন আমাকে তৃষ্ণায় মুচ্ছিত দেখে বহু চেষ্টায়ও পানীয় সংগ্রহ ক'রতে
না পেরে, নিজের বুকের রক্ত দিয়ে আমার প্রাণরক্ষা ক'রতে উত্তত হয়েছিল ।
তারপর যেদিন চিতোরের ভূতপূর্ব মহারাজ মানসিংহের বিষাক্ত সন্দেশ
আহার করে আমি মৃতকল্প হয়েছিলেম, সেদিন এই বালীয় আমার প্রাণ
রক্ষা করে । বিপ্রমণ্ডলী—আমার প্রাণপ্রতিম স্নহদ্বয়—দেব ও বালীয়েঁর
বন্ধুবাৎসল্যের বিষয় বলতে হ'লে আমার জীবনের প্রত্যেক মুহূর্ত্তের
প্রত্যেক ঘটনা আপনাদের নিকট ব্যক্ত ক'রতে হয় । এখন আপনাই
বিবেচনা করে দেখুন, বালীয়েঁর এ প্রার্থনা পূর্ণ করা উচিত কিনা ।

বিপ্রগণ । নিশ্চয়—আমরা একবাক্যে অনুমতি দিচ্ছি ।

দেব । আপনাদের নিকট আমার একটা প্রার্থনা আছে । আমি
বাঙ্গার অভিষেকে রাজছত্র ধরতে চাই ।

বিপ্রগণ । আমরা অনুমতি দিচ্ছি ।

বালীয় । বাঙ্গা—রাজা—হামার জান—তু একবার সিংহাসনে মাঁকে
লইয়ে বোস । হামি পরাণ ভরিয়ে দেখিয়ে হামার কলিজা ঠাণ্ডা করি ।

বাঙ্গা । বিপ্রমণ্ডলী, আপনারা আমার প্রণাম গ্রহণ করুন ।

(এই বলিয়া বাঙ্গা সিংহাসনে উপবেশন করিলেন, বামে মায়া উপবেশন করিলেন—বালীয় অঙ্গুলী কাটিয়া রক্ত দিয়া রাজটীকা পরাইয়া দিলেন । বিপ্রগণ “স্বস্তি স্বস্তি” বলিয়া উঠিলেন, দেব ছত্র ধরিলেন ।)

বালীয় । রাজা—হামার বাপ্কে ক্ষমা কর ।

বাঙ্গা । সে কি বালীয় ! তোমার পিতা ত আমার নিকট কোন অপরাধ করেন নি ।

বালীয় । হামার বাপ তৈমু সর্দার—যে তোর বাপের জান নিয়েছিল—

বাঙ্গা । এঁা, এঁা,—সেকি ! তুমি ! তুমি—বালীয়, আমার পিতৃ-হন্তার পুত্র ! অসম্ভব—অসম্ভব !

বালীয় । হাঁ রাজা—হামি সেই আছে । সর্দার তোর বাপ্কে খেদাইয়ে তার জান লেছে, হামি তার দেনাওনা দিতে তোর নোকর হইয়েছে । তাকে ক্ষমা করিয়ে দে ! তার পরাণ কাঁদিয়ে কাঁদিয়ে বাতাসে ঢুঁড়তিছে ।

বাঙ্গা । বালীয় ! সার্থক তোমার জন্ম । তুমিই আদর্শ পুত্র । স্বপ্নেও কোন দিন মনে করিনি যে পিতৃবাতককে ক্ষমা ক’র্ব্ব । আমি তোমার পিতাকে সর্কান্তঃকরণে ক্ষমা ক’র্ব্বলেম । আর আমার এই ক্ষমার নিদর্শন স্বরূপ এই নিয়ম ক’র্ব্বছি, যে যত দিন চিতোর-সিংহাসন বাঙ্গারাগুয়ের বংশের অধিকারে থাকবে, তত দিন চিতোর-রাজ অভিষেককালে তোমার বংশধরগণের হস্তে রাজটীকায় শোভিত হবে ।

সকলে । জয় মহারাজ বাঙ্গারাগুয়ের জয় !

বাঙ্গা । আর আমার প্রিয় সূহৃদ দেবের বন্ধুবাৎসল্যে সন্তুষ্ট হ’য়ে আমি এই নিয়ম ক’র্ব্বছি যে যত দিন চিতোর-সিংহাসন আমার বংশের অধিকারে থাকবে, তত দিন চিতোর-রাজের অভিষেক কালে দেবের বংশধরগণ চিতোর-রাজের মস্তকে রাজছত্র ধারণ ক’র্ব্ববে ।

সকলে । জয়, মহারাজ বাঙ্গারাগের জয় !

সভাসদ । আজ এই শুভ অভিষেক উপলক্ষে নগর সপ্তাহ কাল আলোকিত হবে—অন্ধ আতুর ক্ষুধার্তদের অন্ন-বস্ত্র প্রদান করা হবে এবং বন্দীদের মুক্তি দেওয়া হবে ।

সকলে । জয় মহারাজ বাঙ্গারাগের জয় ! জয় চিতোরের জয় !

(পুরবাসী ও পুরবাসিনীগণের গীত ।)

(১)

তুষ্ট মহেশ ষাঁহার ধেনুর পুত্র চক্ষু করিয়ে পান,
“একলিঙ্গ দেওয়ান” উপাধি হারীৎ মহারে করিল দান,
দেব আশীষে হইল ধরায় অস্ত্রে অচ্ছেদ শরীর যার,
গুরু পদতু খড়্গে যে জন হেলায় করিল গিরি বিদার !
বীর বাপা—ধীর বাপা—বাপার সম কে আছে আর ?
ভক্তিপ্রণত মুগ্ধ হৃদয়ে গাহে বিশ্ব কীর্তি যার ॥

(২)

মুষ্টিমেঘ সৈন্য সহায়ে যে জন করিল গজনী জয়,
রাখিল চিতোর-মান-গর্ভ—শ্লেচ্ছ দর্প করিল ক্ষয়,
হিমাশ্র সম অচল অটল, নাহিক শঙ্কা হৃদয়ে যার,
কি দিয়ে তুষিব দেশভঙ্গে—ভক্তি ভিন্ন কি আছে আর !
বীর বাপা ইত্যাদি ।

(৩)

আশ্রয় মাগি দাঁড়াল যখন সন্মুখে তার শত্রুকণ্ঠা,
বক্ষে ফুটায়ে কাঁতার বেদনা—চক্ষে ছুটায়ে অশ্রু-বন্যা,
দানিল অভয় বাপা তাহারে—কোথায় শঙ্কা তাহার আর ?
হয় প্রয়োজন, দিবে প্রাণ বলি, সূচাতে দুঃখ আশ্রিতার ।
বীর বাপা ইত্যাদি ॥

(৪)

অভিষেকে তাঁর বাজাও শঙ্খ, স্বরগ-আশীষ আনুক নামি,
দানুক তাঁহারে দীর্ঘ জীবন—দানুক শান্তি জগৎস্বামী ।
দুর্জয় হ'ক শৌর্য্য তাঁহার—ভানুক সুখেতে চিতোর তাঁর,
অশ্রু বিবাদ না রহে সেথায় বাপ্পারাও অধীন ধার ।
বীর বাপ্পা—ধীর বাপ্পা—াপ্পার সম কে আছে আর ?
ভক্তিপ্রণত মুগ্ধ হৃদয়ে গাহে শিখ কীর্তি যার ॥

সপ্তম দৃশ্য ।

প্রাসাদ-সংলগ্ন উদ্যান ।

ভাবিতে ভাবিতে দেবের প্রবেশ ।

দেব । পালাও দেব, পালাও—কুঁইকিনীর দেশ থেকে যতদূর
পার পালিয়ে যাও । তোমার জীবন-শক্তি—তোমার শান্তির স্মৃতি
যে মলিন করে দিয়েছে তার কাছ থেকে যতদূর সম্ভব সরে যাও । কে
এই লছমিয়া—যার কণ্ঠস্বরে, যার ভঙ্গিমায় আমার সমস্ত জগৎকে ওলট
পালট করে দিয়েছে, যার চিন্তা আমাকে শান্তির কথা ভুলিয়ে দিয়ে
ছায়ার মত মনের সঙ্গে জড়িয়ে থেকে মনকে বিদ্রোহী করে দিয়েছে ?
এক প্রবল বাসনা অহর্নিশ মনে জেগে আমার প্রতিজ্ঞা ভঙ্গ ক'রবার
প্রয়াস পাচ্ছে । প্রাণ বড় বিশ্বঘাতক—সেও সেই আকাঙ্ক্ষার সঙ্গে এক
সুরে বলছে, 'একবার লছমিয়ার মুখ দেখ সব গোল মিটে যাবে' । কে
এই লছমিয়া ? একি সত্যই ভীল ? যদি ভীল—তবে ভীলের ঞ্চায় কথা নয়
কেন ?—নাইবা ভীল হ'ল তাতেই বা আমার কি ? আমিত স্বচক্ষে সেই
প্রাণহীন প্রিয় দেহখানি দেখেছি, স্বহস্তে কালী স্রোতে সেই স্বর্ণ প্রতিমা

বিসজ্জন দিয়েছি। তবু প্রাণ কত আশা দিচ্ছে। কিন্তু কই, এত বড় বিশ্বের মধ্যে, এত বড় অতীতের গর্ভে, এমন ঘটনা ত একটাও ঘটেনি যে আত্মীয় স্বজন পরিত্যক্ত একটা যতদেহ জীবনী-শক্তি পেয়ে নড়ে উঠেছে। চিতোর ছেড়ে যাচ্ছি—ঘটনার ঘাত প্রতিঘাতে, কার্যের উত্তেজনায় এতদিন বেশ ছিলাম। কিন্তু আবার সেই ভিতরের কোলাহল ভরা উগ্ৰমে ধ্বনিত হ'য়ে উঠেছে—উঠুক—প্রলয়ের কালাগ্নি আমায় ভস্ম করুক। আমি নীরবে সহ্য ক'রব। করুণাময় ঈশ্বর! আমার সমস্ত নিয়েছ—এখন করুণা করে আমায় নাও—আমায় মুক্তি দাও।

লছমিয়ার প্রবেশ।

লছমিয়া। (স্বগত) গভীর চিন্তায় মগ্ন—কি ভাবছেন ?

দেব। প্রাণ আর আমায় প্রলুদ্ধ করোনা। জানি না আজ কেন মনের বল কমে যাচ্ছে। তবুও—তবুও—না, এতদিন মনের সঙ্গে কঠোর সংগ্রাম করেছি—ক্ষত বিক্ষত হয়েছি—একদিনও শান্তি পাই নি। আজ মনের পরামর্শ শুনব। যাক প্রতিজ্ঞা—চিতোর ছেড়ে যাবার পূর্বে আজ একবার তাকে দেখব। দেখাব সে কে? দেখাব সে কেমন—যার কণ্ঠস্বর কর্ণে প্রবেশ ক'রলে আমি চুম্বুক-আকৃষ্ট লৌহের মত নিজের অজ্ঞাতসারে তার কাছে গিয়ে দাঁড়াই—যার কথা চিন্তা ক'রতে ক'রতে আমি শান্তির কথা বিস্মৃত হ'য়ে বিনিদ্র রজনী যাপন করি।

লছমিয়া। আপনি নাকি আজ চিতোর ত্যাগ করে যাচ্ছেন ?

দেব। কে—ওঃ! তা—হাঁ—আমি আজ যাচ্ছি। (স্বগত) অদম্য আকাঙ্ক্ষা—আর অপূর্ণ রাখবার শক্তি আমার নেই—ফিরে তাকাই—একবার দেখি।

লছমিয়া। কেন আমাদের ছেড়ে যাবেন ?

দেব। সেই আধ আধ স্বর—প্রাণে তেয়ি তরঙ্গ তুলে কাণে ঝঙ্কার

দিয়েছে—যাক্ প্রতিজ্ঞা অতল জলে—একি? কে তুমি? শান্তি, শান্তি!
(বাহু প্রসারণ করিয়া ধরিতে গেলেন; পরে আত্মসংবরণ করিয়া) কে
তুমি নারী? সত্য উত্তর দাও—সত্ত্বর বল কে তুমি?

লছমি। আমি? আমি ত লছমি।

দেব। লছমি? কিন্তু তোমার মুখে আমি আমার হারাণ শান্তির
মুখছবি দেখছি—তোমার কণ্ঠস্বরে আমি যে তারই বাঙ্কার শব্দে পাচ্ছি—
তোমার চলনে, তোমার ভঙ্গিমায় আমি যে তারই প্রতিকৃতি দেখতে পাচ্ছি
—ঠিক, ঠিক সেই রকম, বর্ণে বর্ণে মিল। আমার হৃদয়ের অতি গুপ্ততম
স্তরে, সযত্নে আমি যে মুখখানি গঁথে রেখেছি—তার সঙ্গে অক্ষরে অক্ষরে
মিলে যাচ্ছে। এত সাদৃশ্য দুইজনে! না, তা হ'তে পারেনা। অসম্ভব।
বল, বল তুমি কে? আমি আমার শান্তির জন্ত উন্মাদ—

লছমিয়া। কোন শান্তি?

দেব। আমার শান্তি। পিতৃমাতৃহীন এক বালিকা বাল্যকাল থেকে
পিতৃমাতৃহীনা এক বালিকাকে বড় ভালবাসত। যৌবনে তাদের সেই
ভালবাসা প্রণয়ে পরিণত হয়। তখন যুবক যুবতীকে বিবাহ ক'রে, তাকে
নিয়ে কালীনদীর তীরে এক কুটার বেঁধে বাস ক'রতে লাগিল।

লছমিয়া। কালীনদীর তীর—কু—টী—র। তারপর?

দেব। তাদের সম্মুখে সংসারের অস্তিত্ব লুপ্ত হ'য়ে গিয়েছিল—প্রেমে
আত্মহারা হ'য়ে তারা ভাবত, সংসারে আর কিছু নেই, শুধু তারা দুইজন।
যুবতী যুবককে প্রাণের মত ভালবাসত। আর যুবক? সে সেই যুবতীর
প্রেমে আপনার সর্বস্ব বিসর্জন দিয়েছিল। জোৎস্না-স্নান রজনীতে যখন
যুবতী নদীতীরে বসে গান ক'রত, যুবক তখন যুবতীর কোলে মাথা রেখে
প্রকৃতির পেলব শয্যায় অঙ্গ ঢেলে, যুবতীর মুখের-উপর স্থির দৃষ্টি পেতে সেই
সঙ্গীতের সুরের উপর ভেসে কোন অজানা চিরতৃপ্তির রাজ্যে চলে যেত।

লছমিয়া। বল বল—তারপর—

দেব । তাদের এ সুখ বোধ হয় ঈশ্বরের সহ হ'ল না । যুবক একদিন কোন এক তুচ্ছ কারণে যুবতীর উপর রাগ ক'রে তাকে একা কুটারে ফেলে নদীতীরে গিয়েছিল । কিন্তু সেখানে বেশীক্ষণ থাকতে পারেনি, সে যেন তার কি কুটারে ফেলে এসেছে । বায়ু সঞ্চালিত মেঘের মত ক্রোধ কোথায় ভেসে গেল—দ্রুত পদে সে কুটারে ফিরল । কুটারে গিয়ে যা দেখল, তাতে তার সমস্ত শরীর হিম হ'য়ে গেল, চক্ষে অন্ধকার দেখল, বৃকের রক্ত জমাট বেঁধে গেল । যুবতীকে এক অজগর সর্পে দংশন করেছে । মুহূর্ত্ত মধ্যে যুবক তার হৃদয়ের আলোকে বৃকে তুলে নিল, কিন্তু রাখতে পারলনা । তারপর উন্মত্তের মত সেই প্রাণহীন দেহ জড়িয়ে ধরে কত আর্তনাদ করতে লাগল । আকুল কণ্ঠে কত আহ্বান করতে লাগল । কতবার যুবতীর হিম গণ্ডে প্রেমচুষন অঙ্কিত ক'রল শেষে মূচ্ছিত হ'য়ে পড়ে গেল । যখন জ্ঞান হ'ল, সব মনে পড়ল, তখন ধীরে ধীরে সেই মানিনীর দেহ কালী শ্রোতে ভাসিয়ে দিল । বাতাস ফুক্কে ফুক্কে কেঁদে ফিরতে লাগল, বনের পাখীগুলি তাদের সঙ্গীত ভুলে ডাক ছেড়ে কাঁদতে লাগল, বৃক্ষপত্র মর্ম্মর শব্দ করে হা হুতাস ক'রতে লাগল—কালীনদী সেই হৈম প্রতিমা বৃকে করে গর্জন ক'রতে ক'রতে ছুটে গেল । আর যুবক ? সে মূচ্ছিত হয়ে কুটারে প্রাঙ্গনে পড়ে গেল । শূন্য কুটার কেঁপে উঠল ।

লছমী । তারপর—তারপর—

দেব । তারপর সেই মর্ম্মদাহী স্মৃতি বৃকে করে উন্মত্তের মত আমি ঘুরে বেড়াচ্ছি । আজ তোমার মধ্যে আমার শান্তিকে দেখে আবার সেই আগুন জ্বলে উঠেছে । বল, বল লছমি তুমি—একি ? তুমি কাঁপছ কেন ? তোমার পা টলছে—তোমার মুখ রক্তশূন্য —

লছমি । তারপর—তারপর তোমার সেই অভাগিনী শান্তির দেহ ভাসতে ভাসতে ভীলপল্লীতে গিয়ে লাগল । ভীলদের ঔষধগুণে তোমার মরা শান্তি বেচে উঠল ।

দেব । এ্যা—এ্যা—শান্তি বেচে আছে—আমার শান্তি বেচে আছে ?
একি সম্ভব ? না আমি জেগে স্বপ্ন দেখছি !

লছমি । ওঃ—নাথ ! আমিই তোমার সেই অভাগিনী শান্তি (দেবের
পদতলে পড়িলেন) ।

দেব । ~~এ্যা—এ্যা—~~তুমি, তুমি আমার শান্তি ? শান্তি ! (হাত
ধরিয়া তুলিলেন) শান্তি ! এতদিন আমায় ভুলে—না—না এ
অসম্ভব ! অসম্ভব ! বড়যন্ত্র—বাপ্পা আর বালীয়ের আমাকে চিত্তোরে
রাখতে বড়যন্ত্র । পিশাচী—সরে যা, চলে যা এখান থেকে । আমার
শান্তিকে আমি প্রাণের মধ্যে পুরে রেখেছি । তুই কুহকিনী—না, না,
ঠিক সেই ~~মনচলে~~ মুখখানি, সেই হাস্তময়ী প্রেমপূর্ণ দৃষ্টি—দাঁড়াবার সেই
মিষ্ণু ভঙ্গিমা । শান্তি, শান্তি এতদিন কোথায় ছিলি পাষণী । এই দেখ—
~~তোকে বুকে না ধরে~~ এ বুক পাষণ হয়ে গিয়েছে । মানিনি ! এতদিন
কি মান করে থাকতে হয় ?

লছমি । নাথ ! ভীলদের ঔষধে প্রাণ পাই সত্য কিন্তু আমার স্মৃতি
লুপ্ত হ'য়ে যায় । আমি কে, কোথা থেকে এসেছি, কেন আমার এ
অবস্থা, আমার আর কে আছে, কিছুই আমার স্মরণ ছিল না ! আজ
তোমার মুখে গত জীবনের সমস্ত কথা শুনে আবার আমার সব কথা
মনে পড়েছে ।

দেব । শান্তি, আমায় ধর—আমার পা কাঁপছে, মাথা ঘুরছে ।

(বালীয়ের পশ্চাদ্দিক হইতে প্রবেশ । দেব ও লছমিয়াকে তদবস্থায়
দেখিয়া বালীয় কাঁপিয়া উঠিল ও ধনুকে তীর যোজনা করিল)

দেখ শান্তি ! কুঞ্জে কুঞ্জে বিহগেরা কেমন স্তললিত তান ধরেছে—
প্রকৃতিদেবী আনন্দোচ্ছ্বাসে হাসতে হাসতে কেমন গড়িয়ে পড়ছেন ।
চারিদিকে আজ এক মহাতৃপ্তির, এক মহাআনন্দের রোল (বালীয়ের
হাত হইতে সশব্দে তীর ধনু পড়িয়া গেল, সেই শব্দে দেব ও লছমিয়া

কাঁপিয়া উঠিলেন) কি শব্দ ? (ফিরিয়া) কে ? বালীয় ! বালীয় !
বালীয় ! ভাই, এই দেখ আমার মরা শান্তি আজ বেঁচে উঠেছে—আমার
মরানদীতে আবার জোয়ার ছুটেছে—আমার শুষ্ক মালঞ্চ আবার
মুঞ্জরিত হয়েছে । [নিঃশব্দে বালীয়ের প্রশ্নান ।

বালীয় ! বালীয় ! একি ! একটা কথা বলেও আমার এ সুখে আনন্দ
প্রকাশ করলে না ! অথচ একদিন এই বালীয় আমাকে অদৃষ্টের
কঠিন পীড়নে জর্জরিত দেখে, আমাকে সুখী করতে প্রাণ দিতেও কুণ্ঠিত
হয় নি । আশ্চর্য্য !

লছমি । (স্বগত) বুঝছি বালীয়, তুমি না জেনে বিষ খেয়েছ ।
কিন্তু কি করবো—উপায় নেই ।

বাগ্না ও বালীয়ের প্রবেশ ।

বাগ্না । দেব ! চিতোররাজ তোমাকে আজি, এখনই, চিতোর ত্যাগ
ক'রতে আদেশ দিয়েছেন ।

দেব । (সবিস্ময়ে) চিতোররাজ !

বাগ্না । হাঁ, চিতোররাজ । তুমি প্রস্তুত হও । আয় লছমি—

দেব । ও—বুঝছি । বাগ্না—বন্ধু—বালীয়ের নিকট তাহলে সব
সুনেছ । তোমাদের লছমিই আমার শান্তি । এখন ত আমাকে দূর
করে দিলেও আমি চিতোর ত্যাগ করব না ।

বাগ্না । আশ্চর্য্য সংঘটন ! দেব ! সার্থক তোমার প্রেম, যার নিকট
মৃত্যু পর্য্যন্ত মাথা হেঁট করেছে । লছমি ! আর যে আমাদের সঙ্গে কথা
বলুছিস না ।

লছমি । দাদা ! আর ত আমি লছমি নই, আমি ত এখন শান্তি ।

বাগ্না । বালীয়, একে তোমরা কোথায় পেয়েছিলে ।

বালীয় । হামাগোর সর্দার গাঙ্গে গিয়েছিল । ঘাটে একটা মড়া

লাগিয়ে আছে দেখিয়ে, সেটাকে তুলিয়ে দেখলো, যে সাপে কাটা, পরাণ আছে । বুড়া ওকে বাঁচাইয়ে কত পুছ করল ও কিছু বলতে পারল না । শেষে ওকে হামি হামার বাড়ী লইয়া আইল, রাজা—

বাপ্পা । কি বালীয় ?

বালীয় ! হামাকে ছাড়িয়ে দে ।

বাপ্পা । সে কি বালীর ! আজ এই আনন্দের দিনে তুমি আমাদের ত্যাগ করে যাবে ।

বালীয় । রাজা, হামার ভীলের রক্ত বড়া গরম আছে, এই বুকে হাত দিয়ে দেখ—টগ্‌বগ্‌ করিয়ে ফুটতিছে । ভীলের হাতের ধনু ছবার পড়িয়ে যাবে না । হামাকে ছাড়িয়ে দে, হামার লোক সব তোঁর কাছে থাকবে, তারা তোঁর জন্তে জান দিবে—হামি একা চলিয়ে যাবে ।

দেব । বালীয়, ভাই, আমি যদি কোন অপরাধ করে থাকি আমাকে ক্ষমা কর ।

বালীয় । তু কি ক'রবিরে দেবদাদা, তু কি ক'রবি ? হামি হামার কাছে দোষ করিয়েছে । হামাকে বিশ্বাস নেই তাই চলিয়ে যাচ্ছি । কিছু ভাবিস্ না, হামার লছমিয়াকে সুখী করিস্ । দেবদাদা, হামার একটা কথা রাখ্‌বি ?

দেব । বল ।

বালীয় । হামার লছমিয়াকে এক একবার 'লছমিয়া' বলিয়ে ডাকিস্— তা'হলে হামার কথা মনে থাকবে । লছমি—

লছমি । দাদা—(স্বগতঃ) ভগবান্ তোমাকে শান্তি দিন ।

বালীয় । সুখে থাক্ ! রাজা হামি বিদায় হই ।

[প্রশ্নান ।

বাপ্পা । বালীয়, বালীয়—

[প্রশ্নান

পঞ্চম অঙ্ক ।



প্রথম দৃশ্য ।

দরবার মণ্ডপ ।

(সিংহাসনে বাম্পারাও । দেব, নৃপতিবর্গ, সামন্তবর্গ, অমাত্যগণ,
ও অন্যান্য ব্যক্তিগণ)

গীত ।

বন্দীগণ—

জয় জয় জয় নরপতি ।

জয় দুষ্ট দমনকর, সূর্য্যবংশধর.

জয় জয় চিতোরপতি ।

সুন্দর সুশাসন মুক্ত জগতজন

ভকতগণ গাহে স্তুতি ।

শান্তিময়ী বসুমতী ।

দেব । এক্ষণে দরবার আরম্ভ হোক ।

সকলে । জয় মহারাজ বাম্পারাওয়ের জয় !

দেব । মহারাজ, আপনার জন্ম উৎসবে নৃপতিবর্গ ও প্রকৃতিপুঞ্জ
যথাযোগ্য উপহার নিয়ে রাজদর্শনে উপস্থিত ।

পারশুরাজ । মহারাজ, সমবেত নৃপতিবর্গের মুখপাত্রস্বরূপ আমি
আপনাকে ভারতের সার্বভৌম নরপতি বলে অভিবাদন করি ।

(রাজন্যবর্গের অভিবাদন)

১ম সামন্ত । সামন্তদের শক্তি ও সামর্থ্যচিতোররাজকার্য্যে ব্যয়িত
হবে । আমরা আপনাকে সম্মানে অভিবাদন করি ।

সকলে । আমরা সকলেই মহারাজকে অভিবাদন করি । জয়
মহারাজ বাপ্পারাওয়ের জয় ।

দেব । পারশুরাজ—

(পারশুরাজ উপহার হস্তে অগ্রসর হইলেন)

পারশুরাজ । ভক্তির নিদর্শন অল্পযুক্ত হলেও গ্রহণে ধন্য করুন ।

বাপ্পারাও । এরূপ শক্তি ভারতে বিরল । আসন গ্রহণ করুন ।

দেব । কাবুলরাজ—

কাবুলরাজ । উপহার ক্ষণস্থায়ী হলেও—ভক্তি চিরস্থায়ী !

বাপ্পারাও । কাবুলের ফল জগত বিদিত । আসন গ্রহণ করুন ।

দেব । কাশ্মীরাদিপ—

কাশ্মীরাদিপ । উপহার অকিঞ্চিৎকর—কিন্তু হৃদয়ের সরল অভিব্যক্তি ।

বাপ্পারাও । কাশ্মীরের পরিচ্ছদ অতুলনীয় । আসন গ্রহণ করুন ।

দেব । গুজ্জররাজ—

গুজ্জররাজ । যোগ্য মর্যাদা না হলেও শ্রদ্ধার পরিচায়ক । (বস্মদান)

বাপ্পারাও । বীরের যোগ্য উপহার । আসন গ্রহণ করুন ।

দেব । কাশীরাজ—

কাশীরাজ । ব্রাহ্মণের আশীর্বাদ— (তরবারি দান)

বাপ্পারাও । এ দান আপনারই যোগ্য । আসন গ্রহণ করুন ।

দেব । মহীশুরাদিপ—

মহীশুরাদিপ । শ্রদ্ধার তুলনায় উপহার অতি তুচ্ছ ।

বাপ্পারাও । গোলকাণ্ডার হীরক বাসব-বাহিত । আসন গ্রহণ

করুন ।

সকলে । জয় মহারাজ বাপ্পারাওএর জয় ।

বাপ্পারাও । মন্ত্রী,—সভায় সকলেই উপস্থিত হয়ে আমাদের সম্মানিত

করেছেন ?

দেব । মহারাজ, তুরাগ ব্যতীত আর সকলেই উপস্থিত আছেন ।

বাঙ্গারাগ । তুরাগের অনুপস্থিতির কারণ ?

দেব । তিনি আমাদের আধিপত্য স্বীকার করেন না ।

বাঙ্গারাগ । উপস্থিত রাজ্যবর্গ, সামন্ত ও সভাসদগণ, তুরাগ সম্বন্ধে আপনাদের অভিমত ?

মহীশুরাধিপ । মহারাজ, তুরাগের এ দন্ত আমাদের অসহ । আমরা সকলেই ত মহারাজের ঔদার্য্যে, বীর্য্যে ও সৌজন্ত্রে মুগ্ধ হয়ে বশতা স্বীকার করেছি । আমাদের বিনীত প্রার্থনা সহর তুরাগের এ দর্প খর্ব্ব করুন ।

বাঙ্গারাগ । আপনাদের সকলেরই এই মত ?

সকলে । হাঁ মহারাজ ।

বাঙ্গারাগ । ভরসা করি, তুরাগের বিরুদ্ধে অভিযানে চিতোরকে সহায়দানে আপনারা কুণ্ঠিত হবেন না ।

মহীশুরাধিপতি । আমি সমবেত নৃপতিমণ্ডলীর প্রতিনিধি স্বরূপ রাজ সমীপে নিবেদন করছি যে আমাদের অঙ্গাগার ও ধনাগার মহারাজের কার্য্যে উন্মুক্ত থাকবে ।

১ম সামন্ত । আমরা সকলেই মহারাজের কার্য্যসাধনে প্রাণ দেব ।

বাঙ্গারাগ । উত্তম, তবে তুরাগের বিরুদ্ধে যুদ্ধ ঘোষিত হোক ।

সকলে । জয় মহারাজ বাঙ্গারাগের জয় ।

বাঙ্গারাগ । সমবেত রাজন্যবর্গ, সভাসদ ও সামন্তগণ, প্রাণ-প্রতিম প্রকৃতিপুঞ্জ, আমার জন্মতিথি উৎসবে এ দরবার কক্ষ আলোকিত করে যে আপনারা আমাকে কতদূর সম্মানিত করেছেন, তা আমি ভাষায় ব্যক্ত করতে অক্ষম । বহুদিন হ'তে হৃদয়ের অন্তস্থলে আমি একটা বাসনা পোষণ করছি যে সমস্ত এসিয়া ব্যাপি এক কেন্দ্রীভূত মহাশক্তি প্রতিষ্ঠিত করে চিতোরকে তার পরিচালক করব, আর হিন্দু এবং মুসলমান সেই শক্তির আশ্রয়ে অনাবিল শান্তি ও সমৃদ্ধি উপভোগ করবে । আজ

আপনাদের এই শুভ মিলনে আমার প্রাণ উল্লাসে নেচে উঠছে । বোধ হয় একদিন আমার সে বাসনা কার্যে পরিণত হবে । বন্ধুগণ আপনারাই চিতোর-সিংহাসনের স্তম্ভস্বরূপ, চিতোরের শক্তি আপনাদের তরবারিমুখে অধিষ্ঠিত । ভরসা করি, চিতোরের সঙ্গে আপনাদের এ সৌহার্দ অটুট থাকবে । আপনাদের উপহার বহুমানে আমি গ্রহণ কর্লেম । বন্ধুগণ, আমি পুনরায় আমার হৃদয়ের কৃতজ্ঞতা জানাচ্ছি ।

সকলে । জয় মহারাজ বাপ্পারাওএর জয় ।

দেব । অতীকার এই উৎসব উপলক্ষে নগর সপ্তাহকাল আলোকিত হবে, প্রতিগৃহ পুষ্পপল্লবে ভূষিত হবে এমং অন্ধ আতুর ও দীন দরিদ্রদিগকে অন্নবস্ত্র দান করা হবে ।

সকলে । জয় মহারাজ বাপ্পারাওএর জয় ।

বাপ্পারাও । আপনারা সকলেই পথশ্রমে কাতর, এক্ষণে সভা ভঙ্গ হোক ।

সকলে । জয় মহারাজ বাপ্পারাওএর জয় ।

দ্বিতীয় দৃশ্য ।

কক্ষ ।

বাপ্পা ও মায়ার প্রবেশ ।

মায়া । তবু ভাল, যে তোমার দেখা পেলাম ।

বাপ্পা । এখন ত আমি আর সে রাখাল নই যে যখন তখন দৌড়ে তোমার প্রমোদ উঠানে গিয়ে তোমায় দেখা দেব । আজ আমি ভারতের সার্বভৌম নরপতি—আমার মস্তকে গুরুভার দায়িত্ব । মায়া ! সময় সময় আমার এ সব স্বপ্ন বলে মনে হয় । যে নিরাশ্রয় বালক একদিন তোমার

পিতার ভয়ে পর্বত থেকে পর্বতে, বন থেকে বনান্তরে পালিয়ে আশ্রয়
করেছিল—কে জানত যে সে একদিন চিতোর-সিংহাসনে বসবে! শুধু
তাই কেন, তার বাহুবলে পরাজিত হয়ে কাশ্মীর তুরাক, ইরান, কালিবাও
প্রভৃতি তার রাজ্যসীমা বৃদ্ধি ক'র্বে!

মায়া । আর শুধু তাই বা কেন? রাজ্যবৃদ্ধি, স্ত্রীবৃদ্ধি, বংশবৃদ্ধি—তোমার
কোন বৃদ্ধিটা যে কম তাই আমি বুঝতে পারছি না । যে সকল নৃপতিদের
পরাস্ত করেছ, তারা কি হিন্দু কি মুসলমান সকলে মাথা হেঁট করে তোমাকে
কৃত্যাদান করেছেন । আর মা যষ্টির কৃপা ত তোমার উপর পূর্ণ মাত্রায় ।

বাগ্না । ঠিক পূর্ণমাত্রায় বলি কি করে? মা যষ্টি যে এক চোখো ।
মায়া, তোমার যদি একটি ছেলে হোত—

মায়া । ওঃ, আমার ছেলের ভারি অভাব কিনা ! প্রাতঃকাল থেকে
সূর্যাস্ত পর্যন্ত আবার সূর্যাস্ত থেকে সূর্যোদয় পর্যন্ত আমার কত ছেলে
আমায় “মা” বলে ডাকে তা জান? তোমার রাজ্যের এ লক্ষ লক্ষ প্রজা
কার সন্তান! তাদের মুখের “মা” ডাক আমার সমস্ত অভাব দূর করে
প্রাণ ভরে দেয় । ওঃ, কথায় কথায় আনক বেলা হয়েছে, আমি চললাম ।
তুমি শীঘ্র এস—

বাগ্না । কোথায়?

মায়া । আমার পূজার ঘরে—

বাগ্না । কেন?

মায়া । যাও, রোজ রোজ তোমার ও রঙ্গ আমার ভাল লাগে না ।

বাগ্না । রঙ্গটা কি দেখলে? তুমি যাবে পূজা ক'র্বে—আমি যাব
কেন?

মায়া । (~~মিমা কড়াইয়া~~ ধরিয়) তুমি না গেলে আমি কার পূজা
ক'র্ব প্রভু? তুমিই যে আমার ইষ্ট দেবতা ।

বাপ্পা । ভগবান, কোন উপাদানে এ অমূল্য রত্ন সৃষ্টি করেছ ।

দূতের প্রবেশ ।

কে—ওঃ, কি সংবাদ ?

দূত । মহারাজ গজনীর সর্দারগণ বিদ্রোহী হয়েছে । শাসনকর্ত্তাও তাদের সঙ্গে যোগ দিয়েছেন ।

বাপ্পা । কি ? খোমান বিদ্রোহী !

দূত । এই পত্র (পত্রদান)

বাপ্পা । যাও, বাইরে আমার আদেশের অপেক্ষা কর গে' । (দূতের প্রস্থান) কে আছিস—নোশেরা । খোমান বিদ্রোহী ! এই সংসার । স্মৃযোগ পেলে পুত্র ও পিতার গলায় ছুরী দিতে স্বিধাবোধ করে না ।

নোশেরার প্রবেশ ।

নোশেরা । নাথ !

বাপ্পা । আমিও ত মাতুলকে আক্রমণ ক'রবার উত্তোগ করেছিলেম । যদিও তিনি আমায় হত্যা ক'রবার ষড়যন্ত্র করেছিলেন তথাপি নিরাশ্রয় অবস্থায় আশ্রয় দিয়েছিলেন । খোমান ! তোকে ভালবেসে গজনীর শাসনভার দিলেম, আর তুই এইভাবে আমার স্নেহের প্রতিদান দিলি । পিতৃদ্রোহিতা—ক'রলি !

নোশেরা । আমায় ডেকেছ প্রভু—

বাপ্পা । হাঁ—

নোশেরা । আজ তোমাকে এত চিন্তাকুল দেখছি কেন ?

বাপ্পা । এ কার্য্যময় সংসারে কে কবে নিশ্চিন্ত হতে পেরেছে,

নোশেরো ?

নোশেরা । এত বিচলিত ত তোমাকে কখনও দেখিনি । শত আসন্ন বিপদেও যে তুমি পর্কতের মত অচল, অটল, স্থির ।

বাগ্না। এবার বিচলিত হবার কারণ হয়েছে।

নোশেরা। দাসী কি সে কারণ শুন্তে পায় না ?

বাগ্না। গজনী বিদ্রোহী হয়েছে—

নোশেরা। তাইতে চিতোর-রাজ এত চিন্তিত ! মুষ্টিমেয় সৈন্য নিয়ে সুলতানের বিরাট বাহিনী আক্রমণ ক'রতে যার প্রাণ বিন্দুমাত্রও কাঁপোন, সামান্য গজনী বিদ্রোহে তার এত চাঞ্চল্য সাজে না নাথ। যার শৌর্যের নিকট ইম্পাহান, কান্দাহার, কাশ্মীর, তুরাক, ইরান, কালিবাও, বন্দরদ্বীপ প্রভৃতির অধিপতিগণ মাথা হেঁট করে কণ্ঠাদান করেছেন, তার পক্ষে এ তুচ্ছ বিদ্রোহ দমন করা যে মুহূর্তের কার্যও নয়।

বাগ্না। নোশেরা, কোন্ মহাশক্তিতে শক্তিমান হয়ে, গজনী সর্দারগণ চিতোরের রাজদণ্ড উপেক্ষা করেছে তা যদি জানতে, তবে এ বিদ্রোহকে তুচ্ছজ্ঞান ক'রতে না।

নোশেরা। নাথ, আশ্রিতাকে কি এইভাবে ছলনা ক'রতে হয় ! অরাত শক্তিমান বলে আজ তুমি এত চিন্তিত ! অপরকে তুমি এ কথা বলে বোঝাতে পার, কিন্তু আমি যে তোমার পাশে দাড়িয়ে তোমার অদ্ভুত পরাক্রম দেখেছি। নিশ্চয় অন্য কারণ কিছু আছে—যা তুমি আমার নিকট গোপন ক'রছ।

বাগ্না। নোশেরা, সত্যই আমি তোমার কাছে প্রকৃত কারণ গোপন করেছি—

নোশেরা। কেন ?

বাগ্না। বললে তুমি প্রাণে বড় আঘাত পাবে। বোধ হয় সহ্য ক'রতে পারবে না—

নোশেরা। সহ্য ক'রতে পারবে না এমন আঘাত ! এমন কি হতে পারে ? ওঃ বুঝেছি, গজনীর শাসনকর্ত্তা পুত্র খোমান বুঝি এই বিদ্রোহ দমন ক'রতে প্রাণ দিয়েছে। সেই সংবাদ আমায় গোপন ক'রছ!

হায় নাথ, আমার শক্তিতে তোমার এত সন্দেহ ! পুত্র বীরের মত নিজ কর্তব্য সাধনে সশ্রুত সংগ্রামে প্রাণ দিয়েছে, তাতে মায়ের নয়নে অশ্রু ঝরবে কেন ? মায়ের প্রাণ যে উল্লাসে নেচে উঠছে ! বীর পুত্র আমার তোমার শোণিতের অমর্যাদা করেনি ।

বাপ্পা । হায় অভাগিনী, কেমন করে আমি সে কথা তোমাকে জানাব ।

নোশেরা । তবে কি খোমান মরে নি ?

বাপ্পা । না ।

নোশেরা । কি বলছ প্রভু ? রাজ্যে বিদ্রোহ, আর শাসনকর্তা হ'য়ে সে অলসভাবে কাল কাটাচ্ছে ! একি সম্ভব ? সে যে আমার বীরপুত্র—যুদ্ধের নামে সে যে নেচে ওঠে । স্বামিন্, প্রভু—আর আমায় সংশয়ে রে'খ না—সব ভেঙ্গে বল ।

বাপ্পা । তবে শোন নোশেরা, গজনীর বিদ্রোহী সর্দারগণের নায়ক—তোমার পুত্র খোমান ।

নোশেরা । খোমান বিদ্রোহী ! আমার গর্ভে যে জন্মেছে, আমার স্তনদুগ্ধে যে বর্ধিত হয়েছে, সেই সেই খোমান রাজদ্রোহী—পিতৃদ্রোহী ! নাথ, এযে আমি কোন মতে বিশ্বাস ক'রতে পারছি না ।

বাপ্পা । কি প্রমাণ চাও ?

নোশেরা । তোমার কথাই যথেষ্ট । কিন্তু এ আমি কোন মতে ধারণা ক'রতে পারছি না । খোমান বিদ্রোহী ! আমার গর্ভজাত সন্তান পিতৃদ্রোহী !! এত অপবিত্র আমার শোণিত—আমার স্তনদুগ্ধ ! ওঃ স্বপ্নেও যা কোন দিন ভাবতে পারিনি ! যাক, আর চিন্তা ক'রবার সময় নেই । প্রভু, এ বিদ্রোহ দমন ক'রতে আমি যাব ।

বাপ্পা । তুমি !—

নোশেরা । আশ্চর্য্য হচ্ছে কেনু ~~প্রিয়তম~~ ! তুমি যার স্বামী, তার পক্ষে কি একাজ এতই দুঃসাধ্য । আমি আজই গজনী যাত্রা ক'রব ।

বাগ্না। কিন্তু—

নোশেরা। করজোড়ে মিনতি ক'রছি তুমি অন্নত কর' না।
আশীর্বাদ কর, যেন বিদ্রোহী পুত্রকে শৃঙ্খলিত ক'রে তোমার চরণে উপহার
দিতে পারি। আমি মাত্র দশ হাজার সৈন্ত চাই।

বাগ্না। আমি স্বীকৃত। কিন্তু দেব তোমার সঙ্গে যাবে।

নোশেরা। তোমার যদি ইচ্ছা হয়—বেশ তাই হ'ক।

লছমিয়ার প্রবেশ।

লছমিয়া। আর দেবী বুঝি একা থাকবে ?

বাগ্না। কে ? লছমি !

লছমিয়া। হাঁ লছমি। বেশ বিচার তোমার রাজা—

বাগ্না। তুমিও যেতে চাও ?

লছমিয়া। যাব না ! পরের সঙ্গে সারা জীবন যুদ্ধ ক'রলেম আর
আজ নিজের ছেলের সঙ্গে যুদ্ধ বেধেছে—আমি ঘরে বসে থাকব ! আজ
পুত্রের শক্তি পরীক্ষা ক'রব—আনন্দে যে আমার প্রাণ নেচে উঠছে।
রাজা, অনুমতি দাও—

বাগ্না। বেশ যাও—

[সকলের প্রস্থান।

তৃতীয় দৃশ্য।

গজনী-সীমান্ত; রণস্থল।

খোমান, সর্দারগণ ও সৈন্তগণ।

খোমান। তাইসব, চিতোরের বিরাট বাহিনী রাক্ষসের মত তোমাদের
স্বাধীনতা গ্রাস ক'রতে ধেয়ে আসছে। তোমরা সুলতান সেলিমের পাশে
বাড়িয়ে যুদ্ধ করেছ—তোমাদের খড়্গ কতবার রাজপুত্রের স্বাধীনতা বিপন্ন

Tom of Swarthmore
M. C. Haman

হয়েছে—আজ দেখো ভাই, সে খড়্গের অমর্যাদা ক'র না, কাফেরের নিকট স্বাধীনতা বিক্রয় করোনা, বিধর্মীর পদতলে রাজশ্রী কে ডালি দিওনা ।

সৈন্তগণ । কখনই না ।

খোমান । কোন অধিকারে আজ বাপ্পারাও গজনী-সিংহাসনের উপর আধিপত্য বিস্তার ক'রতে চান? আমি সুলতান সেলিমের দৌহিত্র—
শ্রায়তঃ এ সিংহাসন আমার । আজ চোখ রাঙ্গিয়ে বাপ্পারাও তোমাদের রাজার হাত থেকে রাজদণ্ড কেড়ে নিতে চান! ভাইসব, প্রাণপণ করে যুদ্ধ কর—রাজপুতকে গজনীর ভিতর এক পদ ও অগ্রসর হতে দিওনা । তাদের জানিয়ে দাও, যে গজনী পাঠানের—রাজপুতের নয় ।

সৈন্তগণ । নিশ্চয়—নিশ্চয় ।

খোমান । ভাইসব, মাতামহ সেলিম, বাপ্পারাওএর নিকট পরাজিত হয়ে যে ঋণ করে গিয়েছেন সে ঋণ শুধ্বার ভার তোমাদের উপর । আজ সে ঋণ পরিশোধের চমৎকার সুযোগ উপস্থিত । সুদ সমেত সে ঋণ পরিশোধ কর—মাতামহের অপমানের প্রতিশোধ নাও ।

সৈন্তগণ । আমরা জান দেব ।

~~সৈন্তগণ~~ প্রশ্নান ।

(লছমিয়া, নোশেরা, দেব, ও সৈন্তগণ)

নোশেরা । ঐ—ঐযে কুলাঙ্গার পুত্র সৈন্তদের উৎসাহিত ক'রছে । সৈন্তগণ, রাজদ্রোহীকে শাস্তি দাও । রাজপুত্র বলে তার উপর এক কনা করুণা ও কেউ দেখিওনা । মনে থাকে যেন, তোমাদের মস্তকের উপর বীরবর বাপ্পারাও এর বিজয় বৈজয়ন্তী উড়িয়মান—দে'খ, যেন সে পতাকা তোমাদের উপর অভিমান করে শির না নোয়ায় ।

সসৈন্তে খোমানের প্রবেশ ।

খোমান । আক্রমণ কর—আক্রমণ কর সৈন্তগণ । দেখ ভাই সব, একজন চিতোরিও যেন গজনী প্রবেশ ক'রতে না পারে, একজন চিতোরিও যেন রাজসমীপে পরাজয় বার্তা দিতে না ফেরে ।

লছমিয়া । খোমান--

খোমান । এ কে ? মাসিমা, মা, --তোমরা ! চিতোর কি বীরশূন্য
যে আজ রমণী বিদ্রোহ দমন ক'রতে এসেছে !

লছমিয়া । না পুত্র, চিতোর বীরশূন্য নয় । আজ মা তার স্তনদুগ্ধের
শক্তি পরীক্ষা ক'রতে এসেছে । দেখতে এসেছে, যে যে শিশুকে হাতে
গড়ে লালন পালন করে সে জগতে ছেড়ে দিয়েছে, সে তার পুত্র নামের
উপযুক্ত কি না ! আজ মাতা পুত্রে যুদ্ধ—ইতিহাস অবাক বিশ্বয়ে যার
বিষয় ভাবছে । পুত্র, পরিচয় দাও ।

খোমান । উত্তম । আমরাও প্রস্তুত । [যুদ্ধ করিতে করিতে প্রশ্নান ।

চতুর্থ দৃশ্য ।

কক্ষ ।

মায়া ও বাগ্নার প্রবেশ ।

মায়া । আজও কোন সংবাদ পাওনি, অথচ বেশ নিশ্চিত মনে বসে
আছি !

বাগ্না । কি করতে বল ?

মায়া । কেন তুমি নোশেরাকে যেতে দিলে ? অসুখমতি দেবার পূর্বে
কেন আমায় একবার জিজ্ঞাসা ক'রলে না ?

বাগ্না । তুমি তাকে ফেরাতে পারতে ?

মায়া । সে আমি বুঝতাম । আমি কি তোমার মত সে যা বলত তাই
শুনতাম ।

বাগ্না । কি করতে ?

মায়া । ছুই হাতে তার গলা জড়িয়ে ধরে টানতে টানতে ধরে নিম্নে

যেতাম । ওঃ কতদিন তার মুখের সেই আধ আধ 'দিদি' ডাক শুনতে পাই নি ঘর যে আমার অঁধার হয়ে গেছে । যেমন করে পার আমার নোশেরাকে এনে দাও—

বাগ্না । সতীনের উপর যে বড় দরদ !

মায়া । পুরুষের মত অত সঙ্কীর্ণ হৃদয় আমাদের নয় । সতীন হ'ক'খা' হ'ক' সে আমি বুঝব । ছুড়ীকে এবার পেলে হয় । আমার দুধের বাছা খোমান, ছেলে বুদ্ধির বশে একটা অন্ডায় কাজ করেছে, তাই তাকে শাসন ক'রতে, রণরঙ্গিনী মূর্তিতে লোক লঙ্কর নিয়ে সেজে গুজে গিয়েছেন ! যাবার সময় একবার আমাকে বলেও গেল না । হ্যাগা, এই বুদ্ধি নিয়ে এই প্রকাণ্ড সাম্রাজ্য চালাচ্ছ ! মা চোখ রাঙ্গিয়ে কথা বললে যারা ভয়ে বৃকের মধ্যে এসে মুখ লুকোয়, মায়ের মুখ গস্তার দেখলে আপনা হ'তে যাদের চোখ দিয়ে অশ্রু গড়িয়ে মাটিতে পড়ে, তাদের শাসন ক'রতে আবার সৈন্ত সামন্ত !

বাগ্না । এতটা পূর্বে বুঝতে পারলে আমি নোশেরাকে না পাঠিয়ে তোমাকেই পাঠাতেম

মায়া । আমিও জানতে পারলে তোমার পাঠানর অপেক্ষা রাখতেন না—নিজেই যেতাম ।

বাগ্না । গিয়ে কি ক'রতে ?

মায়া । আমার বৃকের ধনকে বৃকে তুলে নিতেম ।

বাগ্না । হাঃ হাঃ হাঃ—তবেত সবই ক'রতে !

মায়া । ক'রতেম কিনা তা এখন কি করে বোঝাব । মেহের শাসনের চেয়ে কঠিন শাসন আর কি আছে ? খোমান কি আমার মুখের দিকে চাইতে পারত ! সে আমায় দেখবামাত্র কেবল আমার বৃকে, মুখ রেখে নীরবে অশ্রু বিসর্জন ক'রত । একদিন এই ভারতে প্রেমে বনের পাণ্ডু পর্য্যন্ত বশ হয়েছিল—যমুনার জল উজান বয়েছিল ! কি ? হা ক'রে চেয়ে রয়েছ যে—

বাগ্না । তোমায় দেখছি—

মায়া । দেখবার একটা জিনিষই বটে ! তা কি দেখেছিলে ?

বাগ্না । কি দেখেছিলাম তা বলতে পারব না—তোমায় বোঝাতে পারব না । তবে দেখে দেখে আমার প্রাণ ভরে গিয়েছে—বড় মধুর ! বড় সুন্দর !

মায়া । ইস ! ভাবে যে একেবারে বিভোর হয়ে গেলে !

শৃঙ্খলাবদ্ধ খোমানকে লইয়া রক্তাক্ত কলেবর নোশেরার প্রবেশ ।

নোশেরা । মহারাজ, এই আপনার বিদ্রোহী পুত্র—বিচার করে শাস্তি বিধান করুন—

মায়া । নোশেরা, নোশেরা ! একি ? সর্বাস্ত্র যে ক্ষত বিক্ষত—অজস্র ধারে শোণিত নির্গত হচ্ছে । কে আমার এ সর্বনাশ করল—কেন আমায় না বলে গিইছিলি ?

নোশেরা । দিদি ! বললে ত তুমি যেতে দিতে না । আমার অস্তিম সময়ের আর বড় বিলম্ব নেই । ম'রবার পূর্বে আমি ঐ হতভাগ্যের বিচার দেখতে চাই । আমি শুধু তাই দেখবার জন্ত এখনও প্রাণকে ধ'রে রেখেছি । মহারাজ, ঐ আপনার কুলাঙ্গার পুত্র । আমি ওকে রাজদ্রোহিতা এবং পিতৃদ্রোহিতার অপরাধে অভিযুক্ত করছি । শাস্তি বিধান করুন ।

মায়া । নোশেরা—সর্বনাশী—কি করেছিস ? কি করেছিস ? আমার বাছার কুসুমকোমল অঙ্গে কোন প্রাণে ঐ লৌহ শৃঙ্খল পরিয়েছিস !
খোমান, খোমান—পুত্র আমার !

নোশেরা । মহারাজ, অপরাধীর বিচার করুন ।

মায়া । মহারাজ আমার পুত্রের অঙ্গ হ'তে শৃঙ্খল খুলে দিতে আদেশ দিন ।

বাগ্না । একলিঙ্গদেব—আমার হৃদয়ে বল দাও । রাজধর্ম্মে যেন পতিত না হই । (প্রকাশ্যে) খোমান, স্বপক্ষে তোমার কিছু বলবার

আছে ? নীরব—বুঝলেম, বলবার মত তোমার কিছু নেই। রাজদ্রোহীর শাস্তি প্রা—ণ—দ—ণ্ড । কে ছায় ?

রক্ষীর প্রবেশ ।

মায়া । এ্যা ! প্রাণদণ্ড !

নোশেরা । (স্বগত) হৃদয় কেন কেঁপে উঠেছে ?—দৃঢ় হও ।

বাপ্পা । একে বধ্যভূমিতে নিয়ে যাও—নিয়ে যাও—(রক্ষীর তথা করিতে গমন)

মায়া । দাড়াও । মহারাজ পিতা হ'য়ে পুত্রহত্যা ক'রবেন ?

বাপ্পা । রাণি, এখন আমি পিতা নই—এখন আমি বিচারক ।

মায়া । হ'ন বিচারক, তবুও পিতা ।

বাপ্পা । উপায় নেই । রাজার আইনে রাজপুত্রের জন্ত স্বতন্ত্র বিধান নেই ।

মায়া । মহারাজ, আমি আপনার কাছে খোমানের জীবন ভিক্ষা চাই ।

বাপ্পা । তা হয় না রাণি । নিয়ে যাও—

মায়া । খোমানকে বধ্যভূমিতে নিয়ে যাবে, আর আমি তাই দাঁড়িয়ে দেখব ? না, তা আমি হতে দেব না । মহারাজ, মহারাজ, আমি পুত্রহীনা, আমায় পুত্রভিক্ষা দিন—আমি নতজানু হয়ে ভিক্ষা চাচ্ছি আমার সন্তানের জীবন ভিক্ষা দিন । তবুও নীরব—তবুও দয়া হ'লো 'না ! নোশেরা, তুই একবার অনুরোধ কর, তুই একবার নতজানু হয়ে চিতোর-রাজের নিকট সন্তানের জীবন ভিক্ষা কর । চূপ করে রইলি ? রাক্ষসী, পাষণী, খোমান তোর সন্তান না ! তাকে দশমাস দশদিন গর্ভে ধরিস নি—বুকের রক্ত দিয়ে তাকে মানুষ করিস নি !

নোশেরা । দিদি, বৃথা আমায় তিরস্কার ক'রছ । রাজা তাঁর রাজধর্ম পালন ক'রছেন, কোন অধিকারে আমি তার মধ্যে কথা কইব !

মায়া । কোন অধিকারে ! তোর পুত্রকে বধ ক'রতে নিয়ে যাচ্ছে, আর তুই কোন অধিকারে কথা কইবি ! এই তোর অপত্যস্নেহ ! তুই মা না রাঙ্কসী ! তোর প্রাণ না পাষণ !

নোশেরা । দিদি—নারী হ'য়ে তুমি এ কথা বললে ! অশ্রু না বুকুক, তুমি ত বুঝছ, তুমিত জান, মায়ের প্রাণ কোন আঘাতে কোন স্থরে বেজে ওঠে । যার প্রতিকার নেই, তা সহ করা ভিন্ন আর কি উপায় আছে ?

বাগ্না । (স্বগত) হৃদয় দৃঢ় হও । কর্তব্য ! কর্তব্য !! (প্রকাশ্যে) নিয়ে যাও—

মায়া । কে নিয়ে যাবে ? এই আমি আমার বাছাকে বুকের মধ্যে লুকিয়ে রাখলেম, দেখি কে সিংহীর বুক থেকে তার শাবক ছিনিয়ে নিতে পারে । মহারাজ, রাজধর্ম পালন ক'রতে হলে কি দয়া, মায়া, স্নেহ, মমতা, সব এই ভাবে বিসর্জন দিতে হয় !

বাগ্না । রাগি বৃথা অনুযোগ ক'রছ । খোমান কি এক তোমারই সন্তান—আমার কি কেউ নয় ? জান কি মায়া, আজ এ বৃকে কি বড় বইছে—জান কি মায়া, কর্তব্য আর স্নেহ আজ এ হৃদয়ে কি ভীষণ সংগ্রামে প্রবৃত্ত হয়েছে ? কি ক'রব ? উপায় নেই । লক্ষ লক্ষ নরনারীর দণ্ড মুণ্ডের কর্তা আমি—আমি অবিচার ক'রতে পারি না । কর্তব্য ! কর্তব্য !! কর্তব্য !!!

মায়া । তবে তুমি তোমার কর্তব্য কর, আমি ও আমার কর্তব্য করি । পার, মায়ের বুক থেকে ছেলে ছিনিয়ে নাও । দেখি তুমি কত বড় পাষণ—

বাগ্না । একি ! একি স্বর্গীয় শোভা ! মূর্তিমতী করুণা যেন করুণা বৃষ্টি ক'রতে সংসারে নেমে এসেছে ! চোখে, মুখে প্রতি অঙ্গ-সঞ্চালনে যেন করুণার বণা ছুটে চলেছে ! মায়া—মায়া—মুক্ত তোমার সন্তান ।

[রঙ্কসীর প্রস্থান ।

মায়া । মহারাজের জয় হোক । চল পুত্র, মায়ের শূকে বিশ্রাম
ক'রবে চল ।

নোশেরা । আঃ—

বাপ্পা । একি ? নোশেরা, তুমি অমন ক'রছ কেন ?

নোশেরা । জানিনা, কেন প্রাণ আমার আনন্দে নেচে উঠছে । আমি
যে আর এ অধীরতা সহ ক'রতে পারি না ! বুক যে ভেঙ্গে যাচ্ছে ।
মায়া । নোশেরা ! নোশেরা ! খোমানকে ফিরে পেয়েছি, এ
আনন্দের দিনে তুমি আমায় এই ভাবে ছেড়ে যাচ্ছ ! আমি তোমায় ছেড়ে
কেমন করে থাকব ?

নোশেরা । দিদি ! আশীর্বাদ কর ধেন জন্ম জন্ম এই স্বামী, আর
তোমার মত দিদি পাই । বিদায়—(মৃত্যু)

মায়া । নোশেরা ! নোশেরা ! (মূর্ছা)

বাপ্পা । কুলাঙ্গার—তোর কীর্তি দেখ !

পঞ্চম দৃশ্য ।

বনপথ ।

খোমান ও তাহার ভ্রাতা জালিমের প্রবেশ ।

খোমান । বল কি জালিম—একি সম্ভব ! জ্যেষ্ঠপুত্র আমি বর্তমানে
সিংহাসনে বসবে বালক অপরাজিত !

জালিম । পিতার মুখে আমি এইরূপই শুনেছি ।

খোমান । কি অপরাধে আমি সিংহাসন হতে বঞ্চিত হব ?

জালিম । যবনীর গর্ভে জন্মেছ, এই অপরাধ ।

খোমান। এই অপরাধ! যবনীর সন্তান কি এতই হেয়—যবনীর গর্ভ কি এতই অপবিত্র!

জালিম। পিতা বললেন, পবিত্র রাজপুত্র রক্তে যার জন্ম, সে ভিন্ন চিতোর-সিংহাসনে অস্ত্রের বসবার অধিকার নেই।

খোমান। অধিকার নেই! মুসলমান যদি চিতোর জয় করে, তখন তার সিংহাসনে বসা কে বন্ধ ক'রবে?

জালিম। সে নাকি স্বতন্ত্র কথা।

খোমান। অপরাধিত সিংহাসনে বসবে, আর আমি পিতৃভক্তির দোহাই দিয়ে মনকে বুঝিয়ে, কাপুরুষের মত তাই মেনে নেব! কোন গুনে সে আমা অপেক্ষা শ্রেষ্ঠ? সে কনিষ্ঠ, আমি জ্যেষ্ঠ; সে বন্দরাধিপ ইস্ফ্‌গুলের দৌহিত্র, আর আমি গজনীর সুলতানের দৌহিত্র। বুদ্ধিমত্তায় বা শৌর্য্যে কোন বিষয়েই সে আমার সমকক্ষ নয়। তবু সে সিংহাসন পাবে, কারণ তার—মা—রাজপুত্রনী! না জালিম, তাহবে না, না—কোনমতেই না—

জালিম। কি করে বাধা দেবে দাদা?

খোমান। কেন? পিতার মৃত্যুর পর অস্ত্রমুখে মীমাংসা ক'রব, সিংহাসনের উপযুক্ত কে—আমি না অপরাধিত। যবনীর শোণিত ধমণীতে প্রবাহিত বলে তখন সিংহাসন গ্রহণে আমাকে কেউ বাধা দিতে পারবে না।

বাগ্নার প্রবেশ।

বাগ্না। খোমান!

খোমান। পিতা—

বাগ্না। আমার দুর্ভাগ্য যে অন্তরাল থেকে আমি তোমার সমস্ত উক্তি শুনতে পেয়েছি! তুমি বিদ্রোহী হয়েছিলে, আমি শুদ্ধ রাণীর কাতরতায় তোমাকে মার্জনা করেছি। আমি বেশ বুঝতে পারছি তুমি চিতোরে থাকলে এ সিংহাসন নিষ্কণ্টক নয়। আমি তোমাকে এবং তোমার ভ্রাতৃগণকে চিতোর থেকে চিরজীবনের জগ্ন নিরাসিত ক'রলেম।

খোমান । চিরজীবনের জন্তু নির্বাসিত !

বাগ্না । হা—চিরজীবনের জন্তু নির্বাসিত ।

খোমান । পিতা, একটা কথা জিজ্ঞাসা ক'রব ?

বাগ্না । বল—

খোমান । আপনার অবর্তমানে সিংহাসন কার ?

বাগ্না । শুনে তোমার লাভ ?

খোমান । লাভ না থাকলে জিজ্ঞাসা করে আপনাকে বিরক্ত ক'রতেম না—

বাগ্না । উত্তম, তবে শোন । আমার অবর্তমানে চিতোর সিংহাসন অপরাজিতের ।

খোমান । অপরাজিত রাজদণ্ড পরিচালন ক'রবে, আর আমরা নির্বাসিত ! এই আপনার বিচার পিতা !

বাগ্না । হাঁ, তুমি এবং যবনীগর্ভ-সন্তুত আমার পুত্রগণ চিতোর থেকে নির্বাসিত এই আমার বিচার । শুদ্ধ তাই নয়, তোমাদের আপন আপন মাতার নামে শপথ ক'রতে হবে যে এ জীবনে আর কখনও চিতোরে প্রত্যাবর্তন ক'রবেনা ।

খোমান । এই যদি আপনার ইচ্ছা হয়—তাই হবে । কিন্তু পিতা, অপরাজিতকে এই শান্তিময় নিষ্কণ্টক রাজ্য দিলেন—আর আমাদের সহায়হীন—সম্পদহীন—গৃহহীন করে এই অপরিচিত জগতে ছেড়ে দিলেন !

বাগ্না । কে বললে তোমরা সহায়হীন ? তোমাদের মায়ের আশীর্বাদ অক্ষয় কবচের মত শত বিপদ থেকে তোমাদের রক্ষা ক'রবে । কিসে তোমরা সম্পদহীন ? তোমাদের দেহে শক্তি আছে, হৃদয়ে সাহস আছে, কটিতে শাণিত তরবারি আছে, শোণিতে পবিত্রতা আছে । যাও পুত্রগণ, এই বিশাল সংসারে নিজেদের প্রতিষ্ঠিত করগে । আর শোণিতে

তোমাদের জন্ম সে নিজের শৌর্য্যে এই সুবিস্তীর্ণ ভূভাগের অধিপতি।
পুত্র! সে শোণিতের যেন অমর্যাদা না হয়।

খোমান। পিতা এক ভিক্ষা চাই—

বাগ্না। বল—

খোমান। যেদিন আপনার মৃত্যু সংবাদ পাব, সেইদিন একবার
চিত্তে চুকবার অনুমতি চাই।

বাগ্না। বেশ।

খোমান। তাহলে বিদায় পিতা—

বাগ্না। যাও পুত্রগণ, নোশেরার পবিত্র নামানুসারে “নোশেরা
পাঠান” বলে জগতে নিজেদের পরিচিত করগে; আশীর্বাদ করি সুখী হও।

[জালিম ও খোমানের প্রস্থান।

বাগ্না। এই সিংহাসন! মূর্খ তারা, যারা মনে করে সমস্ত সুখ, সমস্ত
শান্তি রাজার রাজদণ্ডে লুক্কায়িত। রাজার মেহ থাকতে নেই—দয়া
থাকতে নেই—মায়া থাকতে নেই—সব বিসর্জন দিতে হবে! পুত্রকে হত্যা
ক'রবার আদেশ দিতে হবে—স্নেহের পুত্রলিকে নির্বাসিত ক'রতে হবে—
নিজের বুকে নিজহস্তে কুঠারাঘাত ক'রতে হবে! অথচ অশ্রুকে জোর করে
চোখের মধ্যে চেপে রাখতে হবে! এত কঠোর—এত কঠোর এই রাজধর্ম!

দেবের প্রবেশ।

দেব! সৈন্ত প্রস্তুত—চল তুরাগ অভিমুখে যাত্রা করি।

বাগ্না। দেব! ভ্রম—সব ভ্রম।

দেব। কি ভ্রম?

বাগ্না। এতদিন যা বুঝেছি সব ভ্রম—যা করেছি সব পণ্ড্রম।

ভেবেছিলাম হিন্দু মুসলমানের এই চিরবাবধানের মাঝখানে নিজে সেতু হব্বে

দাঁড়াব। কিন্তু বুঝা চেষ্টা—আমার দ্বারা তা' হ'ল না।

দেব। কাজ অসম্পূর্ণ রে'খনা, চল তুরাগ জয় করে চিতোর-সিংহাসন
নিষ্কটক করি।

বাপ্পা। নিষ্কটক ক'র্ব এই সিংহাসন—যার ভিত্তি মাতুলের উষ্ণহৃদয়
শোণিতে রঞ্জিত! হাঃ হাঃ হাঃ—দেব, এষে অভিশপ্ত!

দেব। এ তুমি আজ কি বলছ বাপ্পা?

বাপ্পা। ঠিক বলছি। আজ অন্তরালে দাঁড়িয়ে খোমানের লাভ-
বিরোধের সঙ্কল্প গুনলাম। এখন ও কি তুমি বলতে চাও, যে এ সিংহাসন
নিষ্কটক হবে। যে মুহূর্তে আমি মরব সেই মুহূর্তে দেখবে কালানল জ্বলে
উঠবে। আর কত চেপে রাখবে! ভুল—মহা ভুল। তা হবার নয়।

দেব। বিলম্ব হচ্ছে—চল।

বাপ্পা। বেশ চল।

(দূরে সঙ্গীত—উদাসীন গাহিতেছে—

“তমির হইতে

তমিরে মিশিতে

জীবন—তটিনী ছুটিয়া যায়।”)

কে গাচ্ছে?

দেব। বোধ হয় কোন উদাসীন—

বাপ্পা। এই দিকেই আসছে—

গাহিতে গাহিতে উদাসীনের প্রবেশ।

গীত।

তমির হইতে,

তমিরে মিশিতে

জীবন—তটিনী ছুটিয়া যায়।

জনম আধার,

মরণ আধার

মাঝে বিভাসিত জীবন ভায়।

শত শত শত মিলনমণ্ডল, দ্বীপাকারে কত শোভে সমুজল

কোথা শস্যফলে, কেহ নদীতলে,

ভেঙ্গে চুরে ডুবে মিশে চলে যায় ॥

কাম আদি ষড়-জলচরণ, বিহরিছে ঘেরি সে দ্বীপ ভীষণ

কেহ ছিড়ে খায়, কেহ বা ডুবায়

যেবা দীপ্ত মোহতীরে ভুলে যায় ।

তবে কেন জীব করে আকিঞ্চণ,

মহাশত্রু ছেড়ে জীবন মিলন,

জানে নাক তারা ঘটাকাশ পারা,

প্রাণাকাশ মহা আকাশে মিলায় ॥

[গাহিতে গাহিতে উদাসীনের প্রশ্নান ।

বাগ্না । উদাসীন —উদাসীন—(ডাকিতে ডাকিতে অগ্রসর হইলেন)

দেব । (হাত ধরিয়া) বাগ্না— বাগ্না—

বাগ্না । যাক । দেব, তুরাগ জয় আর আমার দ্বারা সম্পূর্ণ হ'ল না ।

আর রাজত্বে প্রয়োজন কি ? এখন ত বানপ্রস্থের সময় । সুমেরুতলে তাপস-ধর্ম্মে জীবনের অবশিষ্ট দিনকটি অতিবাহিত ক'রব । অপরাজিত কে সিংহাসনে বসিয়ে রাজকার্য্য পরিচালন ক'র । আমায় বিদায় দাও বন্ধু—

দেব । বাগ্না ! জীবনে কোন দিন তোমার অবাধ্য হই নি আজও হব না । কিন্তু তুমি এখনই—

বাগ্না । গুণকারণ্যে বিলম্ব ক'রতে নেই । আমি আর অপেক্ষা ক'রতে পারি না । ঐ দূতের মুখে আমি তাদের আহ্বান শুনতে পেয়েছি । দেব, এই বোধ হয় আমাদের শেষ সাক্ষাৎ । আলিঙ্গন দাও বন্ধু— (আলিঙ্গনবদ্ধ হইলেন) বিদায় দেব—

দেব । যাও বন্ধু, একলিঙ্গদেব তোমার মনোবাঞ্ছা পূর্ণ করুন—

[বাগ্নার প্রশ্নান ।

চিতোর আজ শ্মশান ! (প্রশ্নান)

ষষ্ঠ দৃশ্য ।

শুভ্রে অঙ্গরাগণ ।

গীত ।

আয়রে ভেসে, হাওয়ায় মিশে ডেকে আনি মহাজনে ।
 ধরার মাঝে, শতক কাজে, ভুলেছে পথ নাহি মনে ॥
 ফুলের মাঝে গুটি গুটি, চূপ চূপি হেসে উঠি,
 সোহাগ করে, আদর ক'রে জানাব তারে কানে কানে ॥
 আয় চলে আয় এই ধানে, বাধিস না আর মহাপ্রাণে,
 এসেছি ফিরে নিতে তোরে কাজ আজ তোর অবসানে ॥

—:~:~:~:—

সপ্তম দৃশ্য ।

রাজপথ ।

(বিপরীত দিক হইতে দুইজন লোকের প্রবেশ)

১ম । ম'শাই—ও ম'শাই ?

২য় । কি ম'শাই ?

১ম । আপনাকে একটা কথা জিজ্ঞাসা ক'রতে পারি কি ?

২য় । কেন পারবেন না—একটা কেন বিশ'টে জিজ্ঞাসা করুন না !

আপনার মুখ আছে বলে যান, আমার কান আছে শুনে যাই ।

১ম । বলতে পারেন, চিতোরের আজ এ অবস্থা কেন ?

২য় । কি অবস্থা ম'শাই ?

১ম । গৃহে গৃহে রোদনধ্বনি, প্রত্যেকের মুখে শোকের চিহ্ন, যেন
 তারা অতি আপনার কাকেও হারিয়েছে—সবাই গম্ভীর, সবাই বিষম ॥

এমন কি চিতোর নগরীকেও যেন কার বিরহে মুহম্মান বলে বোধ হচ্ছে।

২য়। মশাই কি গোর থেকে উঠে এলেন, না জননী-গর্ভ থেকে সত্ত্ব ভূমিষ্ট হলেন।

১ম। তার অর্থ ?

২য়। তার অর্থ যা হয় তাই। মশাইএর বাড়ী কোন দেশে ?

১ম। বাড়ী আমার এখানেই—

২য়। বাড়ী এখানে, অথচ আপনি জানেন না, যে মহারাজ বাঙ্গারাত্ত স্মেরুতলে দেহত্যাগ করেছেন—আশ্চর্য্য! (প্রস্থান)

১ম। তা হলে ত আমরা যথার্থ অনুমান করেছি।

খোমানের প্রবেশ।

খোমান। কি সংবাদ ?

১ম। আমাদের অনুমান সত্য।

খোমান। সত্য! যাক, প্রতিজ্ঞাভঙ্গ হয় নি। আর বিলম্ব করা কর্তব্য নয়। সত্ত্বর এস— [উভয়ের প্রস্থান।

অষ্টম দৃশ্য।

শ্মশান—সজ্জিত চিতা।

বস্ত্রাচ্ছাদিত বাঙ্গারাত্ত এর মৃতদেহ। অপরাজিত প্রভৃতি বাঙ্গার পুত্রগণ ও পুরোহিত দণ্ডায়মান। দেব অধোবদনে এক পার্শ্বে উপবিষ্ট, চতুর্দিকে নগরবাসী ও নগরবাসিনীগণ দণ্ডায়মান।

পুরো। কুমার অপরাজিত! এখন আপনার পিতার অন্তিম কাৰ্য্য করুন।

অপরাজিত । পিতা—পিতা ! আমায় ফেলে কোথায় গেলেন ? আপনিত মুহূর্তও আমায় না দেখে থাকতে পারতেন না । পিতা—পিতা ! দেখুন আপনার স্নেহের অপরাজিত আজ আপনার বুকে আশ্রয় না পেয়ে হাহাকার করছে ।

পুরো । কুমার, অধীর হবেন না । মানবমাত্রের নিয়তির দাস । আপনার পিতা পরম পুণ্যাত্মা, তাই তিনি সজ্ঞানে সমাধিগত হয়েছেন । তাঁর জন্ত খেদ করবেন না—পুত্রের কার্য্য করুন ।

অপরাজিত । গুরুদেব, যে মুখ থেকে সর্বদা স্নেহের নিদর্শন আর আশীর্ব্বচন পেয়ে আমি ধন্ত হয়েছি, আজ কোন প্রাণে আমি সেই মুখে আগুন জ্বালিয়ে দোব । পিতা নিজে না খেয়ে মুখের গ্রাস কত আদরে কত স্নেহ আমার মুখে তুলে দিয়েছেন আর আজ আমি তাঁর মুখে—না—না—এ আমি পারব না । আমায় ক্ষমা করুন ।

পুরো । মন্ত্রীবর, আপনি কুমারকে সাহুনা দিন ।

দেব । কি আর সাহুনা দেব প্রভু ? আমার নিজের হৃদয়ই যে আজ হাহাকারে পূর্ণ । আমার সাহুনা দেবার শক্তি কোথায় ? অপরাজিত, বাপ ! এ যে তোমার কর্তব্য কৰ্ম্ম ।

অপরাজিত । এ অতি নিষ্ঠুর কর্তব্য ।

পুরো । আর বিলম্ব কেন ? চিতা প্রস্তুত—(সকলে মৃতদেহ ধরিয়া চিতায় তুলিতে গেলেন । ঠিক সেই সময় ভ্রাতৃগণ ও অনুচরবর্গের সহিত খোমানের প্রবেশ)

খোমান । ক্ষান্ত হও—

দেব । কে ? খোমান ! খোমান, খোমান, বাপ্পা আমাদের ছেড়ে গিয়েছে ।

খোমান । কাকা ! আমি সব শুনেছি । আপনার নিকট আমাদের

একটি প্রার্থনা আছে । আমরাও বাপ্পারাওএর সন্তান, আমরা পিতার দেহ ভূগর্ভে নিহিত ক'রতে চাই ।

সকলে । অসম্ভব !

খোমান । কেন ? যে অধিকারে, যে অপত্যম্নেহের দাবী করে অপরাজিত প্রভৃতি আমার ভ্রাতৃগণ পিতার দেহ দগ্ধ ক'রতে যাচ্ছে, ঠিক সেই অধিকারে, সেই ম্নেহের দাবীতে আমরাও এই দেহ ভূগর্ভে প্রোথিত ক'রতে চাই ।

পুরো । হিন্দুর কবর হতে পারে না ।

খোমান । কেন পারবে না ? হিন্দু যদি মুসলমানীকে বিবাহ করে, এবং সেই মিলনে যদি কোন সন্তান জন্মে, তবে সে সন্তান ইচ্ছা ক'রলে তার পিতার দেহ কবরস্থ ক'রতে পারে । দেখুন, আমি বুখা তর্ক বিতর্কের ধার ধারি না । আমি সহজ সরল উত্তর চাই, আমাদের প্রার্থনা পূর্ণ ক'রতে আপনারা প্রস্তুত কি না ?

পুরো । প্রস্তুত যদি নাই হই ?

খোমান । অস্ত্রমুখে বাধ্য করাব ।

পুরো । সার্থক পুত্র তোমরা ! নির্বাসিত হয়েও পিতার মৃতদেহের অংশ নিতে ব্রাহ্মসের মত ধৈর্য এসেছ ! ধন্য তোমাদের পিতৃভক্তি ! যাও এই মুহূর্তে এ স্থান ত্যাগ কর ।

খোমান । বড়ই ছুর্ভাগ্য আমাদের, যে তোমার এ আদেশ পালনে আমরা অক্ষম !

পুরো । এখানে রাজপুত্র যারা আছ, আমি ব্রাহ্মণ, আমার আদেশ এ ব্রাহ্মসগুলাকে দূর করে দিয়ে এ পবিত্র দেহ রক্ষা কর ।

রাজপুত্র । আমরা প্রস্তুত ।

খোমান । ভাইসব, যারা “নোশেরা পাঠান” বলে জগতে পরিচিত তারা অসি হস্তে স্বীয় অধিকার রক্ষা ক'রতে প্রস্তুত হও ।

মুসলমানগণ । আমরা প্রস্তুত ।

খোমান । তবে আর বিলম্ব কেন ? আক্রমণ কর—(আক্রমণোত্ত ও পুরবাসিনীগণের সহিত মায়া আসিয়া উভয় দলের মধ্যে দাঁড়াইলেন) ।

মায়া । পুত্রগণ, এ সব কি ?

খোমান । বড়মা, আমাদের সৌভাগ্য যে আপনি এখানে এসেছেন । এখন আমরা সুবিচার পাবার আশা করি ।

মায়া । কিসের বিচার বৎস ?

খোমান । আমরা আমাদের পিতার দেহ ভূগর্ভে প্রোথিত ক'রতে চাই ।

মায়া । তিনি যে হিন্দু, খোমান !

খোমান । বড়মা, জ্যেষ্ঠ হয়েও আমার মা মুসলমানী বলে আমি সিংহাসন থেকে বঞ্চিত হয়েছি । যবনী গর্ভজাত বলে রাজ্য থেকে বঞ্চিত হব—পিতার দেহ কবরস্থ ক'রতে পারব না ! বড়মা, গুণ্য বিচার করুন ।

মায়া । এ আমায় কি পরীক্ষায় ফেললে প্রভু ? এই দেখবার জগুই কি আমায় রেখে গিয়েছ ? এস নাথ—এস প্রভু, একবার স্বর্গ থেকে এই নরলোকে নেমে এসে এ বিবাদ ভঞ্জন করে দিয়ে যাও,—তোমার হতভাগ্য পুত্রগণকে রক্ষা কর । পুত্রগণ, এই আমি তোমাদের সম্মুখে তোমাদের পিতার পবিত্র দেহ উন্মোচন ক'রছি—একবার সেই সৌম্য স্নিগ্ধ মুখের দিকে চেয়ে দেখ, তারপর তোমাদের যা ইচ্ছা তাই কর । (বলিতে বলিতে বস্ত্র উন্মোচন করিলেন । সকলে সবিস্ময়ে দেখিলেন, দেহ নাই—তৎপরিবর্তে রাশি রাশি শ্বেতপদ্ম ।) একি ? একি ধনু, ধনু তুমি প্রভু !

সকলে । অদ্ভুত !

খোমান । আশ্চর্য্য !

মায়া । এ কীর্ত্তি তোমারই যোগ্য ! তুমি ত মানুষ নও—তুমি

দেবতা । ধন্য আমি, যে আমাকে তুমি সহধর্মিনী বলে গ্রহণ করেছিলে ।
পুত্রগণ ! দেখ, তোমরা তোমাদের পিতার কত স্নেহের সামগ্রী । বৎসগণ,
ভ্রাতৃবিরোধে ক্ষান্ত হ'য়ে, সেই মহাপুরুষ তোমাদের জন্ম স্বর্গ থেকে এই
শ্বেতপদ্মাকারে যে আশীর্বাদ পাঠিয়েছেন, গ্রহণ ক'রে ধন্য হও ।

খোমান । পিতা ! আপনি দেবতা । অজ্ঞান আমি, তাই আপনাকে
চিন্তে পারিনি । বড়মা, আপনার আদেশ শিরোধার্য্য । আর আমার
কোন ক্ষোভ নেই । অপরাজিত, ভাই, জন্মের মত চিতোর পরিত্যাগ ক'রে
যাচ্ছি । (অপরাজিত ও খোমান আলিঙ্গনবদ্ধ হইলেন ।)

মায়া । পুত্রগণ, স্বামী আমায় আহ্বান করেছেন—আমি এই সজ্জিত
শূন্য চিতায় তাঁর ইঙ্গিত পেয়েছি ।

সকলে । মা, মা, আমাদের ছেড়ে যাবেন ?

মায়া । পুত্রগণ, পতির অনুগমন করাই নারীর ধর্ম্য । আমায় বাধা
দিও না । আশীর্বাদ করি, সুখী হও । পূজ্য ষাঁরা আছেন, তাঁরা আমার
প্রণাম গ্রহণ করে আশীর্বাদ করুন ।

পুরো । যাও মা সতীলক্ষ্মী, পতিসোহাগিনী হয়ে পতির পাশে বিরাজ
করগে' ।

মায়া । লছমি, বোন, আমায় বিদায় দাও ।

লছমি । যাও সতি, অমরধামে পতির সঙ্গে মিলিত হওগে' ।
আশীর্বাদ কর, আমরাও যেন তোমার মত নারীধর্ম্য পালন ক'রতে পারি ।

মায়া । পতি, গুরু, দেবতা, চরণে স্থান দাও ।

(চিতারোহণ)

পুরবাসি ও পুরবাসিনীগণের সমবেত সঙ্গীত এবং পুষ্প চন্দন ও লাজবুটি ।

গীত ।

আজি পুত্ৰপুত্র পরশে, হরষে বহি মধুর হাসিছে ।

তীরে স্বরণের ধারে, ঘনদুন্দুভি বাজিছে ॥

বরিষ লাজ কুম্ভমরাশি—দেহ দেবতত্ত্ব ঢাকিয়া,
যুক্ত করে সতীর তরে লহ দেবশীষ মাগিয়া,
কর জয় জয় সতীর প্রভায় হের রাজবারা হাসিছে ।
রাখিও চরণে দীন সন্তানে, জননী আশীষ মাগিছে ।

শূত্রে বাপ্পা ও মায়ার জ্যোতির্গর্ভ মূর্তি ।



